

才調集叙

結廬藏

蜀監察御史

韋

穀

集

余少博群言常所得志雖秋螢之照不遠而雕
蟲之見自佳古人云自聽之謂聰內視之謂明
也又安可受誚於愚鹵取譏於書厨者哉暇日
因閱李杜集元白詩其間天海混茫風流挺特
遂採摭與妙并諸賢達章句不可備錄各有編
次或閑窓展卷或月榭行吟韻高而桂兔爭光
詞麗而春色鬪美但貴自樂所好豈敢垂諸後
昆今纂諸家歌詩摠一千首每一百首成卷分

之爲十目曰才調集庶幾來者不謂多言他代
有人無嗤薄鑒云爾

才調集目錄

卷第一

白居易十九首

薛能七首

崔國輔六首

孟浩然二首

劉長卿六首

韋應物一首

王維二首

賈島七首

李廌十六首

常建一首

劉禹錫五首

宋濟二首

王建十三首

李端一首

耿緯二首

李華一首



錢翊七首

李遠二首

卷第二

溫飛卿六十一首

顧況十一首

吳融二首

崔塗六首

盧綸七首

無名氏十三首

卷第三

韋莊六十三首

李山甫八首

李洞五首

薛逢一首

裴庭裕一首

李昂一首

沈佺期

王冷然一首

何扶一首

汪遵一首

高適一首

孟郊一首

陸龜蒙五首

張籍七首

曹鄴三首

卷第四

杜牧之三十三首

張泌十八首

戴叔倫四首

宋邕一首

曹唐二十四首

施肩吾二首

趙光遠三首

孫啓四首

崔珣七首

司空曙三首

項斯一首

卷第五

元稹五十七首

鄭谷十一首

秦韜玉八首

紀唐夫一首

雍陶一首

劉禹錫十二首

白居易八首

武元衡二首

卷第六

李白二十八首

李商隱四十首

李涉十五首

唐彥謙十七首

卷第七

李宣古一首

王渙十三首

岑參四首

賈曾一首

許渾二十首

油蔚一首

張祐六首

來鵬二首

施肩吾四首

劉得仁一首

高駢四首

李端一首

趙嘏十一首

朱絳一首

姚倫一首

劉方平二首

陳羽一首

薛能三首

李郢一首

薛逢一首

崔塗一首

項斯一首

李宣遠一首

陶翰二首

溫憲三首

王駕一首

于鵠三首

徐寅

卷第八

羅隱十七首

李頎一首

崔顥一首

于武陵九首

李涉一首

戎昱四首

韓琮六首

李德裕一首

高蟾一首

高適一首

朱慶餘一首

崔桐一首

備七卷中

曹崧二首

錢起一首

羅鄴九首

章竭一首

李益一首

王昌齡三首

李嘉佑四首

鄭隼一首

祖詠一首

吉師老四首

盧弼七首

竇鞏

韓偓五首

杜荀鶴八首

張喬

崔魯一首

卷第九

劉商一首

長孫佐輔二首

朱倣二首

王表二首

張安石二首

張諤一首

于濆三首

胡曾九首

李群玉二首

顧飛熊一首

袁不約二首

吳商浩八首

梁鎰一首

賀知章一首

張蠩四首

劉象七首

戴司顏二首

沈彬一首

李賀一首

嚴維一首

韓翊一首

熊皎一首

張喬三首

陳陶一首

張謂一首

鄭常一首

崔峒一首

李洞一首

李端一首

江為一首

裴度一首

陳上美一首

姚合七首

楊牢一首

王昌齡二首

工鵠一首

陳羽一首

貫休三首

僧尚顏二首

僧護國一首

僧懷白二首

僧無可二首

僧清江一首

僧法照一首

僧大易二首

僧惟審一首

僧滄浩一首

僧皎然二首

僧無本二首

卷第十

張夫人二首

劉媛一首

李冶九首

劉雲二首

鮑君徽一首

崔仲容二首

張文姬二首

女道士元淳二首

蔣蘊二首

崔公達一首

魚玄機九首

張窈窕二首

張琰二首

趙氏二首

程長文三首

梁瓊三首

廉氏二首

薛濤三首

姚月華二首

裴羽仙二首

劉瑤三首

常浩二首

葛鵝兒二首

薛媛一首

盼盼一首

崔鶯鶯一首

無名氏三十七首

才調集目錄終

才調集卷第一

古律雜歌詩一百首

白居易一十九首

代書一百韻寄微之

憶在貞元歲俱昇典校司身名同日授心事一
言知肺腑都無隔形骸兩不羈踈狂屬年少閑
散爲官思分定金蘭契言通藥石規交賢方汲
汲友直每惔惔有月多同賞無杯不共持秋風
拂琴匣夜雪卷書帷高上慈恩塔幽尋皇子陂
唐昌玉藥會崇敬牡丹期笑勸迺辛酒閑吟短

李詩儒風愛敦質佛理賞玄師度日曾無悶通
宵靡不為雙聲聯律句八面數宮棊往往遊三
省騰騰出九達寒消直城路春滿曲江池樹暖
枝條弱山晴彩翠竒峯攢石綠點柳惹麴塵絲
岸草煙鋪地園花雪壓枝早光紅照耀新溜碧
逶迤幄幕分堤布盤筵占地施徵伶求絕藝迎
妓選名姬鉛粉凝春艷金鈿耀水嬉風流誇墮
髻時勢鬪愁眉密坐隨歡促華罇逐勝移香飄
歌被動醉落舞釵遺籌插紅螺椀觥飛白玉卮
打嫌調笑易飲訝卷波遲殘席誼譁散歸鞍酪

酹騎醜顏烏帽側醉袖玉鞭垂紫陌傳鐘鼓紅
塵塞路歧幾時曾暫別何處不相隨荏苒星霜
換迴還節候推兩衙多請告三考遂成資運啓
千年聖天成萬物宜皆當少壯日同惜盛明時
光景嗟虛擲雲霄竊暗窺攻文朝吃吃講學夜
孜孜策目穿如扎毫鋒銳若錐繁張獲鳥網堅
守釣魚坻並受夔龍薦齊登晁董詞萬言經濟
略三道太平基取第爭無敵專場戰不疲輔車
排勝陣掎角奪降旗雙闕分容衛千寮儼等衰
恩隨紫泥降名向白麻披既在高科選還從好

爵縻東垣君諫諍西邑我驅馳再喜登烏府多
慙侍赤墀官班分內外遊處遂參差每列鴛鴦
序偏瞻獬豸姿簡威霜凜冽衣綵繡萎蕤正色
摧強禦剛腸嫉喔咻常憎持祿位不擬保妻兒
養勇期除惡輸忠在滅私下鞫驚鸞雀當道懾
狐狸南國人無枉東臺吏不欺雪寃多定國犯
諫甚辛毗造次行於是平生志在斯道將心共
直言與行相危水暗波翻覆山藏路嶮巖未爲
明主識已被幸臣疑木秀遭風折蘭芳遇霰萎
千鈞勢易壓一柱力難撐騰口方成瘡吹毛遂

得疵憂來吟貝錦謫去詠江離邂逅塵中遇殷
勤馬上辭賈生離魏闕王粲向荆夷水渡清源
寺山經綺里祠心搖漢臯珮淚墮峴山碑驛路
綠雲際城樓枕水湄思鄉多繞澤望國獨登陴
林晚青蕭索江平綠渺瀰野秋鳴蟋蟀妙冷聚
鷓鴣官舍黃茅屋人家苦竹籬白醪充夜酌紅
粟備晨炊寡鶴摧風翻鰓魚失水髻暗雛啼鴉
旦涼葉墜相思一點秋燈滅三聲曉角吹藍衫
經雨故駉馬卧霜羸念涸誰濡沫嫌醒自啜醅
耳垂懷伯樂舌在感張儀負氣衝星劍傾心向

日葵金言自銷鑠玉性肯磷緇伸屈須省蠖窮
通莫問龜定知身是患應用道爲醫想子今如
彼嗟余獨在茲無悰當歲杪有夢到天涯坐阻
連襟帶行乖接履綦潤消衣上霧香散室中芝
念遠傷遷貶驚時歎別離素書三往復明月七
盈虧舊里非難到餘歡不易追樹依興善老草
傍靖安衰前事思如昨中懷寫向誰北村尋古
栢南宅訪辛夷此日徒搔首何人共解頤病多
知夜永年長覺秋悲不飲長如醉加殮永似飢
狂書一千字因使寄微之

東南行一百韻

南去經三楚東來過五湖山頭看候館水面問
征途地遠窮江界天低接海隅飄零同落葉浩
蕩似乘桴漸覺鄉原異深知土俗殊夷音語嘲
啗蠻態笑睢盱水市通闌閫煙村混舳舻吏徵
魚戶稅人納火田租亥日饒蝦蟹寅年足虎貙
成人男作卯事鬼女爲巫樓暗攢倡婦堤長簇
販夫夜船論鋪賃春酒斷瓶沽見果皆盧橘聞
禽悉鷓鴣山歌猿獨叫野哭鳥相呼嶺徼雲成
棧江郊水當郭月移翹柱鶴風泛颭檣烏黿礙

潮無信鮫驚浪不虞鼉鳴江榭鼓蜃氣海浮圖
樹裂山魃穴沙含水弩樞喘牛犁紫芋羸馬放
青菰繡面誰家婢鷓頭幾歲奴泥中採菱芡燒
後拾樵蘇鼎膩愁烹鼈盤腥厭鱠鱸鍾儀徒戀
楚張翰浪思吳氣序涼還熱光陰旦復晡身方
逐萍梗年欲近桑榆渭北田園廢江西歲月徂
憶歸怕慘澹懷舊忽踟躕自念咸秦客常爲鄒
魯儒蘊藏經國術輕棄度關繻賦力凌鸚鵡詞
鋒敵輓轡戰文重掉鞅射策一彎弧崔杜鞭齊
下元韋轡並驅名聲敵揚馬交分過蕭朱世務

經磨揣周行竊覲風雲皆會合兩露各沾濡
共偶昇平代偏慙固陋軀承明連夜直建禮拂
晨趨美服頌王府珍羞降御厨議高通白虎諫
切伏青蒲栢殿行陪宴花樓走看酺神旗張鳥
獸天籟動笙竽力劔星芒耀魚龍電策驅定場
排越妓促座進吳餼縹緲疑仙樂嬋娟勝畫圖
歌鬟低翠羽舞汗墜紅珠別選閑遊伴潛招小
飲徒一盃愁已破三盞氣彌羸軟美仇家酒幽
閑葛氏姝十千方得斛二八正當壚論笑杓胡
碑談憐鞏囁嚅李酣尤短實庾醉更薦迂鞍馬

呼交住骰盤喝遣輸急驅波卷白連擲彩成盧
籌併頻逃席觥嚴別置盂漏卮那可灌頽玉不
勝扶入視中樞草歸乘內廐駒醉曾衝宰相驕
不揖金吾日近恩雖重雲高勢易孤翻身落霽
漢失脚倒溼塗博望移門籍潯陽佐郡符時情
變寒暑世利筭錙銖望日辭雙闕明朝別九衢
播遷分郡國次第出京都秦嶺馳三驛商山上
二邠峴陽亭寂寞夏口路崎嶇大道全生棘中
丁盡執爰江關未撤警淮寇尚稽誅林到東西
寺山分大小姑鑪峯蓮刻削湓水帶縈紆九派

吞青草孤城覆綠蕪黃昏鍾寂寂清曉角嗚嗚
春色辭門柳秋聲到井梧殘芳怨鷓鴣暮節感
茱萸藥折金英菊花飄雪片蘆波紅日斜沒沙
白月平鋪幾見林抽笋頻驚燕引雛歲華何倏
忽年少不須更眇默思千古蒼茫想八區孔窮
緣底事顏天有何辜龍聖猶遭醢龜靈未免剝
窮通應已定聖哲不能踰况我謀身拙逢他厄
運拘漂流從大海鎚鍛任洪鑪險阻嘗之矣棲
遲命也夫沉冥消意氣窮餓耗肌膚防瘴和殘
藥迎寒補舊襦書床鳴蟋蟀琴匣網蜘蛛貧活

如懸磬端憂極守株時遭客荅難數被鬼擲楸
兀兀都疑夢昏昏半似愚女驚朝不起妻怪夜
長吁萬里離朋執三年隔友于自然悲聚散不
是恨榮枯去夏微之瘡今春席八殂天涯書達
否泉下哭知無謾寫詩盈軸空盛酒滿壺只添
新悵望豈復舊歡娛壯志因愁減衰容與病俱
相逢應不識滿頷白髭鬚

四不如酒

莫買金剪刀徒費千金直我有心中愁知君剪
不得莫磨解結錐徒勞費心力我有腸中結知
君挑不得莫染紅素絲徒誇好顏色我有雙淚
珠知君穿不得莫近紅爐火炎氣徒相逼我有
鬢邊霜知君銷不得刀不能剪心愁錐不能解
腸結絲不能穿淚珠火不能銷鬢雪不如且飲
長命盃萬恨千愁一時歇

江南喜逢蕭九徹因話長安舊遊戲贈
五十韻

憶昔嬉遊伴多陪歡宴場寓居同永樂幽會共
平康師子尋前曲聲兒出內坊花深態奴宅竹
錯得憐堂庭晚開紅藥門閑蔭綠楊經過悉同

巷居處盡連墻時世高梳髻風流澹作粧戴花
紅石竹帔暈紫櫛榔鬢動懸蟬翼釵垂小鳳行
拂鬢輕粉絮暖手小香囊選勝移銀燭邀歡舉
玉觴爐煙凝麝氣酒色注鵝黃急管停還奏繁
絃慢更張雪飛迴舞袖塵起繞歌梁舊曲翻調
笑新聲打義揚多情推阿軟巧語許秋娘風暖
春將暮星迴夜未央宴餘添粉黛坐久換衣裳
結伴歸深院分頭入洞房綵帷開翡翠羅薦拂
鴛鴦留宿爭牽袖貪眠各占床綠窓籠水影紅
壁背燈光索鏡収花鈿邀人解袷褱暗嬌粧靨

笑私語口脂香怕曉聽鍾坐羞明映繆藏眉殘
蛾翠淺鬟解綠雲長聚散知無定憂歡事不常
離筵開夕宴別騎促晨裝去住青門外留連滌
水傍車行遙寄語馬駐共相望雲雨分何處山
川各異方野行初寂寞店宿乍恓惶別後嫌宵
永愁來厭歲芳幾看花結子頻見露爲霜歲月
何超忽首容坐渺茫往還書斷絕來去夢遊揚
自我辭秦地逢君客楚鄉常嗟異岐路忽喜共
舟航話舊堪垂淚思鄉數斷腸愁雲接巫峽淚
竹近瀟湘月落江湖闊天高節候涼浦深煙漠

漠沙冷月蒼蒼紅葉江楓老青蕪驛路荒野風
吹蟋蟀湖水浸菰蔣帝路何由見心期不可忘
舊遊千里外往事十年強春晝提壺飲秋林摘
橘嘗強歌還自感縱酒不成狂永夜長相憶逢
君各共傷殷勤萬里意併寫贈蕭郎

楊柳枝二十韻

小妓攜挑葉新歌踏柳枝粧成剪燭後醉起拂
衫時繡履嬌行緩花筵笑上遲身輕委迴雪羅
薄透凝脂笙引篴頻暖箏催柱數移樂童翻怨
調才子與妍詞便想人如樹先將髮比絲風條

垂兩帶煙葉帖雙眉口動櫻桃破鬟低翡翠垂
枝柔腰裏娜萋嫩手葳蕤鶴唳晴呼伴猿哀夜
叫兒玉敲音歷歷珠貫字纍纍袖爲收聲點釵
因赴節遺重重遍頭別一一拍心知塞北愁攀
折江南苦別離黃遮金谷岸綠映杏園池春惜
芳華好秋憐翠色衰取來歌裏唱勝向笛中吹
曲罷那能別情多不自持纏頭無別物一首斷
腸詩

初與元九別後忽夢見之及寤而書適

至兼寄桐花詩悵然感懷因以此寄

時元

永壽寺中語新昌坊北分歸來數行淚悲事不
悲君悠悠藍田路自去無消息計君食宿程已
過商山北昨夜雲四散千里同月色曉來夢見
君應是君相憶夢中握君手問君意何如君言
苦相憶無人可寄書覺來未及說叩門聲冬冬
言是商州使送君書一封枕上忽驚起顛倒着
衣裳開緘見手扎一紙十三行上論遷謫心下
說離別腸心腸都未盡不暇叙炎涼云作此書
夜夜宿商州東獨對孤燈坐陽城山館中夜深
作書畢山月向西斜月下何所有一樹紫桐花
桐花半落時復道正相思殷勤書背後兼寄桐
花詩桐花詩八韻思緒一何深以我今朝意想
君前夜心一章三遍讀一句十迴吟珍重八十
字字字化為金

秦中吟并序

貞元元和之際余在長安聞見之間有足悲者
略舉其事因命為秦中吟焉

貧家女

天下無正聲悅耳則為娛人間無正色悅目則

為姝顏色非相遠貧富則有殊貧為時所棄富
為時所趨紅樓富家女金縷繡羅襦見人不斂
手嬌癡二八初母兄未開口言嫁不須更綠窓
貧家女寂寞二十餘荆釵不直錢衣上無真珠
幾迴人欲聘臨日又踟躕主人會良媒置酒滿
玉壺四座且勿飲聽余歌兩途富家女易嫁嫁
早輕其夫貧家女難嫁嫁晚孝於姑聞君欲娶
婦娶婦意何如

無名稅

厚地植桑麻所用濟生民生民理布帛所求活
一身身外充征賦上以奉君親國家有兩稅本
意在憂人厥初防其汪明勅內外臣稅外加一
物皆以枉法論柰何歲月久貪吏得因循役我
以求寵斂索無冬春織絹未成疋縹絲未盈斤
里胥逼我納不許暫逡巡歲暮天地閉陰風生
破村夜深煙火盡霰雪白紛紛幼者形不蔽老
者體無溫悲啼與寒氣併入鼻中辛昨日輸餘
稅因窺官庫門繒帛如山積絲絮似屯雲號為
羨餘物隨日獻至尊奪我身上暖買爾眼前恩
進入瓊林庫歲久化為塵

傷大宅

誰家起甲第朱門當道邊豐屋中櫛北高牆外
迴環纍纍六七堂簷宇相連延一堂費百萬鬱
鬱起青煙洞房溫且清寒暑不能干高亭虛且
迥坐卧見南山繞廊紫藤架夾砌紅藥欄攀枝
摘櫻桃帶花移牡丹主人此中坐十載爲大官
厨有臭敗肉庫有朽貫錢誰能將我語問尔骨
肉間豈無貧賤者忍不救飢寒如何奉一身直
欲保千年不見馬家宅今作奉成園

膠漆契

陋巷飢寒士出門甚栖栖雖然志氣高豈免顏
色低平生同袍友通籍在金閨昔爲膠漆契爾
來雲雨睽正逢下朝歸軒騎五門西是時天久
陰三日雨淒淒蹇驢避路立肥馬當風嘶送頭
望相識占道上沙堤昔年洛陽社貧賤相提攜
今日長安道對面隔雲泥近日多如此非君獨
慘悽死生不變者惟聞任與黎

合致仕

七十而致仕禮法有明文何乃貪榮貴斯言如
不聞可憐八九十齒落雙眸昏朝露貪名利夕

陽憂子孫挂冠顧翠纓懸車惜朱輪金章腰不
勝偃僂入君門誰不愛富貴誰不戀君恩年高
須請老名遂合退身少時共嗤笑晚歲多因循
賢哉漢二疎彼獨是何人寂寞東門路無人繼
去塵

古碑

勲德既已衰文章亦陵夷但見南山石刻作路
傍碑勲名悉太公德教皆仲尼復以多為貴干
言直萬貲為文彼何人想見下筆時但欲愚者
悅不思賢者嗤豈獨賢者嗤仍傳後代疑古石
蒼苔字焉知是愧詞我聞望江縣麴令撫孤嫠
在官有仁政名不聞京師身歿欲歸葬百姓遮
路歧攀轅不得去留葬此江湄至今道其名男
女皆涕垂無人立碑碣唯有邑人知

江南旱

意氣驕滿路鞍馬光照塵借問何為者人稱是
近臣朱紱皆大夫紫綬悉將軍誇赴中軍會走
馬疾如雲罇壘溢九醞水陸羅八珍果擘洞庭
橘繪切天池鱗食飽心自若酒酣氣益振是歲
江南旱衢州人食人

五弦琴

清歌且停唱紅袂亦停舞趙叟抱五絃宛轉曾
前撫大聲徂一作粗若散颯颯風和雨小聲細欲
絕切切鬼神語又如鵲報喜轉作猿啼苦十指
無定音顛倒宮商羽坐客聞此聲形神若無主
行客聞此聲駐足不能去嗟嗟俗人耳好今不
好古所以北窓琴日日生塵土

傷閩鄉縣囚

秦中歲日暮大雪滿皇州雪中退朝者朱紫盡
公侯貴有風雪興富無飢寒憂所營唯甲第所
務在追遊朱輪車馬客紅燭歌舞樓歡酣促密
坐醉暖脫重裘秋官爲主人廷尉居上頭日中
爲樂飲夜半不能休豈知閩鄉獄中有凍死囚

牡丹

帝城春欲暮喧喧車馬度共道牡丹時相隨買
花去貴賤無常價酬直看花數灼灼百朵紅
幾幾五束素上張帷幄庇傍織笆籬護水灑復泥
封遷來色如故家家皆爲俗人人迷不誤有一
田舍翁偶來買花處低頭獨長歎此歎無人諭
一叢深色花十戶中人賦

被襖日遊于斗門亭

留守晉公首勅一篇鑑然玉振居易

若無酬和為洛無人

三月草萋萋黃鶯又欲啼柳橋晴有絮沙路潤
無泥襖事脩初畢遊人到欲齊金鈿耀桃李絲
管駭鳥鷺轉岸迴船尾臨流簇馬蹄鬧於楊子
渡踏破魏王堤妓接謝公宴詩陪江令題舟同
李膺泛醴為穆生攜水引春心蕩花牽醉眼迷
塵街從鼓動煙樹任鴉棲舞急紅腰凝去聲歌遲
翠黛低夜歸何用燭新月鳳樓西

翫半開花贈皇甫郎中

勿訝春來晚無嫌花發遲人憐全盛日我愛半
開時紫蠟粘為帶紅蘇點作粧成都新夾纈梁
漢辟燕脂櫻樹真珠顆牆頭小女兒淺深糝剥
落高下火參差蝶戲爭香朶鶯啼選穩枝好教
郎作伴合共酒相隨醉翫無勝此狂嘲更讓誰
猶殘少年興不似老人詩西日憑輕照東風莫
煦吹明朝應爛熳後夜即離披枝下遙相憶罇
前暗有期銜盃嚼藥思唯我與君知

題令狐家木蘭花

膩如玉指塗朱粉光似金刀剪紫霞從此時時

春夢裏應添一樹女郎花

薛能七首

牡丹

去年零落暮春時
淚濕紅牋怨別詩
常恐便同巫峽散
因何重有武陵期
傳情每向馨香得不語
還應彼此知
見欲攔邊安枕席
夜深閑共說相思

蜀黃葵

嬌黃初綻欲題詩
盡日含毫有所思
記得玉人春病校
道家裝束厭穠時

贈歌妓

妓能詩

同有詩情自合親
不須歌調更含嚙
朝天御史非韓壽
莫竊香來帶累人

晚春

惡憐風景極交親
每恨年年作瘦人
卧晚不曾拋好夜
情多唯欲哭殘春
陰成杏葉纔通日
雨著楊花已汙塵
無限後期知有在
只愁還作摠戎身

贈歌者

一字新聲一顆珠
轉喉疑是擊珊瑚
聽時坐部

音中有唱後櫻花葉裏無漢浦茂聞虛解珮臨
邛馬用枉當壚誰人得向青樓宿便是仙郎不
是夫

舞者

綠毛釵動小相思一唱南軒日午時慢鞞輕裙
行欲近待調諸曲起來遲筵停七筩無非聽物
帶宮商盡是詞爲問傾城年幾許更勝瓊樹是
瓊枝

楊柳枝

數首新詞帶恨成柳絲牽我我傷情柔娥幸有

腰肢穩試踏吹聲作唱聲

崔國輔六首

雜詩

逢著平樂兒論交鞍馬前與沽一斗酒恰用十
千錢後余在關內作事多迍遭何處肯相救徒
聞寶劍篇

魏宮詞

朝日點紅粧擬上銅雀臺畫眉猶未了魏帝使
人催

怨詞

妾有羅衣裳秦王在時作爲舞春風多秋來不堪着

少年行

遺却珊瑚鞭白馬嬌不行章臺折楊柳春日路傍情

中流曲

歸時日尚早更欲向芳洲渡口水流急迴船不自由

對酒吟雜言

行行日將夕荒村古塚無人跡蒙籠荆棘一鳥

吟屢勸提壺沽酒喫古人不達酒不足遺恨精靈傳此曲寄語當代諸少年平生且盡盃中醪

孟浩然二首

春怨

閨人能畫眉粧罷出簾幃照水空自愛折花將遺誰春情多逸艷春意倍相思愁心極楊柳一種亂如絲

送杜十四之江南

荆吳相接水爲鄉君去春江正淼茫日暮征帆泊何處天涯一望斷人腸

劉長卿六首

揚州雨中張十七宅觀妓

夜色滯春煙燈花拂更燃
殘粧添石黛艷舞落
金鈿掩笑頻歌扇迎歌乍
動絃不知巫峽雨何
事海西邊

赴潤州使院留鮑侍御

六言

對水看山別離孤舟日暮行遲
江南江北春草
獨向金陵去時

北歸次秋浦界青館

萬古啼猿後孤城落日依
鴈迴初日暮人向宛
陵稀舊路青山在餘生白首歸
漸知行近北不
見鷓鴣飛

登餘干古城

孤城上與白雲齊萬古蕭條楚水西
官舍已空
秋草綠女牆猶在夜烏啼
平江渺渺來人遠落
日亭亭向客低沙鳥不知陵谷變
朝來暮去弋
陽溪

若耶溪酬梁耿別後見寄

六言

晴川落日初低惆悵孤舟解
攜鳥去平蕪遠近
隨流水東西白雲千里萬里
明月前溪後溪

獨恨長沙謫去江潭春草萋萋

別宥子怨

垂柳拂金堤
靡蕪葉正齊
水溢芙蓉沼
花飛桃李蹊
採桑秦氏女
織錦竇家妻
關山別宥子
風月守空閨
恒斂千金笑
長垂白玉啼
盤龍隨鏡
隱舞鳳逐雲
低驚魂同野
鶴倦寢憶晨
雞暗牖懸
蛛網空梁落
燕泥前年過
岱北今歲往
遼西一去無
還意那能惜
馬蹄

韋應物一首

西澗

獨憐幽草澗邊生
上有黃鸝遶樹鳴
春潮帶雨晚來急
野渡無人舟自橫

王維二首

送元二使安西

渭城朝雨裊輕塵
客舍青青楊柳春
勸君更盡一盃酒
西出陽關無故人

隴頭吟

長城少年遊俠客
夜上戍樓看太白
隴頭明月迥臨關
隴上行人夜吹笛
關西老將不勝愁
驅馬聽之雙淚流
身經大小百餘戰
麾下偏裨萬

戶侯蘇武纔爲典屬國節旄空盡海西頭

賈島七首

寄遠

別腸長鬱紆豈能肥肌膚始知相結密不及相
結踈踈別恨應少密別恨難祛門前南去水中
有北飛魚魚飛向北海此情復何如欲剪衣上
襟書作寄遠書不惜寄遠書故人今在無華山
岌嶷形遙望齊平蕪况此數尺身阻彼萬里途
自非日月光難以知子軀

代舊將

舊事說如夢誰當信老夫戰場幾處在部曲一
人無落日收病馬晴天曬陣圖猶希聖朝用自
鑷白髭鬚

春行

去去行人遠塵隨馬不窮旅情斜日後春色早
煙中流水穿空館閑花發故宮舊鄉千里思池
上綠楊風

述劍

十年磨一劍兩刃未曾試今日把似君誰有不
平事

書意

碌碌復碌碌百年雙轉轂志士中夜心良馬白日足俱爲不等閑誰是知者目別來兩淚盡誰弔荆山哭

上杜駙馬

即杜悰也

玉山突兀壓乾坤出得朱門入戟門妻是九重天子女身爲一品令公孫鴛鴦殿裏參皇后龍鳳堂前賀至尊今日澧陽非久駐佇爲霖雨拜新恩

早秋題天台靈應寺

峯前峯後寺新秋絕頂高
牕見沃洲人在定中
聞蟋蟀鶴曾棲處掛獼猴
山鐘夜渡空江水汀
月寒生古石樓
心憶挂帆身未道謝公
此地昔年遊

李廓一十六首

長安少年行十首

金紫少年郎繞街鞍馬光
身從左中尉官屬右
春坊剗戴揚州帽
重重異國香垂鞭踏青草
來去杏園芳

追逐輕薄伴閑遊不着緋
長攏出獵馬數換打

毬衣曉日尋花去春風帶酒歸青樓無晝夜歌舞歇時稀

日高春睡足怙馬賞年華倒插銀魚袋行隨金犢車還攜新市酒遠醉曲江花幾度歸侵黑金吾送到家

好勝耽長夜天明燭滿樓留人看獨脚賭馬換偏頭樂奏曾無歇盃巡不暫休時時遙冷笑怪客有春愁

遨遊攜艷妓裝束似男兒盃酒逢花住笙歌簇馬吹鶯聲催曲色春色該歸遲不以聞街鼓華

筵待月移

賞春唯逐勝大宅可曾歸不樂還逃席多狂慣袂衣歌人踏日起語燕卷簾飛好婦唯相妬倡樓不醉稀

戟門連日閉苦飲惜殘春開鎖通新客教姬屈醉人請歌牽白馬自舞蹈紅茵時輩皆相許平生不負身

新年高殿上始見有光輝玉鴈排方帶金鵝立仗衣酒深和碗賜馬疾打珂飛朝下人爭看香街意氣歸

遊市慵騎馬隨姬入坐車樓邊聽歌吹簾外中
釵花樂眼從人鬧歸心畏日斜蒼頭來去報飲
伴到倡家

小婦教鸚鵡頭邊喚醉醒犬嬌眠玉簟鷹掣撼
金鈴碧地攢花障紅泥待客亭雖然長按曲不
飲不曾聽

雞鳴曲

星稀月没入五更膠膠角角雞初鳴征人牽馬
出門立辭妾欲向安西行再鳴引頸簷頭下月
中角聲催上馬纔分地色第二鳴旌旆紅塵已
出城婦人上城亂招手夫壻不聞遙哭聲長恨
雞鳴別時苦不遣雞棲近窻戶

鏡聽詞

匣中取鏡辭竈王羅衣掩盡明月光昔時長着
照容色今夜潛將聽消息門前地黑人未稀無
人錯道朝夕歸更深弱體冷如鐵繡帶菱花懷
裏熱銅片銅片如有靈願得照見行人千里形

猛士行

戰鼓驚沙惡天色猛士虬鬚眼前黑單于衣錦
日行兵陣頭走馬生擒得幽并少年不敢輕虎

狼窟裏空手行

送振武將軍

葉葉歸邊騎風頭萬里乾金裝腰帶重鐵
錦一作
縫耳衣寒蘆酒燒蓬煖霜鴻撚箭看黃河古城
道秋雪白漫漫

落第

榜前潛制淚衆裏自嫌身氣味如中酒情懷似
別人暖風張樂席晴日看花塵盡是添愁處深
宮乞過春

贈商山東于嶺僧

商嶺東西路欲分兩間茅屋一蹊雲師言耳重
知師意人是人非不欲聞

常建一首

弔王將軍

嫖姚北伐時深入幾千里戰餘落日黃軍敗鼓
聲死常聞漢飛將可奪單于壘今與山鬼隣殘
兵哭遼水

劉禹錫五首

臺城

臺城六代競豪華結綺臨春事最奢萬戶千門

成野草只緣一曲後庭花

烏衣巷

朱雀橋邊野草花烏衣巷口夕陽斜
舊來王謝堂前燕飛入尋常百姓家

石頭城

山圍故國周遭在潮打空城寂寞迴
淮水東邊舊時月夜深還過女牆來

生公講堂

生公說法鬼神聽身後空堂夜不扃
高座寂寥塵漠漠一方明月可中庭

江令宅

南朝詞臣北朝客歸來唯見秦淮碧
池臺竹樹三畝餘至今人道江家宅

宋濟二首

東隣美女歌

花暖江城斜日陰鶯啼繡戶曉雲深
春風不道珠簾隔傳得歌聲與客心

塞上聞笛

胡兒吹笛戍樓間樓上蕭條海月閑
借問梅花何處落風吹一夜滿關山

王建一十三首

華清宮感舊

塵到朝元天使急，千官夜發大龍迴。
輦前月照羅衣淚，宮裏風吹蠟燭灰。
公主糝樓金鎖澁，貴妃湯殿玉蓮開。
有時雲外聞天樂，即是先皇沐浴來。

宮前早春

酒幔高樓一百家，宮前楊柳寺前花。
內園分得溫湯水，三月中旬已進一作破菰。

宮中三臺詞二首 六言

魚藻池邊射鴨芙蓉園裏看花日，色拓黃相似
不着紅鸞扇遮。

池北池南草綠殿前殿後花紅，天子千年萬歲
未央明月清風。

江南三臺詞四首 六言

揚州橋邊小婦長安市裏商人三年不得消息
各自拜鬼求神。

青草湖邊草色飛猿嶺上猿聲萬里三湘客到
有風有兩人行。

樹頭花落花開道上人去人來朝愁暮愁郎老

百年幾度三臺

聞身強健且為頭白齒落難追準擬百年千歲
不知幾許多時

宮中調笑詞四首 雜言

團扇團扇美人病來遮面玉容憔悴三年誰復
商量管絃管絃管絃管春草昭陽路斷
胡蝶胡蝶飛上金花枝葉君前對舞春風百葉
桃花樹紅紅樹紅樹燕語鶯啼日暮
羅袖羅袖暗舞春風已舊遙看歌舞玉樓好日
新粧坐愁愁坐愁坐一世浮生虛過

楊柳楊柳日暮白沙渡口船頭江水茫茫商人
小婦斷腸腸斷腸斷鷓鴣夜飛失伴

贈樞密

三朝行坐鎮相隨今上春宮見小時脫下御衣
先賜着進來龍馬便教騎長承密旨歸家少獨
奏邊庭出殿遲不是當家偏向說九重爭得外
人知

李端一首

蕪城懷古

風吹城上樹草沒邊城路城裏月明時精靈自

來去

耿緯二首

秋日

反照入閭巷憂來與誰語
古道無人行秋風動
禾黍

送王潤

相送臨寒水蒼然望故關
江蕪連夢澤楚雪入
商山話我他年舊看君此日還
因將自悲淚一灑別離間

李華一首

長門怨

弱體鴛鴦薦啼糝翡翠衾
鷓鳴秋殿曉人靜禁
門深每憶椒房寵那堪永巷陰
日驚羅帶緩非復舊來心

錢翊七首

客舍寓懷

灑灑灘聲晚霽時客亭風袖半披垂
野雲行止誰相待明月襟懷祇自知
無伴偶吟溪上路有花偷笑臘前枝
牽情景物潛惆悵忽似傷春遠別離

別離

春恨三首

負罪將軍在北朝秦淮芳草綠迢迢高臺愛妾
魂銷盡始得立遲為一招
久戍臨洮報未歸篋香銷盡別時衣身輕願比
蘭堦蝶萬里還尋塞草飛
永巷頻聞小苑遊舊恩如淚亦難收君前願報
新顏色團扇須防白露秋

蜀國偶題

忽憶明皇西幸時暗傷潛恨竟誰知佩蘭應語
宮臣道莫向金盤進荔枝

送王郎中

惜別遠相送却成惆悵多獨歸回首處爭那暮
山何

未展芭蕉

冷燭無煙綠蠟乾芳心猶卷怯春寒一緘書扎
藏何事會被東風暗拆看

李遠二首

失鶴

秋風吹起却一作九臯禽一片閑雲萬里心碧落
有情應悵望瑤臺無路可追尋來時白雪翎猶

短去日丹砂頂漸深華表柱頭留語後不知消息到如今

贈寫御真李長史

玉座燈銷硯水清龍髯不動彩毫輕初分隆準山河秀再點重瞳日月明宮女捲簾皆暗認侍臣開殿盡遙驚三朝供奉應無敵始覺僧繇浪得名

才調集卷第一

才調集卷第二

古律雜歌詩一百首

溫飛卿六十一首

過華清宮二十二韻

憶昔開元日承平事勝遊貴妃專寵幸天子富春秋月白霓裳殿風乾羯鼓樓闐雞花蔽膝騎馬玉搔頭繡轂千門妓金鞍萬戶侯薄雲歌雀扇輕雪犯貂裘過客聞韶濩居人識冕旒氣和春不覺煙暖霽難收澁浪涵瑤甃晴陽上綵旂卷衣輕鬢懶窺鏡淡蛾羞屏掩芙蓉帳簾褰玳



瑁鈎重瞳分渭曲。織手指神州。御案迷萱草。天
袍妬石榴。深巖藏浴鳳。鮮隰媚潛虬。不料邯鄲
颯。俄成即墨牛。劔鋒揮太皞。旗焰拂蚩尤。內嬖
陪行在。孤臣預坐籌。瑤簪遺翡翠。霜仗駐驂騑。
艷笑雙飛斷香魂。一哭休。早梅悲蜀道。高樹隔
昭丘。朱閣重霄近。蒼崖萬古愁。至今湯殿水。嗚
咽縣前流。

洞戶二十二韻

洞戶連珠網。方䟽隱碧潯。燭盤煙墜燼。簾壓月
通陰。粉白仙郎署。霜清玉女砧。醉鄉高窈窕。基

陣靜。悄悄素手琉璃扇。玄髻玳瑁簪。昔邪看寄
迹。梳子詠同心。樹列千秋勝。樓懸七夕針。舊詞
翻白紵。新賦換黃金。唳鶴調蠻鼓。驚蟬應寶琴。
舞凝繁。易度歌轉斷。難尋露委花。相妬風欹柳。
不禁橋彎雙表迥。池漲一篙深。清蹕傳恢囿。黃
旗幸上林。神鷹參翰苑。天馬破蹄涔。武庫方題
品。文園自一作好音。朱莖殊菌蠢。丹桂欲蕭森。
繡帳迴瑤席。華燈對錦衾。畫圖驚畏一作獸書。
帖得來禽。河曙素樓映。山晴魏闕臨。綠囊逢道
后。青鎖見主沉。任達嫌孤憤。疎慵倦九宸。若為

南遁客猶作卧龍吟

握柘詞

楊柳縈橋綠玫瑰拂地紅繡衫金腰裏花髻玉
瓏璫宿雨香潛潤春流水暗通畫樓初夢斷曉
日照湘風

碧澗驛曉思

香燈伴殘夢楚國在天涯月落子規歇滿庭山
杏花

送人東遊

荒戍落黃葉浩然離故關高風漢陽渡初日郢
門山江上幾人在天涯孤棹還何當重相見罇
酒慰離顏

偶題

孔雀眠高閣櫻桃拂短簷畫明金冉冉筆語玉
纖纖細雨無妨燭輕寒不隔簾欲將紅錦段因
夢寄江淹

贈知音

翠羽花冠碧樹雞未明先向短墻啼窻間謝女
青蛾斂門外蕭郎白馬嘶星漢漸回庭竹影露
珠猶綴野花迷景陽宮裏鐘初動不語垂鞭上

柳堤

鄆杜郊居

槿籬芳援近樵家
穠麥青青一徑斜
寂寞遊人寒食後
夜來風雨送梨花

送李億東歸

六言

黃山遠隔秦樹紫
禁斜通渭城別路
青青柳弱前溪漠漠
苔生和風澹蕩歸客
落月慙慙早鶯灞上
金罇未飲讌歌已有
餘聲

陳宮詞

雞鳴人草草香輦出宮
花妓語細腰轉馬嘶金
面斜早鶯隨綵仗驚雉
避凝笳淅瀝湘風外紅
輪映曙霞

春日野行

騎馬踏煙莎青春柰怨何
蝶翎朝一作胡粉盡鴉背夕陽多
柳艷欺芳帶山愁縈翠蛾
別情無處說方寸是星河

西州詞

吳聲

悠悠復悠悠昨日下西州
西州風色好遙見武昌樓
武昌何鬱鬱儂家定無匹
小婦被流黃登樓撫瑤瑟
朱絃繁復輕素手直淒清
一彈三四

解掩抑似含情南樓登且望西江廣復平艇子
搖兩槳催過石頭城門前烏臼樹慘澹天將曙
鷓鴣飛復還郎隨早帆去迴頭語同伴定復負
情儂老帆不安幅作抵使西風他日相尋索莫
作西州客西州人不歸春草年年碧

春洲曲

韶光染色如蛾翠綠濕紅鮮水容媚蘇小慵多
蘭渚閑融融浦日鷓鴣寐紫駟蹀躞金銜嘶岸
上揚鞭煙草迷門外平橋連柳堤歸來晚樹黃
鶯啼

陽春曲

雲母空窻曉煙薄香昏龍氣凝輝閣霏霏霧雨
杏花天簾外春威着羅幕曲欄伏檻金麒麟沙
苑芳郊連翠茵廐馬何能嚙芳草路人不敢隨
流塵

錢塘曲

錢塘岸上春如織森森寒潮帶晴色淮南遊客
馬連嘶碧草迷人歸不得風飄客意如吹煙纖
指殷勤傷鴈絃一曲堂堂紅燭筵金鯨瀉酒如
飛泉

春日將欲東歸寄新及第苗紳先輩

幾年辛苦與君同得喪悲懽盡是空猶喜故人
先折桂自憐羈客尚飄蓬三春月照千山道十
日花開一夜風知有杏園無路入馬前惆悵滿
枝紅

經李徵君故居

露濃煙重草萋萋樹映欄干柳拂堤一院落花
無客醉五更殘月有鶯啼芳筵想像情難盡故
榭荒涼路已迷惆悵羸驂往來慣每經門巷亦
長嘶

懷真珠亭

珠箔銀鈎近綵橋昔年曾此見嬌饒香燈悵望
飛瓊鬢涼月殷勤碧玉簫屏倚故窻山六扇柳
垂寒砌露千條壞牆經雨蒼苔遍拾得當時舊
翠翹

李羽處士故里

柳不成絲草帶煙海槎東去鶴歸天愁腸斷處
春何限病眼開時月正圓花若有情應悵望水
應無事莫潺湲須知此恨銷難得莫負南華第
一篇

夜看牡丹

高低深淺一欄紅
把火殷勤遶露叢
希逸近來成懶病
不能容易向春風

池塘七夕

月出西南露氣秋
綺寮河漢在針樓
楊家繡作鴛鴦幔
張氏金爲翡翠鈎
燭有光妨宿燕
畫屏無睡待牽牛
萬家砧杵三篙水
一夕橫塘是舊遊

和友人悼亡

玉兒潘郎淚滿衣
畫羅輕鬢雨霏微
紅蘭委露愁難盡
白馬朝天望不歸
寶鏡塵昏鸞影在
鈿箏絃斷鴈行稀
春來多少傷心事
碧草侵階粉蝶飛

和友人傷歌姬

月缺花殘莫愴然
花須終發月終圓
更能何事銷芳念
亦有濃華委逝川
一曲艷歌留婉轉
九原春草葬嬋娟
王孫莫學多情客
自古多情損少年

春暮宴罷寄宋壽先輩

斜掩朱門花外鍾
曉鶯時節好相逢
窓間桃葉

宿粧在雨後牡丹春睡濃蘇小風姿迷下蔡馬
卿才調似臨邛誰憐芳草生三徑參佐橋西陸
士龍

題柳

揚柳千條拂面絲綠煙金穗不勝吹香隨靜婉
歌塵起影伴嬌饒舞袖垂羞管一聲何處曲流
鶯百轉最高枝千門九陌花如雪飛過宮牆兩
自知

春日偶成

西園一曲艷陽歌擾擾車塵負薜蘿自欲放懷
猶未得不知經世竟如何夜聞猛雨判花盡寒
戀重衾覺夢多釣渚別來應更好春風還爲起
微波

途中偶作

石路荒涼接野蒿西風吹馬利如刀暮程投驛
蕙蘭靜廢寺入門禾黍高雞犬夕陽喧縣市鳧
鷺秋水曝城壕故山有夢不歸去官樹陌塵何
太勞

贈彈箏人

天寶年中事玉皇曾將新曲教寧王鈿蟬金鳳

皆零落一曲伊州淚萬行

瑤瑟怨

冰簟銀床夢不成碧天如水夜雲輕鴈聲遠過

一作瀟湘去十二樓中月自明

春日野步

日西塘水金堤斜碧草芊芊晴吐芽野岸明媚
山芍藥水田叫噪官蝦蟆鏡中有浪動菱蔓陌

上無風飄柳花何事輕撓句

一作溪客綠萍方

好不歸家

和友人溪居別業

積潤初銷碧草新鳳陽晴日帶雕輪絲飄弱柳
平橋晚雪點寒梅小院春屏上樓臺陳後主鏡
中金翠李夫人花房透露紅珠落蛟蝶雙雙護
粉塵

宿城南亡友別墅

水流花落歎浮生又伴遊人宿杜城還似昔年
殘夢裏透簾斜月獨聞鶯

偶遊

曲巷斜臨一水間小門終日不開關紅珠斗帳
櫻桃熟金尾屏風孔雀閑雲髻幾迷芳草蝶額

黃無限夕陽山與君便是鴛鴦侶休向人間覓
往還

郭處士擊甌歌

信粟金虬石潭古勺陂瀲灩幽脩語湘君寶馬
上神雲碎珮叢鈴滿煙雨吾聞三十六宮花離
離軟風吹春星斗稀玉晨冷磬破昏夢天露未
乾香着衣蘭釵委墜垂雲髮小響丁當逐迴雪
晴碧煙滋重疊山羅屏半掩桃花月太平天子
駐雲車龍鑪勃鬱雙蟠拏宮中近臣抱扇立侍
女低鬟落翠花亂珠觸續正跳蕩傾頭不覺金
烏斜我亦爲君長歎息緘情遠寄愁無色莫沾
香夢綠楊絲千里春風正無力

錦城曲

蜀山攢黛留晴雪簌簌笋蕨芽縈九折江風吹巧
剪霞綃花上千枝杜鵑血杜鵑飛入巖下叢夜
叫思歸山月中巴水漾情情不盡文君織得春
機紅怨魄未歸芳草死江頭學種相思子樹成
寄與望鄉人白帝荒城五千里

張靜婉採蓮曲 并序

靜婉羊侃妓也其容絕世侃自爲採蓮二曲今

樂府所存失其故意因歌以俟採詩者事具載
梁史

蘭膏墜髮紅玉春燕釵拖頸拋盤雲城西楊柳
向嬌晚門前溝水波粼粼麒麟公子朝天客珂

一作

馬堂堂渡春陌掌中無力舞衣輕翦斷鮫

綃破春碧抱月飄煙一尺腰麝臍龍髓憐嬌饒
秋羅拂水碎光動露重花多香不銷瀉鵲交交

一作

膠膠塘水滿綠芒如粟蓮莖短一夜西風送雨

來粉痕零落愁紅淺船頭折藕絲暗牽藕根蓮
子相留連郎心似月月易缺十五十六清光圓

照影曲

景陽粧罷瓊窻暖欲照澄明香步懶橋上衣多
抱彩雲金鱗不動春塘滿黃印額山輕爲塵翠
鱗紅穉俱含頰桃花百媚如欲語曾爲無雙今
兩身

塞寒行

燕弓弦勁霜封瓦撲款寒鷗睇平野一點黃塵
起鴈喧白龍堆下千蹄馬河源怒濁風如刀剪
斷朔雲夫更高晚出榆關逐征北驚沙飛迸衝
貂袍心許凌煙名不滅年年錦字傷離別彩毫

一畫竟何榮空使青樓淚成血

湖陰詞

并序

王敦舉兵至湖陰明帝微行視其營伍由是樂府有湖陰曲而亡其詞因作而附之

祖龍黃鬚珊瑚鞭鐵驄金面青連錢虎髯拔劍欲成夢日壓賊營如血鮮海旗風急驚眠起甲重光搖照湖水蒼黃追騎塵外歸森索妖星陣前死五陵愁碧春萋萋灞川玉馬空中嘶羽書如雷入青瑣雪腕如槌催盡鞞白虬天子金煌鏐高臨帝座迴龍章吳波不動楚山曉花壓欄

干春晝長

晚歸曲

格格水禽飛帶波孤光斜起夕陽多湖西山淺似相笑菱刺惹衣攢黛蛾青絲繫船向江木蘭芽出土吳江曲水極晴搖泛灩紅草平春添煙綿綠玉鞭騎馬楊叛兒刻金作鳳光參差丁丁暖漏滴花影催入景陽人不知鸞堤弱柳遙相矚雀扇圓圓掩香玉蓮塘艇子歸不歸柳暗桑穠聞布穀

湘東宴曲

湘東夜宴金貂人楚女含情嬌翠頰玉管將吹
插鈿帶錦囊斜拂雙麒麟重城漏斷孤帆去唯
恐瓊籤報天曙萬戶沉沉碧樹圓雲飛雨散知
何處欲上香車俱脉脉清歌響斷銀屏隔堤外
紅塵蠟一作蜜炬歸樓前澹月連江白

碌碌詞

左亦不碌碌右亦不碌碌野草白根肥羸牛生
健犢融蠟作杏帶男兒不戀家春風破紅意女
頰如桃花忠言未見信巧語翻咨嗟一鞘無一作沒
兩刀徒勞油壁車

春野行

雜言

草淺淺春如剪花壓李娘愁飢蠶欲成蠶東城
少年氣堂堂金丸驚起雙鴛鴦含羞更問衛公
子月到枕前春夢長

醉歌

簷柳初黃燕新乳曉碧芊綿過微雨樹色深含
臺榭情鶯聲巧作煙花主錦袍公子陳盃觴撥
醅自甕春酒香入門下馬問誰在降階握手登
華堂臨邛美人連山眉低抱琵琶含怨思朔風
繞指我先笑明月入懷君自知勸君莫惜金一作

芳樽酒少須更如覆手平動到老
我悠悠竟何有洛陽盧仝一作稱丈及更子
禿春黃纒阿耨光顏不識字指麾豪雋如驅羊
天犀壓斷朱鸞鼠瑞錦驚飛金鳳皇其餘豈足
露牙齒欲用何能報天子駑馬垂頭捨暝塵驂
騮一日行千里但有沈冥醉客家支頤瞪目持
流霞唯恐南園風雨花碧蕪狼籍棠梨花

織錦詞

丁東細漏侵瓊瑟影轉高梧月初出簇蔌金梭
萬縷紅鴛鴦艷錦初成疋錦中百結皆同心
亂雲盤相間深此意欲傳傳不得玫瑰作柱朱
絃琴爲君裁破合歡被星斗迢迢一作寥寥共千里
象齒熏爐未覺秋碧池已有新蓮子

蓮浦謠

鳴撓軋軋溪溶溶廢綠平煙吳苑東水清蓮媚
兩相向鏡裏見愁愁更紅白馬金鞭大堤上西
江日夕多風浪荷心有露似驪珠不是真圓亦
搖蕩

達摩支曲

雜言

擣麝成塵香不滅拘蓮作寸絲難絕紅淚文姬

洛水春白頭蘇武天山雪君不見無愁高緯花
漫漫漳浦晏餘清露寒一旦臣僚共囚虜欲吹
羌管先沈瀾舊臣頭鬢霜華早可惜雄心醉中
老萬古春歸夢不歸鄴城風雨連天草

三洲詞

團圓莫作波中月潔白莫為枝上雪月隨波動
碎潏潏雪似梅花不堪折李娘十六青絲髮書
帶雙花為君結門前有路輕別離唯恐歸來舊
香滅

舞衣曲

藕腸纖縷抽輕春煙機漠漠嬌蛾頓金梭浙瀝
透空薄剪落交刀吹斷雲張家公子夜聞雨夜
向蘭堂思楚舞蟬衫麟帶壓愁香偷得鶯簧鎖
金縷管含蘭氣嬌語悲胡槽雪腕鴛鴦絲芙蓉
力弱應難定楊柳風多不自持迴嚔笑語西窓
客星斗寥寥波脉脉不逐秦王卷象床滿樓明
月梨花白

惜春詞

百舌問花花不語低回似恨橫塘雨蜂爭粉蕊
蝶分香不似垂楊惜金縷願君留得長妖饒莫

逐東風還蕩搖秦女含嚔向煙月愁紅帶露空

迢迢

一作
寥寥

春愁曲

紅絲穿露珠簾冷百尺啞啞下纖綆遠翠愁山
入卧屏兩重雲母空烘影涼簪墜髮春眠重玉
兔温氤柳如夢錦疊空床委墜紅颺颺掃尾雙
金鳳蜂喧蝶駐俱一作戲悠揚柳拂赤欄纖草長
覺後梨花委平綠春風和雨吹池塘

蘇小小歌

買蓮莫破券買酒莫解金酒裏春容抱離恨水

中蓮子懷芳心吳宮女兒腰似束家在錢塘小
江曲一自檀郎逐便風門前春水年年綠

春江花月夜詞

玉樹歌闌海雲黑花庭忽作青蕪國秦淮有水
水無情還向金陵漾春色揚家二世安九重不
御華芝嫌六龍百幅錦帆風力滿連天展盡金
芙蓉珠翠下星復明滅龍頭劈浪哀笳發千里
涵空澄水魂萬枝破鼻團香雪漏轉霞高滄海
西玻璃枕上聞天鷄蠻絃代鴈曲如語一醉昏
昏天下迷四方傾動煙塵起猶在濃香夢魂裏

後主荒宮有曉鶯飛來只隔西江水

懊惱曲

藕絲作線難勝針
藥粉染黃那得深
玉白蘭芳不相顧
青一作樓一笑輕
千金莫言自古皆如此
健劔刺鍾鉛繞指
三秋庭綠盡迎霜
唯有荷花守紅死
廬一作西江小吏朱斑輪
柳縷吐芽香
玉春兩股金釵已相許
不令獨作空成塵
悠悠楚水流如馬
恨紫愁紅滿平野
野土千年怨不平
至今燒作鴛鴦瓦

邊笳曲

此後齊梁體七首

朔管迎秋動
雕陰鴈來早上郡
隱黃雲天山吹
白草嘶馬渡
寒磧朝陽照
霜堡江南戍
客心門外芙蓉老

春曉曲

家臨長信往來道
乳燕雙雙拂煙草
油壁車輕金犢肥
流蘇帳曉春雞早
籠中嬌鳥暖猶睡
簾外落花閑不掃
衰桃一樹近前池
似惜紅顏鏡中老

俠客行

欲出鴻都門
陰雲蔽城闕
寶劔黯如水
微紅濕

餘血白馬夜頻驚三更灞陵雪

春日

柳暗杏花稀梅染乳燕飛美人鸞鏡笑嘶馬鴈
門歸楚宮雲影薄臺城心賞違從來千里恨邊
色滿戎衣

詠嘯

毛羽歛愁翠黛嬌攢艷春恨容偏落淚低態定
思人枕上夢隨月扇邊歌繞塵玉鈎鸞不住波
淺石磷磷

太子西池二首

梨花雪壓枝鶯囀柳如絲懶逐粧成曉春融夢
覺遲鬢輕全作影嘯淺未成眉莫信張公子窻
間斷暗期

花紅蘭紫莖愁草雨新晴柳占三春色鶯偷百
鳥聲日長嫌輦重風暖覺衣輕薄暮香塵起長
楊落照明

顧況一十一首

悲歌六首 并序

情思發動聖賢所不能免也師乙陳其宜延州
審其音理亂之所經王化之所興也信無逃於

聲教豈徒文彩之麗遂作此歌

臨春風聽春鳥別時多見時少愁人一夜不得
眠瑤井玉繩相向曉

城邊路今日耕田昔人墓岸上沙昔日江水今
人家今人昔人長共歎四氣相催節迴換明月
皎皎入華池白雲離離渡霄漢

我欲昇天隔霄漢我欲渡水水無橋我欲上山
山路險我欲汲水水泉遙

越水翠被今何寂獨立江邊莎草碧紫燕西飛
欲寄書白雲何處逢來客

新結青絲百尺繩心在君家轆轤上我心皎潔
君不知轆轤一轉一惆悵

何處風光驚曉幕江南綠水通珠閣美人二八
顏如花泣向春風畏花落

梁廣畫花歌

王母欲過劉徹家飛瓊夜入雲駟車紫書分付
與青鳥却向人間求好花上元夫人最小女頭
面端正能言語手把梁生畫花看凝噎掩笑心
相許心相許爲白阿孃從嫁與

送別日晚歌

渚春遊碧草芳何事遽驚雲雨別秦山楚水兩乖張

崔塗六首

夕次洛陽道中

秋風吹故城城下獨吟行高樹鳥已息古原人尚耕流年川暗度往事月空明不復歎歧路馬前塵夜生

巴南道中

久客厭歧路出門吟且悲平生未到處落日獨行時芳草不長綠故人難重期那堪更南渡鄉

國是天涯

巴陵夜泊

家依楚塞窮秋別身逐孤舟萬里行一曲巴歌半江月便應銷得二毛生

春夕旅遊

水流花謝兩無情送盡東風過楚城胡蝶夢中家萬里子規枝上月三更故園書動經年絕華髮春移一作唯滿鏡生自是不歸歸便得五湖煙景有誰爭

放鷓鴣

自從別離後不覺塵埃厚常嫌玳瑁孤獨恨梧
桐偶玉顏逐霜霰賤妾何能守寒沼落芙蓉秋
風散揚柳以此憔悴顏空將舊物還餘生欲有
寄誰肯相牽攀君恩既斷絕相見何年月悔傾
連理盃虛作同心結女蘿附青松貴在相依投
浮萍共綠水教作若爲流不忿君棄妾自歎妾
緣業憶昔初嫁君小姑才倚牀今日辭君去小
姑如妾長迴頭語小姑莫嫁如兄夫

送行歌

送行人歌一曲何者爲泥何者玉年華已向秋

草衰春夢猶傳故山綠

吳融二首

浙東筵上有寄

襄王席上一神仙眼色相當語不傳見了又休
真似夢坐來雖近遠於天隴禽有意猶能說江
月無心也解圓更被東風勸惆悵落花時節蝶

翩翩

富水驛東楹有人題詩

筆跡柔媚
出自纖指

繡纓霞翼兩鴛鴦金島銀川是故鄉只合雙飛
便雙死豈悲相失與相忘煙花夜泊紅葉膩蘭

渚春遊碧草芳何事遽驚雲雨別秦山楚水兩
乖張

崔塗六首

夕次洛陽道中

秋風吹故城城下獨吟行高樹鳥已息古原人
尚耕流年川暗度往事月空明不復歎歧路馬
前塵夜生

巴南道中

久客厭歧路出門吟且悲平生未到處落日獨
行時芳草不長綠故人難重期那堪更南渡鄉

國是天涯

巴陵夜泊

家依楚塞窮秋別身逐孤舟萬里行一曲巴歌
半江月便應銷得二毛生

春夕旅遊

水流花謝兩無情送盡東風過楚城胡蝶夢中
家萬里子規枝上月三更故園書動經年絕華
髮春移一作唯滿鏡生自是不歸歸便得五湖煙
景有誰爭

放鷓鴣

秋入池塘風露微曉開籠檻看初飛滿身金翠
盡不得無限煙波何處歸

巫峽旅別

五千里外三年客十二峯前一望秋多少別魂
招不得夕陽西下水東流

盧綸七首

春詞

北苑羅裙帶塵衢錦繡鞋醉眠芳樹下半被落
花埋

早春歸盩厔別業寄耿拾遺

野日初晴麥壠分竹園村巷鹿成羣幾家廢井
生春草一樹繁花對古墳引水忽驚冰滿澗向
田空見石和雲可憐芳歲青山裏惟有松枝好
寄君

晚次鄂州

雲開遠見漢陽城猶是孤帆一日程賈客晝眠
知浪靜舟人夜語覺潮生三湘衰鬢逢秋色萬
里歸心對月明舊業已隨征戰盡更堪江上鼓
鼙聲

古艷詞二首

殘粧色淺髻鬟開笑映珠簾
覷客來推醉唯知
弄花鈿潘郎不敢使人催

自拈裙帶結同心暖處偏知
香氣深愛捉狂夫
問閑事不知歌舞用黃金

代貞將軍罷戰歸故里寄朔北故人

結髮事疆場全生到海鄉
連雲防鐵嶺同日破
漁陽牧馬胡天曉移軍
磧路長枕戈眠古戍吹
角立繁霜歸老勲仍在
酬恩虜未亡獨愁過邑
里多病對農桑雄劍依
塵席陰符寄藥囊空餘
麾下士猶逐羽林郎

送南中使寄嶺外故人

見說南來處蒼梧接桂林
過秋天更暖近海日
長陰巴路緣雲出蠻鄉
入洞深信迴人自老夢
到月應沉碧水通春色
青山寄遠心炎方無久
客莫使鬢毛侵

無名氏一十三首

雜詞

勸君莫惜金縷衣勸君須惜少年時
有花堪折直須折莫待無花空折枝

青天無雲月如燭露泣梨花白如玉
子規一夜

啼到明美人獨在空房宿

石沉遼海闊劍別楚山長會合知無日離心滿
夕陽

空賜羅衣不賜恩一燠香後一銷魂雖然舞袖
何曾舞長對春風裛淚痕

不洗殘粧凭繡牀却嫌鸚鵡繡鴛鴦迴針刺到
雙飛處憶着征夫淚數行

眼想心思夢裏驚無人知我此時情不如池上
鴛鴦鳥雙宿雙飛過一生

一去遼陽繫夢魂忽傳征騎到中門紗牕不肯

施紅粉圖遣蕭郎問淚痕

鶯啼露冷酒初醒罨畫樓西曉角鳴翠羽帳中
人夢覺寶釵斜墜枕函聲

行人南北分征路流水東西接御溝終日坡前
怨離別謾名長樂是長愁

偏倚繡牀愁不起雙垂玉筍翠環低卷簾相待
無消息夜合花前日又西

悔將淚眼向東開特地愁從望裏來三十六峯
猶不見況伊如燕這身材

滿目笙歌一段空萬般離恨恁隨風多情為謝

殘陽意與展晴霞片片紅
兩心不語暗知情燈下裁縫月下行行到塔前
知未睡夜深聞放剪刀聲

才調集卷第二



才調集卷第三

古律雜歌詩一百首

章莊六十三首

關山

馬嘶煙岸柳陰斜東去

一作回首

關山路轉賒到處

因循綠嗜酒一生惆悵爲
判花危時祗合身無
著白日那堪事有涯
正是瀟陵春耐綠
仲宣何事獨辭家

舊里

一時盡十二玉樓何處尋

思歸

暖絲無力自悠揚牽引東風斷客腸外地見花
終寂寞異鄉聞樂更淒涼紅垂野岸櫻還熟綠
染迴汀草又芳舊里若爲歸去好子期凋謝呂
安亡

與東吳生相遇

及第後出關作

十年身事各如萍白首相逢淚滿纓老去不知
花有態亂來唯覺酒多情貧疑陋巷春偏少貧
想豪家月最明且

獨

一作

對一罇開口笑未衰應

見秦階平

章臺夜思

清瑟怨遙夜遶弦風雨哀孤燈聞楚角殘月下
章臺芳草已云暮故人殊未來鄉書不可寄秋
鴈又南迴

延興門外作

芳草五陵道美人金犢車綠奔穿內水紅落過
墻花馬足倦遊客鳥聲歡酒家王孫歸去晚宮
樹欲棲鳥

關河道中作

槐陌蟬聲柳市風驛樓高倚夕陽東往來千里
路長在聚散十年人不同但見時光流似箭豈
知天道曲如弓平生志業匡堯舜又擬滄浪學
釣翁

秋日早行

上馬蕭蕭襟袖涼路穿禾黍繞宮墻半山殘月
露華冷一岸野風蓮萼香煙外驛樓紅隱隱渚
邊雲樹暗蒼蒼行人自是心如火兔走烏飛不
覺長

歎落花

一夜霏微露濕煙曉來和淚喪嬋娟不隨殘雪
埋芳草盡逐香風上舞筵西子去時遺笑靨謝
娥行處落金鈿飄紅墮白堪惆悵少別穠華又
隔年

灞陵道中

春橋南望水溶溶一桁晴山倒碧峯蔡苑落花
零露濕灞陵新酒撥醅濃青龍天矯盤雙闕丹
鳳雛褫隔九重萬古行人離別地不堪吟罷夕
陽鐘

貴公子

大道青樓御苑東
玉欄仙杏壓枝紅
金鈴犬吠梧桐院
朱鬣馬嘶楊柳風
流水帶花穿巷陌
夕陽和樹入簾櫳
瑤池宴罷歸來醉
笑說君王在月宮

惜昔

昔年曾向五陵遊
子夜歌清月滿樓
銀燭樹前長似晝
露桃花裏不知秋
西園公子名無忌
南國佳人號莫愁
今日亂離俱是夢
夕陽唯見水東流

春日

忽覺東風一作君景漸遲
野梅山杏暗芳菲
落星樓上吹殘角
偃月營中掛夕暉
旅夢亂隨蝴蝶散
離魂一作情漸逐杜鵑飛
紅塵遮一作望斷長安陌
芳草王孫暮不歸

對梨花贈皇甫秀才

林上梨花雪壓枝
獨攀瓊艷不勝悲
依前此地逢君處
還是去年今日時
且戀殘陽留綺席
莫推紅袖訴金卮
騰騰戰鼓正多事
須信明朝難重持

立春

青帝東來日馭遲暖煙輕逐曉風吹罽袍公子
樽前覺錦帳佳人夢裏知雪圃乍開紅葉甲綵
幡新剪綠楊絲殷勤爲作宜春曲題向花牋帖
繡楣

春陌二首

滿街芳草卓香車仙子門前白日斜腸斷東風
各迴首一枝春雪凍梅花
嫩煙輕染柳絲黃勾引花枝笑凭牆馬上王孫
莫迴首好風今逐羽林郎

春愁二首

自有春愁正斷魂不堪芳草思王孫落花寂寂
黃昏雨深院無人獨倚門

寓思本多傷逢春恨更長露啼湘竹淚花墮越
梅糝睡怯交加夢閑傾瀲灩觴後庭人不到斜
日上松篁

陪金陵府相中堂夜宴

滿耳笙歌滿眼花滿樓珠翠勝吳娃因知海上
神仙窟只似人間富貴家繡戶夜攢紅燭市舞
衣晴曳碧天霞却愁宴罷青蛾散楊子江頭月
半斜

女空能畫作衣懊惱澤家非有恨年年長憶鳳

城一作皇

歸

懊惱澤家鷓鴣之音也

歲除對王秀才作

我惜今宵促君愁玉漏頻豈知新歲酒猶作異鄉身雪向寅前凍花從子後春到明追此會俱是隔年人

章江作

杜陵歸客正徘徊玉笛誰家叫落梅之子棹從天外去故人書自日邊來楊花慢惹霏霏雨竹葉閑傾滿滿杯欲問惟揚一作旌舊風月一江紅

樹亂猿哀

南昌晚眺

南昌城郭枕江煙章水悠悠浪拍天芳草綠遮仙尉宅落霞紅襯賈人船霏霏閣上千山雨嘒嘒雲中萬樹蟬怪得地多章句客庾家樓在斗牛邊

衢州江上別李秀才

千山紅樹萬山雲把酒相看日又曛一曲離歌兩行淚更知何地再逢君

癸丑年下第獻新先輩

五更殘月省墻邊絳旆蜺旌卓曉煙千炬火中
鶯出谷一聲鐘後鶴冲天皆乘駿馬先歸去一作
爭先獨被羸童笑晚眠對酒暫時情豁爾見花
依舊涕潛然未酬闕澤傭書債猶欠君平賣
錢何事欲休休不得來年公道似今年

咸陽懷古

城邊人倚夕陽樓城上雲凝萬古愁山色不知
秦苑廢水聲空傍漢宮流李斯不向倉中悟徐
福應無物外遊莫恠楚吟偏斷骨野煙蹤跡似
東周

綏州作

雕陰無樹水南流雉堞連雲古帝州帶雨晚馳
鳴遠戍望鄉孤客倚高樓明妃去日花應笑蔡
琰歸時鬢已秋一曲單于暮烽起扶蘇城上月
如鉤

和同年韋學士華下途中見寄

綠楊城郭雨淒淒過盡千輪與萬蹄送我獨遊
三蜀路羨君新上九霄梯馬驚門外山如活花
笑罇前客似泥正是清和好時節不堪離恨劒
門西

丙辰年鄜州遇寒食城外醉吟七言五首

滿街楊柳綠絲煙畫出清明二月天好是隔簾
花樹動女郎撩亂送鞦韆

雕陰寒食足遊人金鳳羅衣濕麝薰腸斷入城
芳草路淡紅香白一羣羣

開元坡下日初斜拜掃歸來走鈿車可惜數枝
紅艷好不知今夜落誰家

馬驕風疾玉鞭長過去唯留一陣香閑客不須
燒破眼好花皆屬富家郎

雨絲煙柳欲清明金屋人閑煖鳳笙永日一作晝
迢迢無一事隔街聞築氣毬聲

鄜州留別張貞外

江南相送君山下塞北相逢朔漠中三楚故人
皆是夢十年陳事只如風莫言身世他時異且
喜琴樽數日同惆悵却愁明日別馬嘶山店雨
濛濛

汧陽縣閣

汧水悠悠去似緋遠山如畫翠眉橫僧尋野渡
歸吳嶽鴈帶斜陽入渭城邊靜不收蕃帳馬地

貧唯賣隴山鷄牧童何處吹羌笛一曲梅花出塞聲

傷灼灼

灼灼蜀之麗人也近聞貧且老
殂落於成都酒市中因以四韻

之弔

常聞灼灼麗於花雲髻盤時未破瓜桃臉慢長
橫綠水玉肌香膩透紅紗多情不住神仙界薄
命曾嫌富貴家流落錦江無處問斷魂飛作碧
天霞

漢州

北儂初到漢州城郭邑樓臺觸目驚松桂影中

旌旆色艾荷風裏管絃聲人心不似經離亂時
運還應却太平十日醉眠金鴈驛臨歧無恨臉
波橫

長安清明

早是傷春夢雨天可堪芳草更芊芊內官初賜
清明火上相閑分白打錢紫陌亂嘶紅叱撥綠
楊高映盡鞦韆遊人記得承平事暗喜風光似
昔年

秋霽晚景

秋霽禁城晚六街煙雨殘墻頭山色健林外鳥

聲歡翹日樓臺麗清風劍珮寒玉人襟袖薄斜
凭翠欄干

和人春暮書事寄崔秀才

半掩朱門白日長晚風輕墮落梅粧不知芳草
情何限只怪遊人思易傷纔見早春鶯出谷已
驚新夏燕巢梁相逢只賴如澗酒一曲狂歌入
醉鄉

多情

一生風月供惆悵到處煙花恨別離止竟多情
何處好少年長抱曩年悲

邊上逢薛秀才話舊

前年同醉武陵亭絕倒閑譚坐到明也有絳脣
歌白雪更憐紅袖奪金觥秦雲一散如春夢楚
市千燒作故城今日瞠然對芳草不勝東望涕
交橫

飲散呈主人

夢覺笙歌散空堂寂寂愁更聞城角暮煙雨不
勝愁

使院黃葵花

薄粧新著澹黃衣對捧金鑪侍醮遲向月似矜

傾國兒倚風如唱步虛詞乍開檀炷疑聞語試
與雲和必解吹爲報同人看來好不禁秋露即
離披

搖落

搖落秋天酒易醒淒淒長似別離情黃昏倚柱
不歸去腸斷綠荷風雨聲

奉和觀察郎中春暮憶花言懷見寄四

韻之什

天畔我媚簇簇青楚雲何處隔重高落花帶雪
埋芳草春雨和風濕畫屏對酒莫辭衝暮角望

鄉誰解倚高亭唯君信我多惆悵只願陶陶不
願醒

奉和左司郎中春物暗度感而成章

纔喜新春已暮春夕陽吟殺倚樓人錦江風散
霏霏雨花市香飄漠漠塵今日尚追巫峽夢少
年應遇洛川神有時自患多情病莫是生而宋
玉身

少年行

五陵豪客多買酒黃金餞醉下酒家樓美人雙
翠幘揮劍邯鄲市走馬梁王苑樂事殊未央年

華已云晚

令狐亭絕句

若非天上神仙宅，須是人間將相家。
想得當時好煙月，管絃吹殺後庭花。

閨月

明月照前除，煙華蕙蘭濕。
清風行處來，白露寒蟬急。
美人情易傷，暗上紅樓立。
欲言無處言，但向姮娥泣。

閨怨

戚戚彼何人，明眸利於月。
啼粧曉不乾，素面凝

香雪。良人去淄右，鏡破金簪折。
空藏蘭蕙心，不忍琴中說。

折藏

上春詞

瞳矓赫日東方來，禁城煙暖蒸青苔。
金樓美人花屏開，晨粧未罷車聲催。
幽蘭報暖紫芽坼，天花愁艷蝶飛迴。
五陵年少惜花落，酒濃歌極翻如哀。
四時輪環終又始，百年不見南山摧。
遊人陌上騎生塵，顏子門前吹死灰。

擣練篇

月華吐艷明燭燭，青樓婦唱擣衣曲。
白袷絲光

鳳縠芳鴛綃霞踈芳綺寮玉庭芳春晝金屋芳
秋宵愁瞳芳月皎笑頰芳花嬌羅輕芳濃麝室
暖芳香椒鑿輿去芳蕭屑七絲斷芳沈寥主父
卧芳漳水君王幸芳雲輶鉛華宵窈芳穠姿棠
公盼蠻芳靡依翠華長逝芳莫追晏相望門芳
空悲

贈峩峩山彈琴李處士

識者咸云數百歲
有常建贈詩在

峩峩山下能琴客似醉似狂人不測何須見我
眼偏青未見我身頭已白茫茫四海本無家一
片愁雲颺秋碧壺中醉卧日月明一作長世上長

閑

遊天地窄晉朝叔夜舊相知蜀郡文君小來識
後生常建彼何人贈我篇章苦雕刻名卿名相
盡知音遇酒遇琴無間隔如今世亂獨翛然天
外鴻飛招不得余今正泣楊朱淚八月邊城風
刮地霓旌絳旆忽相尋爲我罇前橫綠綺一彈
猛雨隨手來再彈白雪連天起淒淒清清松上
風咽咽幽幽壠頭水吟蜂遶樹去不來別鶴引
雛飛又止錦麟不動唯側頭白馬仰聽空豎耳
廣陵故事無人知古人不說今人疑子期子野
俱不見烏啼鬼哭空傷悲坐中詞客悄無語簾

外月華庭欲午爲君吟作聽琴歌爲我留名係
仙譜

江臯贈別

金管多情恨解攜一聲歌罷客如泥江亭繫馬
綠楊短野岸維舟春草齊帝子夢魂煙水闊謝
公詩思碧雲低風前不用頻揮手我有家山白
日西

李山甫八首

寒食二首

柳凝東風一向斜春陰澹澹人家有時三點

兩點雨到處十枝五枝花萬井樓臺疑繡畫九
原珠翠似煙霞年年今日誰相問獨卧長安泣
歲華

風煙放蕩花披猖鞦韆女兒飛出墻繡袍馳馬
掇遺翠錦袖鬪雞喧廣場天地氣和融霽色池
臺日暖燒春光自憐塵土無多事空脫荷衣泥
醉鄉

牡丹

邀勒春風不早開衆芳飄後上樓臺數苞仙艷
火中出一片異香天上來曉露精神妖欲動蒸

煙情態恨成堆知君也解相輕薄斜凭欄干首
重迴

寓懷

萬古交馳一片塵思量名利孰如身長疑好事
皆虛事却恐閑人是貴人老逐少來終不放辱
隨榮後直須勾勸君莫謾誇頭角夢裏輸贏揔
未真

公子家二首

曾是皇家幾世侯入雲高第照神州柳遮門戶
橫金鎖花擁絃歌咽畫樓錦袖妬姬爭巧笑玉
銜驕馬索閑遊麻衣酷獻平生業醉倚春風不
點頭

柳底花陰露壓塵瑞煙輕罩一園春鴛鴦占水
能嗔客鸚鵡嫌籠解罵人騾褭似龍隨日換輕
盈如燕逐年新不知買盡長安笑活得蒼生幾
戶貧

上元懷古二首

南朝天子愛風流盡守江山不到頭揔是戰爭
收拾得却因歌舞破除休堯將道德終無敵秦
把金湯可自由試問繁華何處在雨苔煙草石

城秋

爭帝圖王德盡衰驟興馳霸亦何爲君臣都是一場笑家國共成千載悲排岸遠檣森似槩落波殘照赫如旗今朝城上難迴首不見樓船索戰時

李洞五首

終南山二十韻

關內平田窄東西截杳冥雨侵諸縣黑雲破九門青暫看猶無暇長栖信有靈古苔秋漬斗積霧夜昏螢怒恐撞天漏深疑隱地形盤根連北

岳轉影落南溟窮穴何山出遮蠻上國寧殘陽高照蜀敗葉遠浮涇斲竹煙嵐凍偷湫雨電腥閑房僧灌頂浴澗鶴遺翎梯滑危緣索雲深靜唱經放泉驚鹿睡聞磬得人醒踏著神仙宅敲開洞府扃碁殘秦士局字缺晉公銘一谷務開午孤峯聳起丁遠平丹鳳案一作冷射五侯廳萬丈冰聲折千尋樹影亭望中仙島動行處月輪馨疊石移臨砌研膠潑上屏明時獻君壽不假老人星

蹇驢秋斃瘞荒田忍把敲吟舊竹鞭三尺桐輕
背殘月一條藤瘦斲寒煙通兵白浪寬圍國倚
蜀青山峭入天如畫海門搯肘看阿誰教買釣
魚船

贈龐練師

家住涪江漢語嬌一聲歌戛玉樓簫睡融春日
柔金縷粧發秋霞戰翠翹兩臉酒醺紅杏妬半
眉蘇嫩白雲饒若能攜手隨仙令皎皎銀河渡
鵲橋

客亭對月

遊子離魂隴上花風飄浪卷遶天涯一年十二
度圓月十一迴圓不在家

病棟

瘦纏金鎖惹朱樓一別巫山樹幾秋寒想蜀門
清露滴暖懷湘岸白雲流罷拍簷果沉僧井休
拗崖冰濺客舟啼過三聲應有淚畫堂深不徹
王侯

薛逢一首

題昭華公主廢池館

曾發簫聲水檻前夜蟾寒沼兩嬋娟微波有恨

終歸海明月無情却上天白馬帶將簾外雪綠
蘋枯盡渚中蓮浮華不向莊周住須讀南華齊
物篇

裴庭裕一首

偶題

微雨微風寒食節半開半合木蘭花看花倚柱
終朝立却似淒淒不在家

李昂一首

戚夫人楚舞歌

定陶城中是妾家妾年二八顏如花閨中歌舞
未終曲天下死人如亂麻漢王此地因征戰未
出簾攏人已薦風花菡萏落棘門雲雨徘徊入
行殿日夕悠悠非舊鄉飄飄處處逐君王玉闈
門裏通歸夢銀燭迎來在戰場從來顧恩不顧
己何異浮萍寄深水逐戰曾迷隻輪下隨君幾
陷重圍裏此時平楚復平齊咸陽宮闕到關西
珠簾夕殿聞鍾鼓白日秋天憶鼓鞞君王縱恣
翻成悞呂后由來有深妬不奈君王容鬢衰相
存相顧能幾時黃泉白骨不可報雀釵翠羽從
此辭君楚歌兮妾楚舞脉脉相看兩心苦曲未

終方袂更揚君流涕兮妾斷腸已見謀臣歸惠
帝徒留愛子付周昌

沈佺期二首

古意呈喬補闕知之

織錦一作盧家少婦鬱金堂
海燕雙栖玳瑁梁
九月寒砧催下葉
十年征戍憶遼陽
白駒河北軍書斷
丹鳳城南秋夜長
誰知含愁獨不見
使妾明月對流黃

雜詩

鐵馬三軍去金閨
二月還邊愁歸上國春夢入

陽關池水瑠璃色
園花玳瑁斑
歲華空自擲
愁黛不勝顏

王泠然一首

汴河柳

隋家天子憶揚州
厭坐深宮傍海遊
穿地鑿山開御路
鳴笳疊鼓泛清流
流一作自從鞏北分河

口直到淮南種官柳
功成力盡人旋亡
代謝年移樹空有
當時綵女侍君王
繡帳旌門對柳行
青葉交垂連幔色
白花飛度染衣香
今日摧殘何用道
數里曾無一枝好
驛騎征帆損更多
山

精野魅藏應老涼風八月露爲霜日夜孤帆入
帝鄉河畔時時聞木落客中無不淚沾裳

何扶一首

送閬州妓人歸老

竹翠嬋娟草逕幽佳人歸老傍汀洲玉蟾露冷
梁塵暗金鳳花開雲鬢秋十畝稻香新綠野一
聲歌斷舊青樓芭蕉半卷西池雨日暮門前雙
白鷗

汪遵一首

題太尉平泉莊

水泉花木好高眠嵩少縱橫滿目前惆悵人間
不平事今朝身在海南邊

高適一首

燕歌行 并序

開元十六年客有御史大夫張公出塞而還者
作燕歌行以示適感征戍之事因而和焉

漢家煙塵在東北漢將辭家破殘賊男兒本白
重橫行天子非常賜顏色縱金伐鼓下榆關旌
旆逶迤碣石間校尉羽書飛瀚海單于獵火照
狼山山川蕭條極邊土胡騎憑陵雜風雨戰士

軍前半死生美人帳下猶歌舞大漠窮秋塞草
衰孤城落日鬪兵希身當恩遇怕輕敵力盡關
山未解圍鐵衣遠戍辛勤久玉節應啼別離後
少婦城南欲斷腸行人薊北空回首邊庭飄颻
那可度絕域蒼茫無所有殺氣三時作陣雲寒
聲一夜傳刁斗相看白刃血紛紛死節從來肯
顧勳君不見沙場征戰苦至今猶憶李將軍

孟郊一首

古結愛

心心復心心結愛務在深一度欲離別千迴結
衣襟結妾獨守志結君早還意始知結衣裳不
如結心腸坐結行亦結結盡百年月

陸龜蒙五首

女墳湖

即吳葬女之地也

水平波澹遶迴塘鶴往人沉萬古傷應是離魂
雙不得至今沙上少鴛鴦

和人宿木蘭院

苦吟清漏迢迢極月過花西尚未眠猶憶故山
歎警枕夜來嗚咽似流泉

薔薇

濃似猩猩初染素輕於燕燕欲凌空可憐細麗
難勝日照得深紅作淺紅

春夕酒醒

幾年無事傍江湖醉倒黃公舊酒壚覺後不知
新月上滿身花影倩人扶

齊梁怨別

寥寥缺月看將落簷外霜華染羅幕不知蘭棹
到何山應倚相思樹邊泊

張籍七首

寄遠客

野橋春水清橋上送君行去去人應老年年草
自生出門看遠道無路向邊城楊柳別離處秋
蟬今復鳴

宿溪中驛

楚驛南渡口夜深來客稀月明見潮上江靜覺
鷗飛旅宿今已遠此行獨未歸離家久無信又
見搗寒衣

惜別

遊人欲別離半醉對花枝看着春又晚莫輕年
少時臨行記分處回面是相思各向天涯去重

來不可期

襄國別人

晚色荒城下相看秋草時獨遊無定計不欲道
來期別處去家遠愁中驅馬遲人歸渡煙水遙
映野棠枝

送蜀客

蜀客南行過碧溪木綿花發錦江西山橋日晚
人來少時見猩猩上樹啼

送友人遊吳越

羨君東去見殘梅唯有王孫獨未迴吳苑夕陽

明古堞越宮春草上高臺波生野水鴈初下風
滿驛樓潮欲來試問漁舟看雪浪幾多江燕荇
花開

蘇州江岸留別樂天

銀泥裙映錦障泥畫舸停橈馬簇蹄清管曲終
鸚鵡語紅旂影動薄寒嘶漸消酒色朱顏淺欲
話離情翠黛低莫忘使君吟詠處汝墳湖北武
丘西

曹鄴二首

故人寄茶

劍外九華英絨題下玉京開時微月上碾處亂
泉聲半夜招僧至孤吟對月烹碧沉霞脚碎香
泛乳花輕六腑睡神去數朝詩思清月餘不敢
費留伴肘書行

始皇陵下作

千金買魚燈泉下照狐兔行人上陵過却弔扶
蘇墓壘壘壙中物多於養生具若使山可移應
將奏國去舜歿雖在前今猶未封樹

才調集卷第三

才調集卷第四

古律雜歌詩一百首

杜牧三十三首

題桐葉



去年桐落故溪上把葉因題歸燕詩江樓今日
送歸燕正是去年題葉時葉落燕歸真可惜東
流玄髮且無期笑筵歌席反惆悵朗月清風兄
別離莊叟彭殤同在夢陶潛身世兩相遺一丸
五色成虛語石爛松薪更不疑奢侈不勞文似
錦進趨何必利如錐錢神任爾知無敵酒聖於

吾亦庶幾江畔秋光蟾閣鏡檻前山色茂陵眉
罇香輕泛數枝菊簷影斜侵半局碁休指宦遊
論巧拙只將愚直禱神祇三吳煙水平生念寧
向閑人道所之

題齊安城樓

鳴軋江樓角一聲微陽歛歛落寒汀不用憑欄
苦迴首故鄉七十五長亭

揚州二首

煬帝雷塘土迷藏有舊樓誰家唱水調明月滿
揚州煬帝開汴渠成自作水調駿馬宜閑出千金好暗遊喧

闌醉年少半脫紫茸裘

秋風放螢苑春草鬪雞臺金絡擎鷗去鸞鬢拾
翠夾蜀船紅錦重越橐水沉堆處處皆華表淮
王奈却迴

九日登高

江涵秋影鴈初飛與客攜壺上翠微塵世難逢
開口笑菊花須插滿頭歸但將醅酌酬佳節不
用登臨歎落暉古往今來只如此牛山何必獨
沾衣

早鴈

金河秋半虜絃開雲外驚飛四散哀仙掌月明
孤影過長門燈暗數聲來須知胡馬紛紛在豈
逐春風一一迴莫厭瀟湘少人處水多菰米岸
莓苔

舊遊

閑吟芍藥詩悵望夕嘔眉盼眄迴眸遠織衫整
鬢遲重尋春晝夢笑把淺花枝小市長陵住非
郎爭得知

笑疑一作疑

村舍燕

漢宮一百四十五多下珠簾閉瑣窓何處營巢

夏將半茆簷煙裏語雙雙

題宣州開元寺水閣

閣下宛陵夾溪居人

六朝文物草連空天澹雲閑今古同鳥去鳥來
山色裏人歌人哭水聲中深秋簾幕千家雨落
日樓臺一笛風惆悵無因見范蠡參差煙樹五
湖東

爲人題二首

我乏凌雲稱君無買笑金虛傳南國兒爭奈五
陵心桂席塵瑤珮瓊爐燼水沉凝魂輕薦夢低
珥悔聽琴日落珠簾卷春寒錦幕深誰家樓上

笛何處月明砧蘭逕飛胡蝶筠籠語翠禽和簪
拋鳳髻將淚入鴛衾的的添新恨迢迢絕好音
文園終病渴休詠白頭吟

綠樹鶯鶯語平江燕燕飛枕前聞鴈去樓上送
春歸半月緇雙臉凝腰素一圍西墻苔漠漠南
浦夢依依有恨簪花懶無慘鬪草稀雕籠長慘
澹蘭畹謾芳菲鏡斂青蛾黛燈拋皓腕肌避人
勻迸淚拖袖倚殘暉有兒雖桃李單栖足是非
雲駟載取去寒夜看裁衣

池州春日送人

芳草復芳草斷腸還斷腸自然堪下淚何必更
殘陽楚岸千萬里燕鴻三兩行有家歸未得况
舉別君觴

長安送人

子性極弘和愚衷深褊狷相捨置饒中吾過何
由鮮楚南饒風煙湘岸苦縈宛山密夕陽多人
稀芳草遠青梅繁枝低班笋新梢短莫哭葬魚
人酒醒且眠飯

驪山感舊二首

新豐綠樹起黃埃數騎漁陽探使迴霓裳一曲

千峯上舞破中原始下來
長安迴望繡成堆山頂千門次第開一騎紅塵
妃子笑無人知道荔枝來

街西

碧池新漲浴嬌鴉深鎖長安富貴家遊騎偶逢
人鬪酒名園相倚杏交花銀鞍驟裏嘶宛馬繡
鞅瓏走鈿車一曲將軍何處笛連雲芳樹日
將斜

江南春

千里鶯啼綠映紅水村山郭酒旗風南朝四百
八十寺多少樓臺煙雨中

寄人

青山隱隱水迢迢秋盡江南草木彫二十四橋
明月夜玉人何處教吹簫

寄遠三首

前山極遠碧雲合清夜一聲白雪微欲寄相思
千里月傍溪殘照雨霏霏

南陵水面謾悠悠風緊雲輕欲變秋正是客心
孤迥處誰家紅袖倚江樓

隻影隨驚鴈單棲鎖畫籠向春羅袖薄誰念舞

臺風

赤壁

折戟沉沙鐵未銷，自將磨洗認前朝。
東風不與周郎便，銅雀春深鎖二橋。

月

三十六宮秋夜深，昭陽歌斷信沉沉。
唯應獨伴陳皇后，照見長門望幸心。

定子

濃檀一抹廣陵春，定子初開睡臉新。
却笑喫虛隋煬帝，破家亡國爲何人。

題揚州

落托江南載酒行，楚腰纖細掌中輕。
十年一覺揚州夢，贏得青樓薄倖名。

題水口草市

倚溪侵嶺多高樹，誇酒書旗有小樓。
驚起鴛鴦豈無恨，一雙飛去却迴頭。

漢江

溶溶漾漾白鷗飛，綠淨春深好染衣。
南去北來人自老，夕陽長送釣船歸。

柳

日落水流西復東春光不盡柳何窮巫娥廟裏
低含雨宋玉宅前斜帶風不將榆莢共爭翠深
感杏花相映紅灞上漢南千萬樹幾人遊官別
離中

悼次簫妓

玉簫聲斷歿流年滿眼春愁墮上煙艷質已隨
雲雨散鳳樓空鎖月明天

題贈二首

娉娉裊裊十三餘葢蕊梢頭二月初春風十里
揚州郭卷上珠簾揔不如

多情却似揔無情但覺樽前笑不成蠟燭有心
還惜別替人垂淚到天明

秦淮

煙籠寒水月籠沙夜泊秦淮近酒家商女不知
亡國恨隔江猶唱後庭花

代人寄遠二首六言一本作一首

河橋酒旆風軟候館梅花雪嬌宛陵樓上春晚
我郎何處情饒

繡領任垂蓬髻丁香閑結春梢賸肯新年歸否
江南綠草迢迢

張泌一十八首

惜花

蝶散鶯啼尚數枝日斜風定更離披
看多記得傷心事金谷樓前委地時

寄人

別夢依依到謝家小廊迴合曲欄斜
多情只有春庭月猶爲離人照落花

又

酷憐風月爲多情還到春時別恨生
倚柱尋思倍惆悵一場春夢不分明

邊上

戍樓吹角起征鴻獵獵寒旌背晚風
千里暮煙愁不盡一川秋草恨無窮
山河慘澹關城閉人物蕭條市井空
只此旅魂招未得更堪回首夕陽中

長安道中早行作

客離孤館一燈殘牢落星河欲曙天
雞唱未沉函谷月鴈聲新度灞陵煙
浮生已悟莊周蝶壯志仍輸祖逖鞭
何事悠悠策羸馬此中辛苦過流年

洞庭阻風

空江浩蕩景蕭然盡日菰蒲泊釣船
青草浪高三月渡綠楊花撲一溪煙
情多莫舉傷春目愁極兼無買酒錢
猶有漁人數家住不成村落夕陽邊

春日旅泊桂州

暖風芳草竟芊綿多病多愁負少年
弱柳未勝寒食雨好花爭奈夕陽天
溪邊物色宜圖畫林畔鶯聲似管絃
獨有離人開淚眼強憑盃酒亦潸然

晚次湘源縣

煙郭遙聞向晚雞水平舟靜浪聲齊
高林帶雨楊梅熟曲岸籠雲謝豹啼
二女廟荒汀樹老九疑山碧楚天低
湘南自古多離怨莫動哀吟易慘悽

惆悵吟

秋風丹葉動荒城慘澹雲遮日半明
晝夢却因惆悵得晚愁多爲別離生
江淹彩筆空留恨莊叟玄談未及情
千古怨魂銷不得一江寒浪若爲平

秋晚過洞庭

征帆初挂酒初酣暮景離情兩不堪千里晚霞
雲夢北一洲霜橘洞庭南溪風送雨過秋寺磬
石驚龍落夜潭莫把騎魂吊湘鬼九愁凝絕鎖
煙嵐

題華嚴寺木塔

六街晴色動秋光雨霽憑高只易傷一曲晚煙
浮渭水半橋斜日照咸陽休將世路悲塵事莫
指雲山認故鄉回首漢宮樓閣暮數聲鐘鼓自
微茫

經舊遊

暫到高唐曉又還丁香結夢水潺潺不知雲雨
歸何處歷歷空留十二山

碧戶

碧戶扃魚鑠蘭窻掩鏡臺落花疑悵望歸燕自
徘徊詠絮知難敵傷春不易裁恨從芳草起愁
爲晚風來衣惹湘雲溽眉分楚岫開香濃眠舊
枕夢好醉春盃小障明金鳳幽屏點翠苔寶箏
橫塞鴈怨笛落江梅卓氏仍多酒相如正富才
莫教琴上意翻作鶴聲哀

芍藥

香清粉澹怨殘春
蝶翅蜂鬚戀藥塵
閑倚晚風生
悵望靜留遲日
學因循
你將薜荔爲青瑣
好與玫瑰作近隣
零落若教隨暮雨
又應愁殺別離人

春晚謠

雨微微
煙霏霏
小庭半拆紅薔薇
鈿箏斜倚畫屏曲
零落幾行金鴈飛
蕭關夢斷無尋處
萬疊春波起南浦
凌亂楊花撲繡簾
晚窻時有流鶯語

所思

空塘水碧
春雨微
東風散漫楊花飛
依依南浦
夢猶在脉脉
高唐雲不歸
江頭日暮
多芳草極目傷心
煙消悄隔江紅杏
一枝明似玉佳人
俯清沼
休向春臺更迴望
銷魂自古因惆悵
銀河碧海共無情
兩處悠悠起風浪

春夕言懷

風透疎簾
月滿庭
倚欄無事倍傷情
煙垂柳帶
織腰軟
露滴花房
怨臉明
愁逐野雲銷
不盡情
隨春浪去
難平幽窻
謾結相思
夢欲化西園蝶

未成

春江雨

雨溟溟風零零老松瘦竹臨煙汀空江冷落野
雲重雲中孤燭微如星夜驚溪上漁人起滴瀝
蓬聲滿愁耳子規叫斷獨未眠
尾

戴叔倫四首

秋日行

山曉旅人去天高秋氣悲明河川上沒芳草露
中衰一作滋此別又千里少年能幾時心知剡溪

路聊且寄前期

漸次空靈戍

寒盡鴻先至春回客未歸早知名是病不敢繡
爲衣霧積川原暗山多郡縣稀明朝下湘岸更
逐鷓鴣飛

贈韓道士

日暮秋風吹野花上清歸客意無涯桃源寂寂
煙雲閉天路悠悠星漢斜還似世人生白髮定
知仙骨變黃芽東城南陌頻相見應是壺中別
有家

潭州使院書情寄江夏賀蘭副端

雲雨一蕭散悠悠關復河俱從泛舟役近隔洞
庭波楚水去不盡秋風今又過無因得相見却
恨寄書多

宋邕一首

春日

輕花細葉滿林端昨夜春風曉色寒黃鳥不堪
愁裏聽綠楊宜向雨中看

曹唐二十四首

病馬五首呈鄭校書章三吳十五先輩

騷駟何年別渥注病來顏色半泥沙四蹄不鑿
金砧裂雙眼慵開玉燭斜墮月兔毛乾殼棘失
雲龍骨瘦查牙平原好放無人放嘶向秋風首
蒼花

壠上沙葱葉正齊騰黃猶自跼羸蹄尾蟠夜雨
紅絲脆頭掙秋風白練低力憊未思金絡腦影
寒空望錦障泥階前莫怪垂雙淚不遇孫陽不
敢嘶

不剪焦毛鬣半翻何人別是古龍孫風吹病骨
無驕氣土蝕驄花見卧痕未噴斷雲歸漢苑曾

追輕練適具門一朝千里心猶在爭肯潛忘餒
銅恩

空被秋風吹病毛無匹濯浪刷洪濤卧來揔怪
龍蹄跂瘦盡誰驚虎口高追電有心猶款段逢
人相骨強嘶號欲將鬢鬢重裁剪乞借新成利
斂刀

病久無人着意看玉華衫色欲凋殘飲驚白露
泉花冷喫怕清秋豆葉寒長檐敢辭紅錦重舊
韉寧畏紫絲蟠王良若要相擡舉千里追風也
不難

大遊仙劉晨阮肇遊天台

樹入天台石路新雲和草靜迥無塵煙霞不省
生前事水木空疑夢後身往往雞鳴巖下月時
時犬吠洞中春不知此地歸何處須就桃源問
主人

劉阮洞中遇仙人

天和樹色靄蒼蒼霞重嵐深路渺茫雲實滿山
無鳥雀水聲沿澗有笙篳碧沙洞裏乾坤別紅
樹枝邊日月長願得花間有人出免令仙犬吠

劉郎

仙子送劉阮出洞

殷勤相送出天台，仙境那能却再來。
雲液既歸須強飲，玉書無事莫頻開。
花當洞口應長在水，到人間定不迴。
惆悵溪頭從此別，碧山明月照蒼苔。

仙子洞中有懷劉阮

不將清瑟理霓裳，塵夢那知鶴夢長。
洞裏有天春寂寂，人間無路月茫茫。
玉沙瑤草連溪碧，流水桃花滿澗香。
曉露風燈易零落，此生無處訪劉郎。

劉阮再到天台不復見諸仙子

再到天台訪玉真，青苔白石已成塵。
笙歌寂寞唯深洞，雲鶴蕭條絕舊隣。
草樹摠非前度色，煙霞不似往年春。
桃花流水依然在，不見當時勸酒人。

張碩重寄杜蘭香

碧落香銷蘭路秋，星河無夢夜悠悠。
靈妃不降三清駕，仙鶴空成萬古愁。
皓月隔花追欸別，瑞煙籠樹省淹留。
人間何事堪遺恨，海色西風十二樓。

玉女杜蘭香下嫁於張碩

天上人間兩渺茫不知誰識杜蘭香
來經玉樹三山遠去隔銀河一水長
怨入清塵愁錦思酒傾玄露醉瑤觴
遺情更說何珍重擘破雲鬟金鳳凰

蕭史攜弄玉上昇

豈是丹臺歸路遙紫鸞煙駕不同飄
一聲洛水傳幽咽萬片宮花共寂寥
紅粉美人愁未散清華公子笑相邀
縹山碧樹青樓月腸斷春風爲玉簫

黃初平將入金華山

莫道真遊煙景賒瀟湘有路入金華
溪頭鶴樹春長在洞口人間日自斜
一水暗鳴閑遶澗五雲長往不還家
白羊成隊難收拾喫盡溪邊巨勝花

織女懷牽牛

北斗佳人雙淚流眼穿腸斷爲牽牛
封題錦字凝新思拋擲金梭織舊愁
桂樹三春煙漠漠銀河一水夜悠悠
欲將心向仙郎說借問榆花早晚秋

漢武帝思李夫人

惆悵朱顏不復歸，晚秋黃葉滿天飛。
迎風細蔣傳香粉，隔水殘霞見畫衣。
白玉帳寒鴛夢絕，紫陽宮遠鴈書稀。
夜深池上蘭橈歇，斷續歌聲徹太微。

小遊仙三首

偷來洞口訪劉君，緩步輕擡玉線裙。
細擘桃花擲流水，更無言語倚彤雲。

風動閑天青桂陰，水精簾箔冷沉沉。
西妃少女多春思，斜倚彤雲盡日吟。

方士飛軒住碧霞，酒寒風冷月初斜。
不知誰唱歸春曲，落盡溪頭白葛花。

長安春舍敘邵陵舊宴懷永門蕭使君
五首

邵陵佳樹碧葱蘢，河漢西沉宴未終。
殘漏五更傳海月，清笳三會揭天風。
香熏舞席雲鬢綠，光射頭盤蠟燭紅。
今日却懷行樂處，兩床絲竹水樓中。

不知何路却飛翻，虛受賢侯鄭重恩。
五夜清歌敲玉樹，三年洪飲倒金罇。
招攜永感雙魚在，報

蒼空知一劍存狼籍梨花滿城月當時長醉信
陵門

粉疊彤軒畫障西水雲紅樹窄璇題鷓鴣欲絕
歌聲定鸚鵡初驚舞袖齊坐對玉山空甸線細
聽金石怕低迷東風夜月三年飲不省非時不
似泥

木魚金鑰鎖重城夜上紅樓縱酒情竹葉水繁
更漏促桐花風軟管絃清百分散打銀船溢十
指寬催玉筋輕星斗盡稀賓客醉碧雲猶戀艷
歌聲

三年身逐漢諸侯賓榻容居最上頭飽聽笙歌
陪痛飲熟尋雲水縱閑遊朱門鎖閉煙嵐暮鈴
閣清泠水木秋月滿前山圓不動更邀詩客上
高樓

施肩吾二首

夜讌曲

蘭缸如晝買不眠玉爐夜起沉香煙青娥一行
十二仙欲笑不笑桃花燃碧窓弄粧梳洗晚戶
外不知銀漢轉被郎嗔罰屠蘇盞酒入四肢紅
玉軟

代征婦怨

寒窗羞見影相隨
嫁得五陵輕薄兒
長短艷歌君自解
淺深更漏妾偏知
畫裙多淚鴛鴦濕
雲鬢慵梳玳瑁垂
何事不看霜雪裏
堅貞惟有古松枝

趙光遠三首

題北里妓人壁

魚鑰獸環斜掩門
萋萋芳草憶王孫
醉僂青瑣窺韓壽
閑擲金梭惱謝琨
不夜珠光連玉匣
辟寒釵影落瑤樽
欲知腸斷相思處
役盡江淹別後魂

後魂

詠手二首

粧成皓腕洗凝脂
背接紅巾水時薄
霧袖中拈玉笋
斜陽屏上撚青絲
喚人急拍臨前檻
摘杏高揎近曲池
好是琵琶絃畔見
絃圓無節玉參差
撚玉磋瓊軟
復圓綠窻誰見上
琴絃慢籠彩筆
閑書字斜指瑤堦
笑打錢指面
試香添麝炷
舌頭輕點貼金鈿
象床珍簟宮棊處
拈定文楸占角邊

孫啓四首

贈妓人

綵翠仙衣紅玉膚輕盈年在破瓜初霞盃醉喚
劉郎賭雲髻慵邀阿母梳不怕寒侵緣帶寶每
憂風舉倩持裾謾圖西子為粧樣西子元來未
得如

題北里妓人壁三首

移壁迴窻費幾朝指環偷解博紅椒無端鬪草
輸隣女便被拈將玉步搖
寒繡衣裳餉阿嬌新團香獸不禁燒東隣起樣

裙腰闊剩蹙黃金一兩條

試共卿卿語笑麤書堂連遣侍兒呼寒肌不耐
金如意白獺爲膏郎有無

崔珏七首

和友人鴛鴦之什三首

翠鬣紅毛舞夕暉水禽情似此禽稀暫分煙島
猶迴首只渡寒塘亦共飛映霧盡迷珠殿瓦迹
梭齊上玉人機採蓮無限蘭橈女笑橫中流羨
爾歸

寂寂春塘煙晚時兩心如影共依依溪頭日暖

眠沙穩渡口風寒浴浪稀翡翠莫誇饒彩飾鷓鴣
鵝須羨好毛衣
處歸

舞鶴翔鸞俱別離可憐生死兩相隨紅絲毳落
眠汀處白雪花成蹙浪時琴上只聞交頸語窻
前空展共飛詩何如相見長相對肯羨人間多
所思

有贈二首

莫道粧成斷客腸粉膏綿手白蓮香煙分頂上
三層綠劒截眸中一寸光舞勝柳枝腰更軟歌

嫌珠貫曲猶長雖然不似王孫女解愛臨卽賣
賦郎

錦里芬芳少佩蘭風流全占似君難心迷曉夢
窻猶暗粉落香肌汗未乾兩臉天桃從鏡發一
眸春水照人寒自嗟此地
歲看

和人聽歌二首

氣吐幽蘭出洞房樂人先問調宮商聲和細管
珠才轉曲渡沉煙雪更香公子不隨腸
人須落淚千行巫山唱罷行雲過猶自微塵舞舞

畫梁

紅臉初分翠黛愁錦筵歌板拍清秋一樓春雪
和塵落午夜寒泉帶雨流座上美人心盡死罇
前旅客淚難收莫辭更送劉郎酒百斛明珠異
日酬

司空曙三首

病中遣妓

萬事傷心在目前一身垂淚對花筵黃金用盡
教歌舞留與它人樂少年

江村即事

罷釣歸來不繫船江村月落正堪眠縱然一夜
風吹去只在蘆花淺水邊

峽口送友人

峽口花飛欲盡春天涯去住淚霑巾來時萬里
同爲客今日翻成送故人

項斯一首

咸陽送處士

古道白迢迢咸陽離別橋越人無水處秦樹帶
霜朝騎馬言難盡分程望易遙秋來未相見此
意各蕭條

才調集卷第四



才調集卷第五

古律歌詩一百首

元稹五十七首

夢遊春七十韻

昔歲夢遊春夢遊何所遇夢入深洞中遂果平生趣清泠淺漫流盡舫蘭篙渡過盡萬株挑盤旋竹林路長廊抱小樓門牖相迴平樓下雜花叢叢邊繞鷓鴣池光漾霞影曉日初鳴煦未敢上堦行頻移曲池步烏龍不作聲碧玉曾相慕漸到簾幕間徘徊意猶懼開窺東西閣竒玩參

差布隔子碧油糊
馳鈎紫金鍍
逡巡日漸高
影
聳人將寤鸚鵡
飢亂鳴嬌娃
睡猶怒簾開
侍兒
起見我遥相諭
鋪設繡紅茵
施張鈿裝具
潛褰
翡翠帳
瞥見珊瑚樹
不辨花兒人
空驚香若露
身迴夜合偏
態斂晨霞聚
睡臉桃破風
汗粧蓮
委露叢梳百
葉髻時勢
金蹙重臺履跡殿
紕軟
細頭裙琴瑟
玲瓏合歡袴夾纈
鮮妍脂粉薄
暗
澹衣裳故最似
紅牡丹
雨來春欲暮
夢魂良易
驚靈境
難久寓
夜夜望天河
無由重沿沂
結念
心所期
返如禪頓
悟覺來八九年
不向花迴顧

雜合兩京春
喧闐衆禽護
我到看花時
但作懷
仙句
浮生轉經歷
道性尤堅固
近作夢仙詩
亦
知勞肺腑
一夢何足云
良時事婚娶
當年二紀
初嘉節
三星度
朝薜玉佩迎
高松女蘿附
韋門
正全盛
出入多歡裕
甲第漲清池
鳴騶引朱輅
廣榭舞萋萋
長筵賓雜厝
青春詎幾日
華實潛
幽蠹秋月照
潘郎空山懷
謝傅
紅樓嗟壞壁
金
谷迷荒戍
石壓破欄干
門摧舊榷枿
雖云覺夢
殊同是終難
駐
悰緒竟何如
焚絲不成絢
卓女
白頭吟
阿嬌金屋賦
重壁盛姬臺
青塚明妃墓

盡委窮塵骨皆隨流波注幸有古如今何勞鍊
比素況余當盛時早歲諧如務詔冊冠賢良諫
垣陳好惡三十再登朝一登還一小寵榮非不
早遭迴亦云屢直氣在膏肓氛氲日沉痼不言
意不快快意言多忤忤誠人所賊性亦天之付
乍可沉爲香不能浮作瓠誠爲堅所守未爲明
所措事事身已經營營計何誤美玉琢文珪良
金填武庫徒謂自堅貞安知受礮鑄長絲羈野
馬密網羅陰免物外各迢迢誰能遠相錮時來
旣若飛禍速當如鶩曩意自未精此行何所訴
努力去江陵笑言誰與晤江花縱可憐奈非心
所慕石竹逞姦黠蔓菁誇畝數一種薄地生淺
深何足妬荷葉水上生團團水中住瀉水置葉
中君看不相污

桐花落

莎草遍桐陰桐花滿莎落蓋覆相團圓可憐無
厚薄昔歲幽院中深堂下簾幕同在後門前因
論花好惡君誇沉檀樣云是指搗作暗澹滅紫
花拘連蹙金萼都繡六七枝闔成雙孔雀尾上
稠疊花又將金解絡我愛看不已君煩睡先著

我作繡桐詩繫君裙帶着別來苦修道此意都
蕭索今日竟相牽思量偶然錯

夢昔時

閑窻結幽夢此夢誰人知夜半初得處天明臨
去時山川已久隔雲雨兩無期何事來相感又
成新別離

恨粧成

曉日穿隙明開帷理粧點傅粉貴重重施朱憐
冉冉柔髮背額垂叢鬢隨釵歛凝翠暈蛾眉輕
紅拂花臉滿頭行小梳當面施圓靨最恨落花

時粧成獨披掩

古決絕詞三首

乍可爲天上牽牛織女星不願爲庭前紅槿枝
七月七日一相見相見故心終不移那能朝開
暮飛去一任東西南北吹分不兩相守恨不兩
相思對面且如此背面當可知春風撩亂伯勞
語況是此時拋去時握手苦相問竟不言後期
君情旣決絕妾意已參差借如死生別安得長
苦悲

噫春冰之將泮何余懷之獨結有美一人於焉

曠絕一日不見比一日於三年况三年之曠別
水得風兮小而已波筍在苞兮高不見節矧桃
李之當春競衆人而攀折我自顧悠悠而若雲
又安能保君疇疇之如雪感破鏡之分明覩淚
痕之餘血幸他人之既不我先又安能後他人
之終不我奪已焉哉織女別黃姑一年一度暫
相見彼此隔河何事無

夜夜相抱眠幽懷尚沉結那堪一年事長遣一
宵說但感夕相思何暇暫相悅虹橋薄夜成龍
駕侵晨列生憎野鵲性遲迴死恨天雞識時節
曙色漸曠曠華星次明滅一去又一年一年何
可徹有此迢遞期不如死生別天公隔是妬相
憐何不便教相決絕

櫻桃花

櫻桃花一枝兩枝千萬朶花塲曾立摘花人窈
破羅裙紅似火

曹十九舞綠鈿

急管清弄頻舞衣纔攬結含情獨擣手雙袖參
差列驥褭柳牽絲炫轉風迴雪凝眄嬌不移往
往度繁節

閨晚

紅裙委塲堦玉瓜瓠朱橘素臆光如矚明瞳
凝溢調絃不成曲學書徒弄筆夜色侵洞房香
煙透簾出

曉將別

風露曉淒淒月下西墻西行人帳中起思婦枕
前啼屑屑命僮御晨裝儼已齊將去復攜手日
高方解攜

薔薇架

清水驛

五色堦前架一張籠上被殷紅稠疊花半綠鮮
明地風蔓羅裙帶露英蓮臉淚多逢走馬郎可
惜簾邊思

月暗

月暗燈殘面墻泣羅纓斗重知啼濕真珠簾斷
蝙蝠飛燕子巢空螢火入深殿門重夜漏嚴柔
年急君王掌上容一人更有輕身何

處立

新秋

旦暮已淒涼離人遠思忙夏衣臨曉薄秋影入
簷長前事風隨扇歸心燕在梁殷勤寄牛女河

漢正相望

贈雙文

艷極翻含怨，憐多轉自嬌。有時還暫笑，閑坐愛無繆。曉月行看墮，春蘇見欲消。何因肯垂手，不

敢望迴腰。

舞曲二名

春別

幽芳本未闌，君去蕙花殘。河漢秋期遠，關山世路難。雲屏留粉絮，風幌引香蘭。腸斷迴文錦，春深獨自看。

和樂天示楊瓊

我在江陵少年日，知有楊瓊初喚出。腰身瘦小歌圓緊，依約年應十六七。去年十月過蘇州，瓊來拜問郎不識。青衫玉兒何處去，安得紅旗遮頭白。我語楊瓊瓊莫語，汝雖笑我我笑汝。汝今無復小腰身，不似江陵時好女。楊瓊爲我歌，送酒爾憶江陵縣。中否江陵王令骨，爲灰車來嫁作尚書婦。盧戡及第嚴澗在，其餘死者十八九。我今賀爾亦自多，爾得老成余白首。

楊瓊本名播少爲江

陵酒妓去年姑蘇過瓊敘舊及今見樂天此篇因走筆追書此曲

魚中素

重疊魚中素幽絨手自開斜紅餘淚跡知着臉
邊來

代九九

昔年桃李月顏色共花宜迴臉蓮初破低蛾柳
並垂望山多倚樹弄水愛臨池遠被登樓識潛
因倒影窺隔林徒想像上砌轉逶迤謾擲庭中
果虛攀牆外枝強持文玉佩求結麝香縞阿母
憐金重親兄要馬騎把將嬌小女嫁與冶遊兒
自隱勤勤索相要事事隨每常同坐卧不省暫
參差纔學羞兼妬如何言寵便移青春來易皎白
日誓先虧僻性嗔來見邪行醉後知別床鋪枕
席當面指瑕疵妾兒應猶在君情遽若斯的成
終世恨焉用此宵爲鸞鏡燈前撲鴛衾手下墮
參商半夜起琴瑟一聲離努力新叢艷狂風次
第吹

盧十九子蒙吟盧七負外洛川懷古六

韻命余和

聞道盧明府開行詠洛神浪圓疑靨笑波闔憶
眉頰蹀躞橋頭馬空濛水上塵草芽猶犯雪冰
岸欲消春寓目終無限通辭未有因子蒙將此

曲吟似獨眠人

劉阮妻二首

仙洞千年一度開等閑偷入又偷迴桃花飛盡
秋風起何處消沉去不來

芙蓉脂肉綠雲鬢
晝盡樓臺青黛山
千樹桃花萬年藥
不知何事憶人間

桃花

桃花淺深處似勻
深淺粧春風助腸斷
吹落白衣裳

暮秋

看着墻西日又沉
步廊迴合戟門深
樓烏滿樹聲聲絕
小玉上床鋪夜衾

壓墻花

野性大都迷里巷
愛將高樹記人家
春來偏認平陽宅
爲見墻頭拂面花

舞腰

裙裾旋旋手迢迢
不趁音聲自趁嬌
未必諸郎知曲誤
一時偷眼爲迴腰

白衣裳二首

雨濕輕塵隔院香
玉人初着白衣裳
半含惆悵

閒看繡一朶梨花壓象床
藕絲衫子柳花裙空著沉香慢火熏閑倚幙風
笑周昉枉拋心力畫朝雲

憶事

夜深閑到戟門邊柳遶行廊又獨眠明月滿庭
池水淥桐花垂在翠簾前

寄舊詩與薛濤因成長句

序在別卷

詩篇調態人皆有細膩風光我獨知月夜詠花
憐暗澹雨朝題柳爲歌垂長教碧玉藏深處總
向紅牋寫自隨老大不能收拾得與君閑似好

男兒

友封體

雨送浮涼夏簟清小樓腰褥怕單輕微風暗度
香囊轉隴月斜穿隔子明樺燭焰高黃耳吠柳
堤風靜紫騮聲頻頻聞動中門鎖桃葉知嗔未
敢迎

看花

努力少年求好官好花須是少年看君看老大
逢花樹未折一枝心已闌

斑竹

得之湘流

一枝斑竹渡湘沅，萬里行人感別魂。知是娥皇廟前物，遠隨風雨送啼痕。

筆

莫愁私地愛王昌，夜夜箏聲怨隔牆。火鳳有皇求不得，春鶯無伴轉空長。急揮舞破催飛燕，慢逐歌詞弄小娘。死恨相如新索婦，枉將心力爲他狂。

春曉

半欲天明半未明，醉聞花氣睡聞鶯。娃兒撼起鐘聲動，二十年前曉寺情。

春詞

深院無人草樹光，嬌鶯不語趁陰藏。等閑弄水浮花片，流出門前賺阮郎。

所思二首

庾亮樓中初見時，武昌春柳似腰肢。相逢相失還如夢，爲雨爲雲今不知。

鄂渚濛濛煙雨微，女郎魂逐暮雲歸。只應長在漢陽渡，化作鴛鴦一隻飛。

離思六首

殷紅淺碧舊衣裳，取次梳頭暗澹粧。夜合帶煙

籠曉月牡丹經雨泣殘陽低迷隱笑元無氣散
漫清香不似香頻動橫波嗔阿母等閑教見小
兒郎

自愛殘粧曉鏡中
鵲釵慢篸綠絲叢
最須臾日射
燕脂頰一朶紅
蘇旋欲融

山泉散漫遶堦流
萬樹桃花映小樓
閑讀道書慵未起
水精簾下看梳頭

紅羅着壓逐時新
吉了花紗嫩麴塵
第一莫嫌材地弱
些些紕慢最宜人

曾經滄海難爲水
除却巫山不是雲
取次花叢

懶回顧半緣修道半緣君

尋常百種花齊發
偏摘梨花與白人
今日江頭兩三樹
可憐和葉度殘春

雜憶五首

今年寒食月無光
夜色纔侵已上床
憶得雙文通內裏
玉櫳深處暗聞香

花籠微月竹籠煙
百尺絲繩拂地懸
憶得雙文人靜後
潛教桃葉送鞦韆

寒輕夜淺遶迴廊
不辨花叢暗辨香
憶得雙文隴月下
小樓前後捉迷藏

山榴似火葉相兼亞拂塼堦半拂簷憶得雙文
獨披掩滿頭花草倚新簾

春冰消盡碧波湖漾影殘霞似有無憶得雙文
衫子薄鈿頭雲映退紅蘇

有所教

莫畫長眉畫短眉斜紅傷豎莫傷垂人人揔解
爭時勢都大須看各自宜

襄陽爲盧竇紀事五首

帝下真符召玉真偶逢遊女暫相親素書三卷
留爲贈從向人間說向人

風弄花枝月照堦醉和春睡倚香懷依稀似覺
雙鬢動潛被蕭郎卸玉釵

鶯聲撩亂曙燈殘暗覓金釵動曉寒猶帶春醒
懶相送櫻桃花下隔簾看

瑠璃波面月籠煙暫逐蕭郎走上天今日歸時
最腸斷迴江還是夜來船

花枝臨水復臨堤閑照江流亦照泥千萬春風
好擡舉夜來曾有鳳皇棲

初除浙東妻有沮色因以四韻曉之

嫁時五月歸巴地今日雙旌上越州興慶首行

遷命婦余在中書日妻以郡君朝會稽旁帶六
諸侯海樓翡翠閑相逐鏡水鴛鴦暖共遊我有
主恩羞未報君於此外更何求

會真詩三十韻

微月透簾櫳螢光度碧空遙天初縹緲低樹漸
葱蘢龍吹過庭竹鷺歌拂井桐羅綃垂薄霧環
珮響輕風絳節隨金母雲心捧玉童更深人悄
悄晨會雨濛濛珠瑩光文履花明隱繡籠寶釵
行彩鳳羅帔掩丹虹言自瑤華浦將朝碧帝宮
因遊李城北偶向宋家東戲調初微拒柔情已

暗通低鬢蠟影動回步玉塵蒙轉面流花雪登
床抱綺叢鴛鴦交頸舞翡翠合歡籠眉黛羞偏
聚朱唇暖更融氣清蘭藥馥膚潤玉肌豐無力
慵移腕多嬌愛斂躬汗光珠點點髮亂絲葱蔥
方喜千年會俄聞五夜窮留連時有限繾綣意
難終慢臉含愁態芳詞誓素衷贈環明運合留
結表心同啼粉留清鏡殘燈遠暗蟲華光猶冉
冉旭日漸瞳瞳警乘還歸洛吹簫亦止蒿衣香
猶染麝枕膩尚殘紅翠幕臨塘草飄飄思緒蓬
素琴鳴怨鶴清漢望歸鴻海闊誠難渡天高不

易沖行雲無處所蕭史在樓中

鄭谷十一首

登杭州城

故國江天外登臨返照間潮來無別浦木落見
他山沙鳥晴飛遠漁人夜唱閑歲窮歸未得心
逐片帆還

曲江春草

花落江堤簇暖煙雨餘草色遠相連香輪莫碾
青青破留與愁人一醉眠

十日菊

節去蜂愁蝶不知曉庭還繞折殘枝自緣今日
人心別未必秋香一夜衰

淮上漁者

白頭波上白頭翁家逐船移浦浦風一尺鱸魚
新釣得見孫吹火荻花中

弔故禮部韋貲外序

臘雪初晴共舉盃便期攜手上春臺高情唯怕
酒不滿長慟可悲花正開曉真鶯啼殘漏在風
幃燕覓舊巢來杜陵芳草年年綠醉魄吟魂無
復迴

席上貽歌者

花月樓臺近九衢清歌一曲倒金盞座中亦有
江南客莫向春風唱鷓鴣

淮上與友人別

楊子江頭楊柳春楊花愁殺渡江人數聲風笛
離亭晚君向瀟湘我向秦

雪中偶題

亂飄僧舍茶煙濕密灑歌樓酒力微江上晚來
堪盡處漁人披得一蓑歸

鷓鴣

暖戲平蕪錦翼齊品流應得入山雞雨昏青草
湖邊過花落黃陵廟裏啼遊子乍聞征袖濕歌
人纔唱翠眉低相呼相喚湘江浦苦竹叢深春
日西

京師冬暮詠懷

覓句千名祗自勞苦吟殊未補風騷煙開水國
花期近雪滿長安酒價高舊業已荒青藹逕寒
江空憶白雲濤不知春到情何恨唯恐流年損
鬢毛

趙璘郎中席上賦得胡蝶

尋艷復尋香似閑還似忙暖煙沉蕙逕微雨宿
花房書幌輕隨夢歌樓誤採蕊玉孫深屬意繡
入舞衣裳

秦韜玉八首

長安書懷

涼風吹雨滴寒更鄉思欺人撥不平長有歸心
懸馬首可堪無寐枕蛩聲嵐收楚岫和空碧秋
染湘江到底清早晚身閑著蓑去橘香深處釣
船橫

春雪

雲重寒空思寂寥玉塵如糝滿春朝片才着地
輕輕陷力不禁風旋旋銷惹砌任他胡蝶妬繁
叢自學小梅嬌誰家醉卷珠簾看絃管堂深暖
易調

對花

長共韶光暗有期可憐蜂蝶却先知誰家促席
臨低樹何處橫釵戴小枝麗日多情疑曲照和
風得路合偏吹向人雖道渾無語幾勸玉孫到
醉時

貧女

蓬門未識綺羅香擬託良媒蓋自傷誰愛風流
高格調共憐時世儉梳粧敢將十指誇偏巧不
把雙眉鬪畫長最恨年年壓金線爲他人作嫁
衣裳

鸚鵡

每聞別鴈競悲鳴却向金籠寄此生早是翠衿
爭愛惜可堪紅觜強分明雲漫隴樹鬼應斷歌
按秦樓夢不成幸自襴衡人未識賺他爲賦被
時輕

織錦婦

桃花日日覓新奇有鏡何曾及畫眉祗恐輕梭
難作疋豈辭織手遍生胝合蟬巧間雙盤帶聯
鴈斜銜小折枝豪貴大堆酬曲徹豈知辛苦一
絲絲

獨坐吟

客愁不盡本如水草色含情更無已又覺春愁
似草生何人種在情田裏

詠手

一雙十指玉纖纖不是風流物不拈鸞鏡玉梳
勻翠黛畫樓閑望擘珠簾金盃有喜輕輕點銀

鴨無香旋旋添因把剪刀嫌道冷泥人呵了弄
人髯

紀唐夫一首

贈溫廷筠

何事明時泣玉頻長安不見杏垣春鳳皇詔下
雖露命鸚鵡才高却累身且盡綠醅銷積恨莫
辭黃綬拂行塵方城若比長沙路猶隔千山與
萬津

雍陶一首

鷺鷥鷺

雙鷺應憐水滿池風飄不動頂絲垂立當青草
人先見行傍白蓮魚未知一足獨拳寒雨裏數
聲相叫早秋時林塘得汝須增價況與詩人物
色宜

劉禹錫十二首

自朗州至京戲贈看花諸君子

紫陌紅塵拂面來無人不道看花回玄都觀裏
桃千樹盡是劉郎去後栽

再遊玄都觀

百畝中庭半是苔桃花淨盡菜花開種桃道士

歸何處前度劉郎今復來

聽舊宮人穆氏唱歌

曾隨織女渡天河記得雲間第一歌
休唱正元供奉曲當時朝士已無多

楊柳枝詞三首

花萼樓前初種時美人樓上闔腰支
如今拋擲長街裏露葉如啼欲向誰
煬帝行宮汴水濱數株殘柳不勝春
晚來風起花如雪飛入宮牆不見人

城外春風吹酒旗行人揮袂日西時
長安陌上無窮樹唯有垂楊管別離

竹枝詞三首

城西門前灩澦堆年年波浪不曾摧
懊惱人心不如石少時東去復西來

瞿唐嘈嘈十二灘此中道路古來難
長恨人心不如水等閑平地起波瀾

楊柳青青江水平聞郎江上唱歌聲
東邊日出西邊雨道是無晴還有晴

寄樂天

莫嗟華髮與無兒却是人生久遠期
雪裏高山

頭白早海中仙果子生遲于公必有高門慶謝
守何煩曉鏡悲幸免如斯分非淺祝君長詠夢
熊詩

鸚鵡

隴西鸚鵡到江東養得經年背漸紅常恐思歸
先剪翅每因餒食暫開籠人憐巧語情雖重鳥
憶高飛意不同全似貴門歌舞妓深藏牢閉在
房中

和樂天送鶴

昨日看成送鶴詩高籠提出白雲司朱門乍入
應迷路玉樹容棲莫揀枝雙舞庭中花落處數
聲池上月明時三山碧海未歸去且向人間呈
羽儀

白居易八首

送鶴上裴相公

司空憐爾爾須知不信聽吟乞鶴詩羽翼勢高
寧惜別稻梁恩厚莫愁飢夜棲少共雞爭樹曉
浴先饒鳳占池穩上青雲莫迴顧的應勝在白
家時

王昭君

漢使却回憑寄語黃金何日贖蛾眉君王若問
妾顏色莫道不如宮裏時

邯鄲至除夜思家

邯鄲驛裏逢冬至抱膝燈前影伴身想得家中
深夜坐還應說著遠行人

題王侍御池亭

朱門深鎖春池滿岸落薔薇水浸莎畢竟林塘
誰是主主人來少客來多

藍橋驛見元九詩

藍橋春雪君歸日秦嶺秋風我去時每去驛亭

先下馬循牆繞柱覓君詩

聞龜兒詠詩

憐渠已解詠詩章搖膝支頤學二郎莫學二郎
吟太苦纔年四十鬚如霜

同李十一解元憶九

花時同醉破春愁醉折花枝當酒籌忽憶故人
天際去計程今日到梁州

憶晦叔

游山弄水攜詩卷看月尋花把酒盃六事盡思
君作伴幾時歸到洛陽來

武元衡二首

荆帥

金貂再入三公府
玉帳連封萬戶
巫峽曉雲凝碧岫
渚宮秋劉琨坐
嘯風生浦
謝眺裁詩月滿樓
白雪調高歌
不得美人南國翠蛾愁

送張諫議赴闕

詔書前日下丹霄
頭帶儒冠脫皂貂
笛怨柳營煙漠漠
雲愁江館雨蕭蕭
鷓鴣得路爭先翥
松桂凌霜貴後凋
歸去朝端如有問
玉關門外老

班超

才調集卷第五

才調集卷第六

古律雜歌詩一百首

李白二十八首

長干行二首

妾髮初覆額折花門前劇郎騎竹馬來遠林弄
青梅同居長千里兩小無嫌猜十四為君婦羞
顏未嘗開低頭向暗壁千喚不一迴十五始展
眉願同塵與灰常存抱柱信豈上望夫臺十六
君遠行瞿塘滯灘堆五月不可觸猿聲天上哀
門前遲一作行跡一一生綠苔苔深一作不能



掃落葉秋風早八月蝴蝶來雙飛西園草感此
傷妾心坐見一作愁紅顏老早晚下三巴預將書
報家相迎不道遠直至長風沙

憶妾

一作昔

深閨裏煙塵不曾識嫁與長干人沙

頭候風色五月南風興思君下巴陵八月西風
起想君發揚子去來悲如何見少別離多湘潭

幾日到妾夢越風波昨夜狂風度吹折江臯

一作

頭

樹藏藏暗無邊行人在何處好乘浮雲驄佳

期蘭渚東鴛鴦綠蒲上翡翠錦屏中自憐十五
餘顏色桃李紅那作商人婦愁水復愁風

古風三首

泣與親友別欲語再三咽最君青松心努力保
霜雪世路多險艱白日欺紅顏分手一作首各千
里去去何時還

秋露如白玉團圓下庭綠我行忽見之寒艸悲
歲促人生鳥過目胡乃自結束景公一何愚牛
山淚相續物苦不知足登隴又望蜀人心若波
瀾世路有屈曲三萬六千日夜夜當秉燭

燕趙有秀色綺樓

一作樹

青雲端眉目艷皎月一

笑傾城歡常恐碧草晚坐泣秋風寒纖手怨玉

琴清晨起長歎烏得偶君子共乘雙飛鸞

長相思

日色已盡花含煙月明欲
愁不眠趙瑟初停
鳳皇柱蜀琴欲奏鴛鴦絃此曲有意無人傳願
隨春風寄燕然憶君迢迢隔青天昔日橫波目
今為流淚泉不信妾腸斷歸來看取明鏡前

烏夜啼

黃雲城邊烏欲棲歸飛啞啞枝上啼機中織錦
秦川女碧紗如煙隔窓語停梭悵然憶遠人獨
宿孤房淚如雨

一作停梭向人問故
夫知在流沙淚如雨

白頭吟

錦水東流碧波蕩雙鴛鴦雄飛漢宮樹雌弄秦
草芳相如去蜀謁武皇赤車駟馬生輝光一朝
再覽大人作萬壽忽欲凌雲翔聞道阿嬌失恩
寵千金買賦要君王相如不憶貧賤日官高金
多娉私室茂陵姝子皆見求文君歡愛從此畢
淚如雙泉水行墮紫羅襟五起雞三唱清晨白
頭嗟長吁不整綠雲髮仰訴青天哀怨深城崩
杞梁妻誰道土無心東流不作西歸水落花辭
枝羞故林頭上玉燕釵是妾嫁時物贈君表相

思羅袖幸時拂莫卷龍鬚席從地生綢絲且留
琥珀枕還有夢來時鵲鷺裘在錦屏上自君一
挂無由披妾有秦樓鏡照心勝照井願持照新
人雙對可憐影覆水却收不滿杯相如還謝文
君迴古來得意不相負祇今唯有青陵臺

贈漢陽輔錄事

鸚鵡洲橫漢陽渡水引寒煙沒江樹南浦登樓
不見君君今罷官在何處漢口雙魚白錦鱗令
傳尺素報情人其中字數無多少只是相思秋
復春

擣衣篇

閨裏佳人年十餘嘖蛾對影恨離居忽逢江上
春歸燕啣得雲中尺素書玉手開絨長歎息狂
夫猶戍交河北萬里交河水北流願為雙鳥泛
中洲君邊雲擁青絲騎妾處苔生紅粉樓樓上
春風日將歇誰能攬鏡看愁髮曉吹員管隨落
花夜擣戎衣向明月明月高高刺漏長真珠簾
箔掩蘭堂橫垂寶幄同心結半拂瓊筵蘇合香
瓊筵寶幄連枝錦燈燭熒熒照孤寢有使憑將
金剪刀為君留下相思枕摘盡庭蘭不見君紅

中拭淚生氤氳明年若更征邊塞願作陽臺一
段雲

大堤曲

漢水橫襄陽花開大堤暖佳期大堤下淚向南
雲滿春風復無情吹我魂夢亂不見眼中人天
長音信斷

青山獨酌

蒲萄酒金叵一作破羅吳姬十五細馬馱青黛畫
眉紅錦靴道字不正嬌唱歌玳瑁筵中懷裡醉
芙蓉帳底柰君何

久別離

別來幾春未還家玉窓五見櫻桃花况有錦字
書開緘使人嗟此腸斷彼心絕雲鬢綠鬢鬢梳
攬一作結愁如迴颿亂白雪去年寄書報陽臺今
年寄書重相催東風兮一本云胡為乎東風為我吹行
雲使西來待來竟不來落花寂寂委青苔

紫駟馬

紫駟行且嘶雙翻碧玉蹄臨流不肯渡似惜錦
障泥白雪關山遠黃雲海樹迷揮鞭萬里去安
得念春閨

宮中行樂三首

盧橘為秦樹蒲桃出漢宮
烟花宜落日絲管醉
春風笛奏龍鳴水簫吟
鳳下空君王多樂事何
又向回中

寒雪梅中盡春風柳上歸
宮鶯嬌欲醉簷燕語
還飛遲日明歌席新花
豔舞衣晚來移綵仗行
樂好一作光輝

水綠南薰殿花紅北闕樓
鶯歌聞太液鳳吹繞瀛洲
素女鳴珠珮天人弄綵球
今朝風日好宜入未央遊

愁陽春賦

東風歸來見碧草而知春
蕩漾惚恍何垂揚
旖旎之愁人天光清而妍
和海氣綠而芳
新野綵翠而芊
緜雲飄飄而相鮮
演漾兮寅緣窺青苔
之生泉縹緲兮翩緜
見遊絲之縈煙
魂與此兮俱斷
醉風光兮悽然
若乃隴水秦聲
江猿巴唵明妃玉塞
楚客楓林
試登高而望遠
痛切骨而傷心
春心蕩兮如波
春愁亂兮如雪
兼萬情之悲歡
茲一作一感於芳節
我所思兮湘水濱
隔雲霓而見無因
灑別淚於尺波
寄東流於情親

若使春光可攬而不滅兮吾欲贈天涯之佳人

寒女吟

昔君布衣時與妾同辛苦一拜五官郎便索邯鄲女妾欲辭君去君心便相許妾讀蘼蕪書悲歌淚如雨憶昔嫁君時曾無一夜樂不是妾無堪君家婦難作起來強歌舞從好君嫌惡下堂辭君去去後悔遮莫

相逢行

相逢紅塵內高揖黃金鞭萬戶垂楊裏君家在那邊

紫宮樂五首

小小生金屋盈盈在紫微山花插寶髻石竹繡羅衣每出深宮裏常隨步輦歸只愁歌舞散化作綵雲飛

玉樹春歸日金宮樂事多後庭朝未入輕絳車夜相過笑出花間語嬌來燭下歌莫教明月去留著醉姮娥

柳色黃金嫩梨花白雪香玉樓巢一作關非翡翠珠

殿鎖鴛鴦選妓隨雕輦徵歌出洞房宮中誰第一飛燕在昭陽

繡戶香風煖紗窓曙色新宮花爭笑日池草暗
生春綠樹聞歌鳥青樓見舞人昭陽桃李月羅
綺自相親

今日明光裏還須結伴遊春風開紫殿天樂下
珠樓艷舞全知巧嬌歌半欲羞更憐花月夜宮
女笑藏鉤

會別離

結髮生別離相思復相保如何日已遠五寢庭
中草渺渺天海途悠悠漢江島但恐不出門出
門無遠道道遠行寄難家貧衣復單嚴風吹雨
雪晨起鼻何酸人生各有志豈不懷所安分明
天上日生死誓同歡

江夏行

憶昔嬌小姿春心亦自持為言嫁夫婿得免長
相思誰知嫁商賈令人却愁苦自誤為夫妻何
曾在鄉土去年下揚州相送黃鶴樓眼看帆去
遠心逐江水流只言期一載誰謂歷三秋使妾
腸欲斷恨君情悠悠東家西舍同時發北去南
來不逾月未知行李遊何方作箇音書能斷絕
適來徃南浦欲問西江船正見當壚女紅粧二

八年一種為人妻，獨自多悲恹。對鏡便垂淚，逢人只欲啼。不如輕薄兒，旦暮長追隨。悔作商人婦，青春長別離。如今正好同歡樂，君去容華誰得知。

相逢行

朝騎五花馬，謁帝出銀臺。秀色誰家子，雲車珠箔開。金鞭遥指點，玉勒近遲迴。夾轂相借問，知疑一作從天上来。邀入青綺門，當歌共銜杯。銜杯映歌扇，似月雲中見。相見不得親，不如不相見。相見情已深，未語可知心。胡為返一作守空閨，孤

眠愁錦衾錦衾語

一作與

羅帷纏綿會有時。春風

正澹蕩，暮雨來何遲。願

一作後

因三春

一作青

鳥更

報長相思。光景不待人，須臾髮成絲。當年失行

樂，老去徒傷悲。持此道密意，無令曠佳期。

一本無此

六句

李商隱四十首

錦檻

一云鏡檻

錦檻芙蓉入香臺，翡翠過撥弦。驚火鳳交扇，拂天鵝。隱忍陽城笑，喧傳郢市歌。仙眉瓊作葉，佛髻鈿為螺。五里無因霧，三秋只見河。月中供藥

刺海上得綃多玉集胡沙割犀留聖水磨斜門
穿戲蝶小閣鎖飛蛾騎糖侵轆卷車帷約慙鉞
傳書兩行鴈取酒一封駝橋迥涼風壓溝橫夕
照扣待烏燕太子駐馬魏東阿想像鋪芳縵依
稀解醉羅散時簾隔露卧後幕生波梯穩從攀
桂弓調任射莎豈能拋斷夢聽鼓事朝珂

曉坐

後閣

後閣罷朝眠前墀思黯然梅應未假雪柳自不
勝煙淚續淺深綆腸危高下絃紅顏無定所得
失在當年

碧城三首

碧城十二曲闌干犀辟塵埃玉辟寒閨苑有書
多附鶴女墻無樹不棲鸞星沉海底當窓見雨
過河源隔座看若是曉珠明又定一生長對水
精盤

對影聞聲已可憐玉池荷葉正田田不逢蕭史
休迴首莫見洪崖又拍肩紫鳳放嬌銜楚珮赤
鱗狂舞撥湘絃鄂君悵望舟中夜錦被焚香獨
自眠

七夕來時先有期洞房簾箔至今垂玉輪顧兔

初生魄鐵網珊瑚未有枝檢與神方教駐景收
將鳳紙寫相思武皇內傳分明在莫道人間總
不知

飲席代官妓贈兩從事

新人橋上着春衫舊主江邊側帽簷

隋獨孤信
舉止風流

曾風吹帽簷
側觀者塞路願得化為紅綬帶許教雙鳳一時
銜

代元城吳令暗為答

背闕歸藩路欲分水邊風物半西曛荆王枕上
元無夢莫枉陽臺一片雲

杏花

上國簪相植亭亭如欲言異鄉今暫賞脉脉豈
無恩暖少風多力墻高月有痕為含無限思遂
對不勝繁仙子玉京路主人金谷園幾時辭碧
落誰伴過黃昏鏡拂鉛華膩鑪藏桂燼温終應
催竹葉先擬詠桃根莫學啼成血徒教夢寄魂
吳王採香徑失路入煙村

燈

皎潔終無倦煎熬亦自求花時隨酒遠雨夜背
窓休冷暗黃茅驛暄明紫桂樓錦囊名畫掩玉

局敗棊收何處無佳夢誰人不隱憂影隨簾押
轉光信單文流客自勝潘岳儂今定莫愁固應
留半燭迴照下幃羞

代魏官私贈

黃初三年已隔存沒追代其意何必同時亦廣子夜

魏歌之流

來時西館阻佳期去後漳河隔夢思知有宓妃
無限意春松秋菊可同時

一作松蘭

齊宮詞

永壽兵來夜不扃金蓮無復印中庭梁臺歌管
三更罷猶自風搖九子鈴

銀河吹笙

悵望銀河吹玉笙樓寒院冷接平明重衾幽夢
他年斷別樹出鞦韆昨夜驚月榭故香因雨散風
簾殘燭隔霜清不須浪作緱山意湘瑟秦簫自
有情

題後重有戲贈任秀才

一丈紅蕃擁翠筠羅窓不識繞街塵峽中尋覓
長逢雨月裏依稀更有人虛為錯刀留遠客枉
緣書札損文鱗遙知小閣還斜照羨殺烏龍卧
錦茵

春雨

帳卧新春白袷衣白門寥落意多違紅樓隔雨
相望冷珠箔飄燈獨自歸遠路應悲春晚晚殘
宵猶得夢依稀玉璫緘札何由達萬里雲羅一
鴈飛

富平侯

七國三邊未到憂十三身龍衣富平侯不收金
彈拋林外却惜銀床在井頭綵樹轉燈珠錯落繡
檀迴枕玉雕鏤當關不報侵晨客新得佳人字
莫愁

促漏

促漏遙鐘動靜聞報章重疊香難分舞鸞鏡匣
收殘黛睡鴨香爐換夕薰歸去定知還向月夢
來何處更為雲南塘漸暖蒲堪結兩兩鴛鴦護
水紋

江東

驚魚撥刺燕翩翩獨自江東上釣船今日春光
太漂蕩謝家輕絮沈郎錢

七夕

鸞扇斜分鳳幄開星橋橫過鵲飛迴爭將世上

無期別換得年年一度來

可歎

幸會東城宴未迴年華憂共水相催梁家宅裏
秦宮入趙氏樓中赤鳳來冰簟且眠金鏤枕瓊
筵不醉玉交盃空妃愁坐芝田館用盡陳王八
斗才

曉起

擬盃當曉氣呵鏡有微寒隔箔小櫻發寒幃桂
燭殘晝長為報曉夢好更尋難影響輪雙蝶偏
過舊畹闌

腸

有懷非惜恨不柰寸腸何即夕迴彌久前時斷
固多熱應翻急燒冷欲徹空波隔樹澌澌雨通
池點點荷倦程山向背望國闕差哉故念飛書
及新懽借夢過染筠休伴淚繞雪莫追歌擬問
陽臺事年深楚語訛

獨居有懷

麝重愁風逼羅疎畏月侵怨魂迷恐斷嬌喘細
疑沉數急芙蓉帶頻抽翡翠簪柔情終未遠遥
妬已先深浦冷鴛鴦去園空蛺蝶尋蠟花長遞

淚箏柱鎮移心覓使嵩雲暮迴頭灞岸陰只聞
涼葉院露井近寒砧

代贈三首

樓上黃昏望欲休玉梯橫絕月中鉤芭蕉不展
丁香結同向春風各自愁

東南日出照高樓樓上離人唱石州摠把春山
掃眉黛不知供得幾多愁

宮辭

君恩如水向東流得寵憂移失寵愁莫向樽前
奏花落涼風只在殿西頭

追代盧家人嘲堂內

道却橫波字人前莫謾羞只應同楚水長短入
淮流

訪人不遇留題別館

鄉鄉不惜瑣窓春去作長楸走馬身閑倚繡廡
吹柳絮日高深院斷無人

代應

本來銀漢是紅牆隔得盧家白玉堂誰與王昌
報消息盡知三十六鴛鴦

楚吟

山上離宮宮上樓樓前宮畔暮江流楚天長短
黃昏兩宋玉無愁亦自愁

龍池

龍池賜酒敞雲屏羯鼓聲高衆樂停夜半宴歸
宮漏永薛王沉醉壽王醒

淚

永巷長年怨綺羅離情終日思風波湘江竹上
痕無限峴首碑前洒幾多人去紫臺秋入塞兵
殘楚帳夜聞歌朝來灞水橋邊問未抵青袍送
玉珂

即目

地寬樓已迥人更迥於樓細意經春物傷醒屬
暮愁望餘殊易斷恨久欲難收大執真無利多
情豈自由空垣兼樹廢敗港攤花流書去青楓
驛鴻歸杜若洲單棲應分定辭疾索誰憂更替
林鴉恨驚頻去不休

水天閑話舊事

月姊曾逢下彩蟾傾城消息隔重簾已聞珮響
知腰細更辨絃聲覺指纖暮雨自歸山峭峭秋
河不動夜猷猷王昌且在墻東住未必金堂得

免嫌

漢宮詞

青雀西飛竟未迴，君王長在集靈臺。侍臣最有相如渴，不賜金莖露一盃。

席上作

一云子為桂州送事故鄭公出家妓令賦高唐詩

澹雲輕雨拂高唐，玉殿珠來夜正長。料得也應憐宋玉，一生惟事楚襄王。

留贈畏之

昔將赴職梓潼遇韓朝迴三首

待得郎來月已低，寒暄不徹醉如泥。五更又欲向何處，騎馬出門烏夜啼。

馬嵬

海外徒聞更九州，他生未卜此生休。空聞虎旅鳴宵柝，無復雞人報曉籌。此日六軍同駐馬，當時七夕笑牽牛。如何四紀為天子，不及盧家有莫愁。

離亭賦得折楊柳二首

暫憑樽酒送無憀，莫損愁眉與細腰。人世死前唯有別，春風爭擬惜長條。

含煙惹露悔依依，萬緒千條拂落暉。為報行人休盡折，半留相送半迎歸。

深宮

金殿銷香閉綺櫳，玉壺傳點咽銅龍。狂飈不惜
羅陰薄，清露偏知桂葉濃。班竹嶺邊無限淚，夕
陽宮裏及時鐘。豈知為雨為雲處，祇有高唐十
二峯。

李涉十五首

寄荊娘寫真

章華臺南莎草齊，長河柳色連金堤。青樓曛曩
曙光早，梨花滿巷鶯新啼。章臺玉顏年十六，小
來能唱西梁曲。教坊大使久知名，郢上詞人歌
不足。少年才子心相許，夜夜高唐夢雲雨。五銖
香帔結同心，三寸紅牋替傳語。綠池並戲雙鴛
鴦，田田翠葉紅蓮香。百年恩愛兩相許，一夕不
見生愁腸。上清仙女徵遊伴，欲從湘靈住河漢。
只愁陵谷變人寰，空歎桑田歸海岸。願分精魄
定形影，永似銀臺挂金井。召得丹青絕世工，寫
真與身真相同。忽然相對兩不語，疑是粧成來
鏡中。豈期人願天不違，雲輶却駐從山歸。畫圖
封裏寄箱篋，洞房艷艷生光輝。良人翻作東飛
翼，却遣江頭問消息。經年不得一封書，翠幕雲

屏遶空壁結客有少年名摠身姓王征帆三千
里前月發豫章知我別時言識我馬上郎恨無
羽翼飛使裁徒怨滄波長開篋取畫圖寄我形
影與客將如今憔悴不相似恐君重見生悲傷
蒼梧九竅在何處斑斑竹淚連瀟湘

與李渤新羅劍歌

我有神劍異人與暗中徃徃精靈語識者知從
東海來來時一夜因風雨長河臨曉北斗殘秋
水露背青螭寒昨夜大梁城下宿不借趺趺光
顏着刃邊颯颯塵沙缺癥痕半是蛟龍血雷煥
張華久已無沉寃知向何人說我有愛弟都九
江一條直氣今無雙青光好去莫惆悵必斬長
鯨湏少壯

六歎 只書兩首

綺羅香風翡翠車晴明獨傍芙蓉渠上有雲鬢
洞仙女垂羅掩縠煙中語風月頻驚桃李時滄
波久別鴛鴦侶欲傳一札孤飛翼山長水遠無
消息却鎖重門一院深半夜空庭明月色

深院梧桐夾金井上有轆轤青絲索美人清晝
汲寒泉寒泉欲上銀瓶落迢迢碧甃瓦千餘尺竟

日倚闌空歎息惆悵不來照明鏡却掩洞房抱
寂寂

重過文上人院

南隨越鳥北燕鴻松月三年別遠公無限心中
不平事一宵清話又成空

潤州聽角

江城吹角水茫茫曲引邊聲怨思長驚起暮天
沙上鴈海門斜去兩三行

· 再宿武關

遠別秦城萬里遊亂山高下出商州關門不鎖

寒溪水一夜潺潺送客愁

鷓鴣詞二首

湘江煙水深沙岸隔楓林何處鷓鴣飛日斜斑
竹陰二女虛垂淚三閭枉自沉唯有鷓鴣啼獨
傷行客心

越崗連越井越鳥更南飛何處鷓鴣啼夕煙東
嶺歸嶺外行人少天涯北客稀鷓鴣啼別處相
對淚霑衣

牧童詞

朝牧牛牧牛下江曲夜牧牛牧牛向邨谷荷蓑

出林春雨細蘆管卧吹莎草綠亂插蓬蒿箭滿
腰不怕猛虎欺黃犢

竹枝詞

荊門灘急水潺潺兩岸猿啼煙滿山渡頭年少
應官去月落西陵望不還
巫峽雲開神女祠綠潭紅樹影參差不勞戍口
初相問無義灘頭刺別離
石壁千重樹萬重白雲斜掩碧芙蓉昭君溪上
年年月獨自嬋娟色最濃

十二峯頭月欲低空濛灘上子規啼孤舟一夜
東歸客以向春風憶建溪

寄贈伎人

兩行客淚愁中落萬樹山花雨後殘君到揚州
見桃葉為傳風雨過江難

唐彥謙十七首

柳

惹絆風光別有情世間誰敢鬪輕盈楚王江畔
無端種餓殢宮娥學不成

牡丹

真宰多情巧思新固將能事送殘春為雲為雨

徒虛語傾國傾城不在人開日綺霞應失色落
時青帝合傷神嫦娥婺女曾相送留下鷓黃作
菜塵

春雨

綺陌夜來雨春樓寒望王迷遠容迎燕戲亂響隔
鶯啼有限開蘭室無言對李蹊花歌渾拂檻柳
重欲垂堤燈檠昏魚目薰爐咽麝臍別輕天北
鶴夢怯汝南鷄入戶侵羅幌梢簷潤繡題新豐
樹已失長信草初齊亂蝶寒猶舞驚鳥暝不栖
庾郎盤馬地却怕有春泥

秋晚高樓

松拂疎窓竹映欄素琴幽怨不成彈清霄霽極
雲離岫紫禁風高露滿盃晚蝶飄零經宿雨暮
鷗凌亂報秋寒高樓瞪目歸鴻遠始信嵇康欲
畫難

寄難八

上巳接寒食鶯花寥落辰微微潑火雨草草踏
青人涼似三秋景清無九陌塵伯輿同病者對
此合傷神

長溪秋望

柳暗沙長溪水流雨微煙暝立溪頭寒鴉閃閃
前山去杜曲黃昏獨自愁

暗一作短

離鸞

聞道離鸞思故鄉也知情願嫁王昌塵埃一別
楊朱路風月三年宋玉墻下疾不成雙點淚斷
多難到北迴腸庭前佳樹名梔子試結同心寄
謝娘

曲江春望

杏艷桃嬌奪晚霞樂遊無廟有年華漢朝冠蓋
皆陵墓十里宜春下苑花

柳

春思春愁一萬枝遠村遙岸寄相思西園有雨
和苔長南內無人拂檻垂遊客寂寥緘遠恨暮
鶯啼叫惜芳時晚來飛絮如霜髮恐為多情管
別離

春陰

一寸迴腸百慮侵旅愁危涕兩爭禁天涯已有
銷魂別樓上寧無攤鼻吟感事不關河裡笛傷
心應倍雍門琴春雲更覺愁於我閑蓋低村作
暝陰

春深獨行馬上有作

日烈風高野草香
百花狼籍柳披猖
連天瑞靄千門遠
夾道新陰九陌長
衆飲不懽逃席酒
獨行無味放游韁
年來與問閑遊者
若箇傷春向路傍

寄蔣二十四

烏轉蜂飛日漸長
旅人情味悔思量
禪門澹泊無心地
世事生疎欲面牆
二月雲煙迷柳色
九衢風土帶花香
大知高士禁愁寂
試倚欄干莫斷腸

漢代

漢代金為屋
吳宮綺作寮
艷詞傳靜婉
新曲定嬌饒
箭響猶殘夢
籤聲報早朝
鮮明臨曉日
迴轉度春宵
半袖籠清鏡
前絲壓翠翹
靜多如有待
閑極似無憍
梓澤花猶滿
靈和柳未彫
障昏巫峽雨
屏掩浙江潮
未信潘名岳
應疑史姓蕭
漏因歌暫斷
燈為雨頻挑
飲酒闌三雅
投壺賽百嬌
鈿蟬新翅重
金鴨舊香焦
水淨疑澄練
霞孤欲建標
別隨秦杜
但愁為蜀玄
么玄晏難瘳痺
臨邛但發瘳
聯詩徵弱絮
思友詠甘蕉
王氏

憐諸謝周郎定小喬
繡幃翹綵雉波扇畫文鯨
苻密妨垂釣荷歌欲渡橋
不因衣帶水誰覺路迢迢

春殘

景為春時短愁隨別夜長
暫暮寧號隱輕醉不成鄉
風雨曾通夕莓苔有衆芳
落花如便去樓上即河梁

小院

小院無人夜煙斜月轉
明清宵易惆悵不須有
離情

寄懷

有客傷春復怨離夕陽
亭畔草青時淚隨紅蠟
無由制腸比朱絃恐更危
梅向好風唯是笑柳因微
雨不勝垂雙溪未去饒
歸夢夜夜孤眠枕獨歌

玫瑰

麝炷騰清燎鮫紗覆綠
蒙宮粧臨曉日錦段落
東風無力春煙裏多愁
暮雨中不知何事意深
淺兩般紅

才調集卷第六





才調集卷第七



古律雜歌詩一百首

李宣古一首



聽蜀道士琴歌

至道不可見正聲難得聞
 忽逢羽客抱綠綺西
 別峨眉峯頂雲初排
 面躡輕響似擲細珠鳴
 玉上忽揮素爪畫七絃
 蒼崖劈烈迸碎泉憤聲
 高怨聲咽屈原叫天兩
 妃絕朝雉飛雙鶴離屬
 夜啼獨鶩悲吹我神飛
 碧霄裏牽我心靈入
 秋水有如驅逐太古來
 邠淫避蕩貞心開孝為



子忠為臣不獨語言能教人前弄嘯後弄嘯一
舒一慘非冬春從朝至暮聽不足相將直說瀛
洲宿更深彈罷背孤燈聽雪蕭蕭打寒竹人間
豈合值仙蹤此別多應不再逢抱琴却上瀛洲
去一片白雲千萬峯

王渙十三首

惆悵詩

八蠶薄絮鴛鴦綺半夜佳期並枕眠鐘動紅娘
喚歸去對人勻淚拾金鈿
李夫人病已經秋漢武看來不舉頭得所濃華

銷歇盡楚魂湘血一生休

謝家池館花籠月蕭寺房廊竹颭風夜半酒醒
憑檻立所思多在別離中

隋師戰艦欲亡陳國破應難保此身訣別徐郎
淚如雨鑑鸞分後屬何人

七夕瓊筵隨事陳蓼花連蒂共傷神蜀王殿裏
三更月不見驪山私語人

夜寒春病不勝懷玉瘦花啼萬事乖薄倖檀郎
斷芳信驚嗟猶夢合歡鞋

嗚咽離聲管吹秋妾身今日為君休齊奴不說

平生事忍看花枝謝玉樓

青絲一路隨雲鬢金剪刀鳴不忍看持謝君王
寄幽怨可能從此住人間

陳宮興廢事難期三閣空餘綠草基狎客淪亡
麗華死他年江令獨來時

晨華重來路已迷碧桃花謝武陵溪仙山目斷
無尋處流水潺湲日漸西

少卿降北子卿還朔野離觴慘別顏却到茂陵
唯一慟節毛零落髮毛斑

夢裏分明入漢宮覺來燈背錦屏空紫臺月落

關山曉腸斷君恩信盡工

悼亡

春來得病夏來加深掩粧窓卧碧紗為怯暗藏
秦女扇怕驚愁度阿香車腰肢暗想風欺柳粉
態難忘露洗花今日青門葬君處亂蟬衰草夕
陽斜

岑參四首

首蓓峯寄家人

首蓓峯邊逢立春胡蘆河上泪沾巾閨中只是
空相憶不見沙場愁殺人

玉關寄長安主簿

東去長沙萬里餘，故人何惜一行書。
玉關西望腸堪斷，况復明朝是歲除。

逢入京使

故園東望路漫漫，雙袖龍鍾淚不乾。
馬上相逢無紙筆，憑君傳語報平安。

春夢

洞房昨夜春風起，遙憶美人湘江水。
枕上片時春夢中，行盡江南數千里。

賈曾一首

有所思

洛陽城東桃李花，飛來飛去落誰家。
幽閨女兒愛顏色，坐見落花長歎息。
今歲花開君不待，明年花開復誰在。
故人不共洛陽東，今來空對落花風。
年年歲歲花相似，歲歲年年人不同。

許渾二十二首

金谷園桃花

花在舞樓空，年年一番紅。
淚光停曉露，愁態倚春風。
開日妾先死，落時君亦終。
東流三兩片，應到夜泉中。

洛陽道中

洛陽多舊跡一日幾人愁
風起禁花晚月明宮樹秋
興亡不可問自古水東流

塞下曲

夜戰桑乾雪秦兵半不歸
朝來有鄉信猶自寄征衣

放猿

殷勤解金鎖別夜雨淒淒
山淺憶巫峽水寒思建溪
遠尋紅樹宿深入白雲啼
好覓南歸路煙蘿莫自迷

郊園秋日寄洛中友人

楚水西來天際流感時傷別思悠悠
一罇酒盡青山暮千里書迴碧樹秋
日落遠波驚宿雁風吹輕浪起眠鷗
嵩陽親友誰相念潘岳閑居欲白頭

春望

南樓春一望雲水共昏昏
野店歸山路危橋帶郭村
晴煙和柳色夜雨漲溪痕
下岸誰家住殘陽半掩門

穎州從事西湖亭讌餞

西湖清讌不知迴一曲離歌酒一盃城帶夕陽
聞鼓角寺臨秋水見樓臺蘭堂客醉蟬猶噪桂
檝人稀鳥自來獨想征帆去鞏洛此中霜菊正
花開

南遊泊船江驛

漠漠故宮地月涼雲水幽鷄鳴荒戍晚鴈過古
城秋楊柳北歸路蕪葭南渡舟去鄉今已遠更
上望京樓

經段太尉廟

徒想追兵緩翠華古碑荒廟閉松花紀生不向

滎陽死可有山河屬漢家

寓懷

南國浣紗伴盈盈天下妹盤金明繡帶動珮響
羅襦素手怨瑤瑟清心悲玉壺春花坐搖落爭
忍嫁狂夫

題潼關西蘭若

東往幾經過前山枕大河遠帆春水闊高寺夕
陽多蝶影下紅藥鳥聲喧綠蘿故鄉歸未得徒
詠採芝歌

虞元長者永興公之後工書屬文近從

軍河中奉使宣猷因贈

吳門風水各萍流，月滿花開嬾獨遊。
萬里山川分曉夢，四隣歌管送春愁。
昔年顧我長青眼，今日逢君已白頭。
莫向樽前悲易水，古來投筆盡封侯。

凌歊臺

宋祖凌歊樂未回，三千歌舞宿層臺。
湘潭雲盡暮山出，巴蜀雪消春水來。
行殿有基荒薺合，寢園無主野棠開。
百年便作萬年計，巖畔古碑空綠苔。

咸陽城東樓

一上高城萬里愁，蒹葭楊柳似汀洲。
溪雲初起日沉閣，山雨欲來風滿樓。
烏下綠蕪秦苑夕，蟬鳴黃葉漢宮秋。
行人莫問當年事，故國東來渭

水流

一作行人莫問前朝事
清水寒光晝夜流

姑熟官舍

草生官舍似閑居，雪照南窓滿案書。
貧後始知為吏拙，病來還喜識人疎。
青雲豈有窺梁燕，濁水應無避釣魚。
不待秋風便歸去，紫陽山下是吾廬。

凌歊臺送韋秀才

雲起高臺日未沉
數村殘照半巖陰
野蠶成繭桑柘盡
溪鳥引雛蒲稗深
帆勢依依投極浦
鐘聲杳杳隔前林
故山迢遞故人去
一夜月明千里心

南庭夜坐貽開元禪定二道者

暮暮焚香何處宿
西巖一室映踈藤
光陰難駐跡如客
寒暑不驚心是僧
高樹有風聞夜磬
遠山無月見秋燈
身閑境靜日為樂
若問自餘非我能

秋日早朝

宵衣應待絕更籌
環珮鏘鏘月下樓
井轉轆轤千樹曉
門開閭闔萬山秋
龍旗盡列趨金殿
雉扇纔分拜玉旒
虛戴鐵冠無一事
滄江歸去老漁舟

題勤尊師歷陽山居 并序

師即思齊之孫頃為故相國蕭公錄用相國致政尊師亦自邊將入道因贈是詩

二十知兵在羽林中
年潛識子房心
蒼鷹出塞胡塵滅
靜一作白鶴還鄉
楚水深春坼酒瓶
浮藥

氣晚攜碁局帶松陰雞籠山上雲多處自斷黃
精不可尋

淮陰阻風寄楚州韋中丞

垂釣荆江欲白頭江魚堪釣却西游劉伶臺下
稻花晚韓信廟前楓葉秋淮月未明先倚檻海
雲初起更維舟河橋有酒無人醉獨上高城望
庾樓

油蔚一首

贈別營妓卿卿

時為淮南幕
職奉使塞北

憐君無那是多情枕上相看直到明日照絳窓
人去住鷓啼紅粉淚縱橫愁腸只向金閨斷白
髮應送玉塞生為報花時少惆悵此生終不負
卿卿

張祐七首

觀杭州柘枝

舞停歌罷鼓連催軟骨纖蛾暫起來紅罨畫衫
纏腕出碧排方胯背腰回傍妝拍拍金鈴擲却
路聲聲錦初摧看着遍頭香袖摺粉屏香帕又
重隈

周負外席上觀柘枝

畫鼓拖環錦臂攘小娥雙換舞衣裳金絲感霧
紅衫薄銀蔓垂花紫帶長鸞影乍迴頭對舉鳳
聲初歇翅齊張一時歛腕招殘拍斜斂輕身拜
玉郎

觀楊媛柘枝

促疊蠻鼉引柘枝卷簷虛帽帶交垂紫羅衫宛
導身處紅錦靴柔踏節時微動翠蛾拋舊態緩
遮檀口唱新詞看看舞罷輕雲起却赴襄王夢
裏期

感王將軍柘枝妓歿

寂寞春風舊柘枝美人休舞曲停吹鴛鴦鈿帶
拋何處孔雀羅衫付阿誰畫鼓不聞招節拍錦
靴虛想挫腰肢今來座上翻如醉曾見梨園教
徹時

貴家郎

二十便封侯名居第一流綠鬟深小院清管下
高樓醉把金船擲閑敲玉鐙遊帶盟紅鞵鼠袍
斫紫犀牛碧瓦坊牆上朱橋柳巷頭眼前長少
貴那信有春愁

病宮人

佳人卧病動經秋。簾幕縵縵不掛鉤。四體強扶
藤夾膝。雙鬢慵插玉搔頭。花顏有幸君王問。藥
餌無徵待詔愁。惆悵近來銷瘦盡。淚珠時傍枕
函流。

來鵬二首

宛陵送李明府罷任歸江州

菊花村晚鴈來天。共把離盃向水邊。官滿便尋
垂釣侶。家貧已用賣琴錢。浪生益浦千層雪。雲
起爐峯一炷煙。倘見吾鄉舊知己。為言憔悴過
年年。

清明日與友人遊玉塘莊

幾宿春山逐陸郎。清明時節好風光。歸穿綠荇
船頭滑。醉踏殘花屐齒香。風急嶺雲飄迥野。雨
餘田水落方塘。不堪吟罷東回首。滿耳蛙聲正
夕陽。

施肩吾四首

夜宴詞

蘭缸如晝買不眠。玉堂夜起沉香煙。青娥一行
十二仙。欲笑不笑桃花然。碧窓弄嬌粧洗晚戶
外。不知銀漢轉。被郎嗔。罰琉璃盞酒入四支紅。

玉軟

效古詞

姊妹無多兄弟少舉家鍾愛年景小有時繞樹
山鵲飛貪看不行畫眉了

山中得劉秀才京書

自笑家貧客到踈滿庭煙草不能鋤今朝誰料
三千里忽得劉京一紙書

望夫詞

手熟寒燈向影頻回文機上暗生塵自家夫婿
無消息却恨橋頭賣卜人

劉得仁一首

悲老宮人

白髮宮娃不解悲滿頭猶自插花枝曾緣玉貌
君王寵準擬人看似舊時

高駟四首

步虛詞

青溪道士人不識上天下地鶴一隻洞門深鎖
碧窓寒滴露研朱點周易

寫懷二首

漁竿消日酒消愁一醉忘情萬事休却恨韓彭

興漢室功成不向五湖遊
花滿西園月滿池笙歌搖曳畫船移如今暗與
心相約不動征旗動酒旗

風箏

夜靜弦聲響碧空宮商信任往來風依稀似曲
纔堪聽又被風吹別調中

李端一首

代棄嬪答賈客

玉壘城邊爭走馬銅隄市裏共乘舟鳴環動珮
恩能盡掩袖低中淚不流疇昔將歌邀客醉如
今欲舞對君羞忍懷賤妾平生好獨上襄陽舊
酒樓

趙嘏十一首

長安秋望

雲物淒涼拂曙流漢家宮闕動高秋殘星幾點
雁橫塞長笛一聲聾人倚樓紫艷半開籬菊靜紅
衣落盡渚蓮愁鱸魚正美不歸去空戴南冠學
楚囚

長安月夜與友生話故山

宅邊秋水浸苔磯日日持竿去不歸楊柳風多

潮未落蕪葭霜在鴈初飛重嘶匹馬吟紅葉却
聽疎鐘憶翠微今夜秦城滿樓月故人相見一
沾衣

汾上宴別

雲物如故御山川知異路年來未歸客馬上春
色暮一罇花下酒殘日水西樹不待管絃終搖
鞭背花去

曲江春望懷江南故人

杜若洲邊人未歸水寒煙暖想柴扉故園何處
風吹柳新鴈南來雪滿衣目極思隨原草遍浪
高書到海門稀此時愁望情多少萬里春流遶
釣磯

自遣

晚樹疎蟬起別愁遠人回首憶滄洲江連故國
無窮恨日帶殘雲一片秋久客轉語時態薄多
情只共酒淹留到頭生長煙霞者須向煙霞老
始休

新月

玉鉤斜傍畫簷生雲匣初開一寸明何事最能
傷少婦夜來依約落邊城

東望

楚江橫在草堂前，楊柳洲邊載酒船。
兩見梨花歸不得，每逢寒食一潸然。
斜陽映閣山當寺，微綠含風樹滿川。
同郡故人攀桂盡，把詩吟向泐寥天。

寄婦

三年踏盡化衣塵，只見長戈不見春。
馬過雪街天未曙，客迷關路淚空頻。
一作鄉遥雲桃花塢接啼猿寺，
野竹亭通畫鷁津。
早晚粗酬身事了，水邊歸去一閑人。

寒食新豐別友人

一百五日家未歸，新豐雞犬獨依依。
滿樓春色傍人醉，半夜雨聲前計非。
繚繞溝塍含綠晚，荒涼樹石向川微。
東風吹淚對花落，顛顛故交相見稀。

感懷

獨上江樓思眇然，月光如水水如天。
一作連天同來看月人何在，風景依稀似去年。

茅山道中

煙樹重重水亂流，馬嘶殘雨晚程秋。
門前便是

仙山路目送歸鴻不得遊

朱絳一首

春女怨

獨坐紗窓刺繡時
紫荆花下轉黃鸝
欲知無限傷春意
盡在停針不語時

姚倫一首

感秋

試向疎林望方知
節候殊亂聲千葉下
寒影一巢孤不蔽
秋天鴈驚飛夜月烏
霜風與春日幾度
榮枯

劉方平二首

秋夜泛舟

林塘夜泛舟
蛩響荻颼颼
萬影皆因月
千聲各為秋
歲華空復晚
鄉思不堪愁
西北浮雲外
伊川何處流

春怨

紗牕日落漸黃昏
金屋無人見淚痕
寂寞闌庭春欲晚
梨花滿院不開門

陳羽一首

長安卧病秋夜言懷

九重門鑠禁城秋月過南宮漸映樓紫陌夜深
槐露滴碧空雲盡火星流風清刺漏傳三殿甲
第歌鍾樂五侯楚客病來鄉思苦寂寥燈下不
勝愁

薛能三首

遊嘉州後溪

山後經過滿迳蹤隔溪遙見夕陽春當時諸葛
成何事只合終身作卧龍

老圃堂

邵平瓜地接吾廬穀雨乾時偶自鋤昨日春風
欺不在就床吹落讀殘書

銅雀臺

魏帝當時銅雀臺黃花深映棘藜開人生富貴
須回首此地豈無歌舞來

李鄴一首

江上逢王將軍

虬鬚憔悴羽林郎曾入甘泉侍武皇鷗沒夜雲
知御苑馬隨春仗識天香五湖歸去孤舟月六
國平來兩鬢霜惟有栢伊江上笛卧吹三弄送
殘陽

薛逢二首

開元後樂

莫奏開元舊樂章
樂中高曲斷人腸
邠王玉笛三更咽
彌國金車十里香
一自犬戎生薊北
便送征戰老汾陽
中原駿馬搜求盡
沙苑年來草又芳

漢武宮詞

武帝清齋夜築壇
自斟明水醮仙官
殿前童女移香案
庭際金人捧露盤
絳節有時還入夢
碧桃何處更驂鸞
茂陵煙雨埋冠劍
石馬無聲蔓草寒

崔塗一首

讀庾信集

四朝十帝盡風流
建業長安兩醉遊
唯有一篇楊柳曲
江南江北為君愁

項斯一首

蒼梧雲氣

何年化作愁漠漠
便難收數點山能遠
平鋪水不流
濕連湘竹暮濃
蓋舜墳秋亦有思歸客
看來盡白頭

崔峒一首

江上書懷

骨肉天涯別江山日落時
溪流襟上血髮白鏡中絲
胡越書難到存亡夢豈知
登高迴首罷形影自相隨

李宣遠一首

塞下作

秋日并州路黃榆落故關
孤城吹角罷數騎射鵬還
帳幕遙臨水牛羊自下山
征人正垂淚烽火起雲間

陶翰二首

古塞下曲

進軍飛狐北窮寇勢將變
日落沙塵昏背河更一戰
驛馬黃金勒雕弓白羽箭
射殺左賢王歸奏未央殿
欲言塞下事天子不詔見
西出咸陽門哀哀淚如霰

新安江林

江源南去水野飯暫維稍
古戍懸漁網空林露鳥巢
雪晴山脊見沙淺浪痕交
自笑無謀者逢人作解嘲

溫憲三首

春鳩

邨南微雨新平綠
淨無塵散睡柔條
暖閑鳴屋脊
春遠聞和曉夢相應
在諸隣
行樂花時節
追飛見亦頻

郊居

村前村後樹
寓賞有餘情
青麥路初斷
紫花田未耕
雉聲聞不到
山勢望猶橫
寂莫春風裡
吟酣信馬行

杏花

團雪上晴稍紅
明映碧寥店
香風起夜村
白雨休朝靜
落猶和蒂繁
開正蔽條澹
然閑賞久
無以嬌媿

李頻六首

湖口送友人

中流欲盡見湘烟
葦岸無窮接楚天
去雁遠衝雲夢雪
離人獨上洞庭船
風波盡日依山轉
星漢通宵向水連
零落梅花過殘臘
故園歸去醉新年

送友人往太原

離亭聊把酒此路徹邊頭
羣白雁來盡時請人去
遊汾河流晉地塞雪滿并州
明日相思起蕭條上北樓

寄遠

槐欲成陰分袂時君期十日渡金扉
槐今落葉已將盡君向遠鄉猶未歸
化石早曾聞節婦沉湘何必獨靈妃
須知此意同生死不學他人空寄衣

鄂州頭陀寺上方

高寺上方無不見天涯行客思迢迢
西江帆掛東風急夏口城銜楚塞遙
沙渚漁歸多濕網菜林蠶後盡空條
感時歎物尋僧語誰向禪心得寂寥

辭夏口崔尚書

一飯仍難受淹留已半年終期身可報
不擬骨空鑿城曉風高角江春浪起船曾同
栖止地獨去塞鴻前

古意

白馬遊何處青樓日正長
鳳簫拋舊曲鸞鏡嬾新粧
玄鳥空巢語飛花入戶香
雖非竇滔婦錦

字已成章

王駕一首

古意

夫成蕭關妾在吳西風吹妾妾憂夫一行書信
千行淚寒到君邊衣到無

于鵲三首

送客遊塞

若到并州北誰人不憶家塞深無去伴路盡有
平沙磧冷唯逢雁天春不見花莫隨邊將意垂
老事輕車

江南曲

偶向江邊採白蘋閑隨女伴賽江神衆中不敢
分明語暗擲金錢卜遠人

題美人

秦女窺人不解羞攀花趁蝶出牆頭曾前空帶
宜男草嫁得蕭郎愛遠遊

徐寅一首

初夏戲題

長養薰風拂曉吹漸開荷葉落薔薇青蟲也學
莊周夢化作南園蛺蝶飛

才調集卷第七

才調集卷第八

古律雜歌詩一百首

羅隱十七首

偶懷

白丁攘臂犯長安
翠輦蒼黃路屈盤
丹鳳有懷雲外遠
玉龍無主渡頭寒
靜思貴族謀身易
危覺文皇創業難
不將不侯何計是
釣魚船上淚
闌干

桃花

暖觸衣襟漠漠香
間梅遮柳不勝芳
數枝艷拂



文君酒半里紅歌宋玉牆盡日無人疑怨望有
時經雨乍淒涼舊山山下還如此回首東風一
斷腸

中夜夜泊淮口

木葉迎颭水面平偶停孤棹已三更
林涼霧露侵燈下夜靜魚龍逼岸行
歌枕正牽題柱思隔櫻誰轉遠梁聲
錦帆天子狂魂魄應過揚州看月明

所思

西指青雲未有期東歸滄海一何遲
酒闌夢覺不稱意花落月明空所思
長恐病侵多事日可堪貧過少年時
鬪雞走狗五陵道惆悵輸他輕薄兒

梅花

吳王醉處十餘里照野拂衣今正繁
經雨不隨山鳥散倚風疑共路人言
愁憐粉艷飄歌席靜愛寒香撲酒罇
欲寄所思無好信為君惆悵又黃昏

登夏州城樓

寒城獵獵戍旗風獨倚危欄悵望中
萬里山川

唐土地千年魂魄晉英雄
離心不忍聽邊馬往
事應湏問塞鴻好脫儒冠
從校尉一枝長戟六
鈎弓

曲江春感

江頭日暖花又開江東
行客心悠哉高陽酒徒
半零落終南山色空崔嵬
聖代也知無棄物侯
門未必用非才一船明月
一竿竹家在五湖歸
去來

西川與蔡十九同別子超

相歡雖則不多時相別
那能不歛眉蜀客賦高
君解愛楚宮腰細我
還知百年恩愛無終始萬
里因緣有夢思腸斷門
前舊行處不堪全屬五
陵兒

春日題禪智寺

樹遠連天水接空幾年
行樂舊隋宮
花開花謝長如此人
去人來自不同
楚鳳調高何處酒
吳牛蹄健滿車風
思量只合騰騰醉
煮海平陳盡
夢中

綿谷迴寄蔡氏昆仲

一年兩度錦城遊
前值東風後值秋
芳草有情

皆礙馬好雲無處不遮樓山將別恨知心斷水
帶離聲耳入夢流今日不堪回首望古煙高木隔
綿州

憶夏口

漢江渡口闌為舟漢江城下多酒樓芳年不得
盡一醉別夢有時還重遊襟帶可憐吞楚塞風
烟只好狎江鷗月明更想曾行處吹笛橋邊木
葉秋

龍丘東下却寄孫負外

穀江東下幾多程每泊孤舟即有情山色已隨
游子遠水紋猶認主人清恩如海岳何時報恨
似煙花觸處生百尺風帆兩行淚不堪迴首望
崢嶸

金陵夜泊

冷煙輕淡傍衰叢此夕秦淮駐斷蓬栖雁遠鷺
活酒火亂鴉高避落帆風地銷王氣波聲急山
帶秋陰樹影空數代精靈人不見思量應在月
明中

寄前宣州竇尚書

往年西謁謝玄暉樽酒留歡醉始歸曲檻柳濃

鶯未老小園花煖蝶初飛噴香瑞獸金三尺舞
雪佳人玉一圍今日亂離尋不得滿蓑風雨釣
漁磯

牡丹

艷多煙重欲開難紅蕊當心一抹檀公子醉歸
燈下見美人朝插鏡中看當庭始覺春風貴帶
雨方知國色寒日晚更將何所似太真無力凭
欄干

柳

灞岸晴來送別頻相偎相倚不勝春自家飛絮
猶無定爭解垂絲絆得人

煬帝陵

入郭登橋出郭船紅樓日日柳年年君王忍把
平陳業只博雷塘數畝田

李頎一首

· 放歌行荅後弟墨卿

小來好文恥學武世上功名不解取雖沾寸祿
已後時徒欲出身事明主柏梁賦詩不及宴長
楸走馬誰相數斂迹俛眉心自甘高歌擊節聲
半苦由是嗟蛇一老夫養雞牧豕東城隅空歌

漢代蕭相國肯事霍家馮子都徒爾當年聲籍
籍濫作詞林兩京客故人斗酒安陵橋黃鳥春
風洛陽陌吾家令弟才不羈五言破的人共推
興來逸氣如濤湧千里長江歸海時別離短景
何蕭索佳句相思能間作舉頭遙望魯陽山木
葉紛紛向人落

崔顥一首

黃鶴樓

昔人已乘白雲去此地空餘黃鶴樓黃鶴一去
不復返白雲千載空悠悠晴川歷歷漢陽樹春
草萋萋鸚鵡洲日暮鄉關何處是煙波江上使
人愁

干武陵九首

夜與故人別

白日去難駐故人非舊容今宵一別後何處更
相逢過楚水千里到秦山幾重話來天未曉月
落滿城鐘

洛陽道

浮世若浮雲千迴故復新旋添青草塚更有白
頭人歲暮客將老雲晴山欲春行行車馬客不

盡洛陽塵

別友人

行子與秋葉各隨南北風
雖非千里別還阻一
歡同過盡少年日尚如長路蓬
猶為布衣客羞
入故關中

寄北客

窮邊足風慘何處醉樓臺
家去幾千里月圓十
二迴寒旰隨日遠
雪路向城開遊子久無信
年
年空鴈來

洛陽晴望

九陌盡風塵囂々晝復昏
古今人不斷南北路
長存葉落上陽樹
草衰金谷園亂鴉來未已
殘
日半前軒

東門路

東門車馬路此路有浮沉
白日不西落紅塵應
更深從來名利地皆起
是非心所以青青草
年
年生漢陰

長信愁

簾涼秋夜初長信恨何如
拂黛月生指理髮
雲
滿梳一從悲盡扇幾度
泣前魚坐聽南宮樂清

風搖翠裾

有感

青山長寂莫南望獨高歌四海故人盡九原青
冢多西沉浮世日東注逝川波不使年華駐此
生看幾何

勸酒

勸君金屈卮滿酌不須辭花發多風雨人生足
別離

李涉一首

山中

無柰牧童何放牛喫我竹隔林呼不應叫笑如
生鹿欲報田舍翁更深不歸屋

戎昱四首

中秋感懷

八月更漏長愁人起常早閉門寂無事滿院生
秋草昨宵北牕夢入荆南道遠客歸去來在
家貧亦好

聞笛

入夜思歸切笛聲寒更哀愁人不願聽自到枕
前來風起塞雲斷夜深闌月開平明獨惆悵落

畫一庭梅

客堂秋夕

隔牕螢影滅，復流北風微。
兩虛堂秋蟲聲，竟夜引鄉淚。
蟋蟀何自知人愁，四時不得一日樂。
以此方知客遊惡，寂寂江城無所聞。
梧桐葉上偏蕭索。

霽雪

風捲殘雲暮雪晴，江煙洗盡柳條輕。
簷前幾片無人掃，又得書窓一夜明。

韓琮六首

春愁

金烏長飛玉兔走，青鬢長青古無有。
秦娥十六語如弦，未解貪花惜楊柳。
吳魚嶺鴈無消息，水蘭情別來久。
勸君年少莫遊春，暖風遲日濃於酒。

暮春瀆水送別

綠暗紅稀出鳳城，暮雲樓閣古今情。
行人莫聽宮前水流盡，年光是此聲。

駱谷晚望

秦川如畫渭如流，去國還家一望時。
公子王孫

莫來好嶺花多是斷腸枝

公子行

紫袖長衫色銀蟬半臂花帶裝盟水玉鞍繡坐
雲霞別殿承恩澤飛龍賜渥洼控羅青囊轡鏤
象碧重葩意氣傾歌舞闌珊走鈿車袖彰雲縹
縹釵轉鳳歌斜珠卷迎歸箔紅籠晃醉紗唯無
難夜日不得似仙家

二月二日遊洛源

舊苑新晴艸似苔人還香在踏青迴今朝此地
成惆悵已後逢春更莫來

題商山店

商山驛路幾經過未到仙娥見謝娥紅錦機頭
拋皓腕綠雲鬟下送橫波佯嗔阿母留賓客暗
為玉孫換綺羅碧澗門前一條水豈知平地有
天河

李德裕一首

長安秋夜

內官傳詔問戎機載筆金鑾夜始歸萬戶千門
皆寂：月中清露點朝衣

高蟾二首

下第後上永崇高侍郎

天上碧桃和露種日邊紅杏倚雲栽芙蓉生在
煇江上不向東風怨未開

金陵晚眺

曾伴浮雲歸晚翠旋陪落日泛秋聲世間無限
丹青手一片傷心畫不成

高適二首

封丘作

我本漁樵孟諸野一生自是悠悠者乍事狂歌
草澤中寧堪作吏風塵下祇言小邑無所為公

門百事皆有期拜迎官長心欲破鞭撻黎庶令
人悲悲來向家問妻子舉家盡笑今如此生事
應須南畝田世情付與東流水夢想舊山安在
哉為銜君命日遲回乃知梅福徒為爾轉憶陶
潛歸去來

九月九日酬顏少府

簷前白日應可惜籬下黃花為誰有行子迎霜
未授衣主人得錢喜沽酒蘇秦顛顛時多厭蔡
澤恹惶世看醜縱使登高祗斷腸不如獨坐空
搔首

朱慶餘一首

惆悵詩

皇朝王澐十三首內

夢裏分明入漢宮，覺來燈背錦屏空。
紫臺月落關山曉，腸斷君恩信盡工。

曹松三首

長安春日書事

浩浩看花晨六街，楊遠塵中一丈日。
誰是晏眠人，御柳舞著水野鶯啼破春。
徒云還楚計，猶自惜離秦。

九江暮春書事

楊柳城初鎖，歸愁不記重。
春流無舊岸，夜色失諸峯。
影動漁邊火，聲遲語後鐘。
明朝迴去鴈，誰向北郊逢。

古塚

代遠已難問，纍纍次古城。
民田侵不盡，客路踏還平。
作穴蛇分蟄，依岡鹿遠行。
唯應風雨夕，鬼火出林明。

錢起一首

闕下贈裴衣舍人

春城紫陌曉陰，二月黃鸝飛上林。
長樂鐘聲

花外盡龍池柳色雨中深陽和不散窮途恨霄
漢長懸捧日心獻賦十年猶未遇羞將白髮對
華簪

羅鄰九首

牡丹

落盡春紅始見花花時比屋事豪奢買栽池館
恐無地看到子孫能幾家門倚長衢攢綉轂幄
籠輕日護香霞歌鍾對此爭歡賞誰信流年鬢
有華

巴南旅舍言懷

萬浪千巖首未回無慘相倚上高臺家山如畫
不歸去客舍似讎誰遣來紅淚罷窺連曉燭碧
波休引向風盃後時若有青雲望何事偏教羽
翼程

下第呈友人

清世誰能便陸沉相逢休作憶山吟若教仙桂
在平地更有何人肯苦心去國漢妃還似玉亡
家石氏豈無金且安懷抱莫惆悵瑤瑟調高罇
酒深

登凌歊臺

高臺今古境長閑因想興亡自慘顏四海已歸
新雨露六朝空謁舊江山槎翹獨鳥沙汀畔風
通連檣雪浪間好是輪蹄來往便誰人不向此
躋攀

下第

謾把青春酒一盃愁襟寧信灑能開江邊依舊
空歸去帝里還同不到來門掩殘陽唯鳥雀花
飛何處好池臺此時惆悵便堪老何用人間歲
月催

東歸

日日唯憂行役遲東歸可是有家歸都緣桂玉
無門住不筭山川去路非秦樹夢魂春鳥轉吳
江釣憶錦鱗肥桃夭杏艷清明近惆悵當年意
盡違

僕射陂晚望

離人到此倍堪傷陂水蘆花似故鄉身事未知
何日了馬蹄唯覺到秋忙田園牢落東歸晚道
路辛勤北去長却羨無愁是沙鳥雙雙相趁下
斜陽

芳草

廢苑牆南殘雨中似袍顏色正蒙茸微香暗惹
遊人步遠綠纜分闢難縱三楚渡頭長恨見五
侯門外却難逢年々縱有春風便馬跡車輪一
萬重

聞子規

蜀魄千年尚怨誰聲々啼血向花枝滿山明月
東風夜正是愁人不寐時

章竭一首

赫書坑

沙帛煙銷帝業虛關河空鎖祖龍居坑灰未冷

山東亂劉項元來不讀書

李益一首

同崔頌登鶴雀樓

鶴雀樓西百尺檣汀洲雲樹共茫茫漢家簫鼓
空流水魏國山河半夕陽事去千年猶恨但愁
來一日即為長風煙併起思歸望遠目非春亦
自傷

王昌齡三首

長信愁

奉帚平明秋殿開且將團扇共徘徊玉顏不及

寒鴉色猶帶昭陽日影來

採蓮

越女作桂舟還將桂為檝湖上水瀰漫清江初
可涉摘取芙蓉花莫摘芙蓉葉將歸問夫婿顏
色何如妾

閨怨

閨中少婦不曾愁春日凝粧上翠樓忽見陌頭
楊柳色悔教夫婿覓封侯

李嘉祐四首

贈別嚴士元

春風倚棹闔閭城水國春寒陰復晴細雨濕衣
看不見開花滿地落無聲日斜江上孤帆影草
綠湖南萬里情東道倘逢相識問青袍今日誤
儒生

趙南巴留別褚七少府

種田南郭傍春池萬緒無情把釣絲綠竹放侵
行迳裏青山常對捲簾時紛紛花落門空閉寂
寞鶯啼日更遲從此別君千萬里白雲流水憶
佳期

送陸澧還吳中 六言

瓜步寒潮送客楊花暮雨沾衣故鄉南望何處
秋水連天獨歸

送王牧往吉州謁王史君

細草綠汀洲王孫柰薄遊年華初冠帶文體舊
弓裘野渡花爭發春塘水亂流使君憐小阮應
念倚門愁

鄭準四首

代寄邊人

君去不來久悠悠昏又明片心因卜解殘夢過
橋驚聖澤如垂餌沙場會息兵涼風當為我一
一送砧聲

題宛陵北樓

雨來風靜綠蕪鮮凭着朱闌思浩然人語獨耕
燒後嶺鳥飛斜沒望中煙松梢半露藏雲寺灘
勢橫流出浦船若遣謝宣城不死必應吟盡夕
陽川

雲

片、飛來靜又閑樓頭江上復前山飄零盡日
不歸去帖破清光萬里天

寄進士崔魯範

洛陽才子舊交知，別後干戈積詠思。
百戰市朝千里夢，三年風月幾篇詩。
山高鴈斷音書絕，谷背鶯寒變代遲。
會待路寧歸得去，酒樓漁浦重相期。

祖詠一首

七夕

閨女求天女，更闌意未闌。
玉庭開粉席，羅袖捧金盤。
向月穿針易，臨風整線難。
不知誰得巧，明月試看看。

吉師老四首

題春夢

故國歸路賒，春晚在天涯。
明月夜來夢，碧山秋到家。
開窓聞落葉，遠墅見晴鴉。
驚起曉庭鶯，啼桃杏花。

看蜀女轉昭君變

妖姬未著石榴裙，自道家連錦水濱。
檀口解知千載事，清詞堪嘆九秋文。
翠眉颯處楚邊月，畫卷開時塞外雲。
說盡綺羅當日恨，昭君傳意向文君。

放猿

放爾千山萬水身野泉晴樹好為鄰啼時莫向
瀟湘岸明月清風有旅人

鴛鴦

江島濛濛烟靄微綠蕪深處刷毛衣渡頭驚起
一雙去飛上文君舊錦機

盧弼七首

薄命妾

君恩已斷盡成空追想嬌歡恨莫窮長為薜花
光曉日誰知團扇送秋風黃金買賦心徒切清
路飛塵信莫通閑凭玉欄思舊事幾回春暮泣

殘紅

聞鴈

秋風蕭瑟靜埃氛邊鴈迎風響咽羣瀚海應嫌
霜下早湘川偏愛草初薰蘆洲宿處依沙岸榆
塞飛時度晚雲何處最添羈客恨竹牕殘月酒
醒聞

秋夕寓居精舍書事

葉滿苔階杵滿城此中多恨、難平踈簷看織
蟬蛸網暗隙愁聽蟋蟀聲醉卧欲拋羈客思夢
歸偏動故鄉情覺來獨步長廊下半夜西風吹

月明

客李秀才邊庭四時怨

春

春風昨夜到榆關故國煙花想已殘
少婦不知歸不得朝、應上望夫山

夏

盧龍塞外草初肥鴈乳平燕曉不飛
鄉國近來音信斷至今猶自着寒衣

秋

八月霜飛柳變黃蓬根吹斷雁南翔
隴頭流水

關山月泣上龍堆望故鄉

冬

朔風吹雪透刀瘢飲馬長城窟更寒
半夜火來知有敵一時齊保賀蘭山

竇鞏一首

寄南遊兄弟

書來不報幾時還知在三湘五嶺間
獨立衡門秋水闊寒鴉飛去日銜山

韓偓五首

小隱

借得茅齋嶽麓西擬將身世老鋤犁清晨向市
烟舍郭寒夜歸邨月照溪爐為牕明僧偶坐松
因雪折鳥驚啼靈椿朝茵由來事却笑莊生始
欲齊

贈易卜崔江處士

白首窮經通秘義青山養老度危時門傳組綬
身能退家學樵漁跡更奇四海盡聞龜策妙九
霄堪嘆鶴書遲壺中日月將何用借與閑人試
一窺

殘春旅舍

旅舍殘春宿雨晴恍然心地憶咸京樹頭蜂抱
花鬚落池面魚吹柳絮行禪伏詩魔歸淨域酒
衝愁陣出奇兵兩梁免被塵埃污拂拭朝簪待
眼明

夜深

清江碧草兩悠悠各自風流一種愁正是落花
寒食雨夜深無伴倚空樓

寄鄰莊道侶

聞說經旬不啓閤藥窓誰伴醉開顏夜來雪壓
前邨竹剩見溪南數尺山

杜荀鶴八首

春宮怨

早被嬋娟誤欲粧
臨鏡慵承恩不在
貌教妾若為容
風暖鳥聲碎日高
花影重年々越溪
女相憶採芙蓉

經九華費徵君墓

凡弔先生者多傷
荆棘間不知三尺
墓高却九華山
天地有何外子孫
無亦閑當時若徵
起未必得身還

冬末同友人泛瀟湘

殘臘泛舟何處好
家多吟興是瀟湘
就船買得魚偏美
踏雪沽來酒倍香
猿到夜深啼岳麓
雁知春近別衡陽
與君剩採江山景
裁取新詩入帝鄉

山中寄詩友

山深長恨少同人
覽景無時不憶君
庭果自從霜後熟
野猿頻向屋邊聞
琴臨秋水彈明月
酒就東山酌白雲
仙桂萼攀合得平
生心力盡於文

溪興

杜荀鶴八首

春宮怨

早被嬋娟誤欲粧
臨鏡慵承恩不在貌
教妾若為容
風暖鳥聲碎日高花影重
年年越溪女相憶採芙蓉

經九華費徵君墓

凡吊先生者多傷荆棘間不知三尺墓高却九華
山天地有何外子孫無亦閑當時若徵起未必得身還

冬末同友人泛瀟湘

殘臘泛舟何處好
家多吟興是瀟湘
就船買得魚偏美
踏雪沽來酒倍香
猿到夜深啼岳麓
雁知春近別衡陽
與君剩採江山景
裁取新詩入帝鄉

山中寄詩友

山深長恨少同人
覽景無時不憶君
庭果自從霜後熟
野猿頻向屋邊聞
琴臨秋水彈明月
酒就東山酌白雲
仙桂萸攀合得平生心力盡
於文

溪興

雲空仙境日月外帝鄉烟霧中人間足煩暑欲
去戀清風

崔魯一首

暮春對花

病香無力被風欺多在青苔少在枝馬上行人
莫回首斷君腸是欲殘時

才調集卷第八



宋

才調集卷第

古律雜歌詩一百首

劉高一首

秋夜聽巖紳巴童唱竹枝歌

巴人遠送荆江客回首荆山楚雲隔思歸夜唱
竹枝歌庭槐葉落秋風多曲中歷歷叙鄉思鄉
思綿綿楚詞古身騎吳牛不畏虎手提蓑笠欺
風兩揀啼日暮江岸邊綠林連山水連天來時
十三今十五一成新衣已再補鴻鴈南飛報隣
伍在家歡樂辭家苦天晴露白鐘漏遲淚痕滿



面看竹枝曲終寒竹風裏一西方日落東方曉
長孫佐輔二首

尋山家

獨訪山家歇還涉茅屋斜連隔松葉主人聞語
未開門繞籬野菜飛黃蝶

南中客舍對雨送故人歸北

猿聲啾啾雁聲苦卷簾相對愁不語幾年客吳
君在楚况送君歸我猶阻家書作得不忍封北
風吹斷堦前雨

朱倣二首

秣陵送客入京

秣陵春已至君去學歸鴻綠水琴聲切青袍草
色同烏喧金谷樹花滿夕陽宮日日相思處江
邊楊柳風

江上送別

浦邊新見柳搖時北客相逢只自悲惆悵空知
思後會艱難不敢料前期行看漢月愁征戰共
折江花悲別離向夕孤城分首處寂寥橫笛為
君吹

王表二首

清明日登城春望寄大夫使君

春城閑望愛晴天何處風光不眼前
寒食花開千樹雪清明日出萬家煙
興來促席唯同舍醉後狂歌盡少年
聞說鷓鴣啼却惆悵詩成不見謝
臨川

成德樂

趙女乘春上畫樓一聲歌發滿城秋
無端更唱關山曲不是征人亦淚流

張安石二首

玉女詞

綺薦銀屏空積塵柳眉桃臉暗銷春
不須更學陽臺女為雨為雲惹惱人

苦別

向前不信別離苦而今自到別離處
兩行粉淚紅闌干一朵芙蓉帶殘露

張諤一首

還京

朱紱臨秦望皇華赴洛橋文章南渡越
書奏北歸朝樹入江雲盡城銜海月
遙秋風將客思川上晚蕭蕭

于瀆三首

古宴曲

雉扇合蓬萊朝車回紫陌重門集嘶馬言宴金
張宅燕娥奉卮酒低鬟芳無力十戶手胼胝鳳
凰釵一隻高樓齊下視日照羅衣色笑指負薪
人不信生中國

思歸引

不耕南畝田為愛東堂桂身同樹上花一落又
經歲交親日相薄知己恩潛替日開十二門自
是無歸計

苦辛吟

龍墀上扶犁牛兒手種腹長飢窓下擲梭女手織身
無衣我願燕趙姝化為嫫母姿一笑不直錢自
慙家國肥

胡曾九首

寒食都門作

二年寒食住京華寓目春風萬萬家金絡馬銜
原上草玉顏人折路傍花軒車竟出紅塵外冠
蓋爭回白日斜誰念都門兩行淚故園寥落在
長沙

薄命妾

阿嬌初失漢皇恩，舊賜羅衣亦罷熏。
欹枕夜悲金屋雨，卷簾朝泣玉樓雲。
宮前葉落鴛鴦瓦，架上塵生翡翠裙。
龍騎不巡時漸久，長門空掩綠苔紋。

獨不見

玉關一自有氛埃，年少從軍竟未回。
門外塵凝張樂榭，水邊香滅按歌臺。
空殘月夜人何處，簾捲春風燕復來。
萬里寂寥音信絕，寸心爭忍不成灰。

交河塞下曲

交河水薄日遲遲，漠將思家感別離。
塞北草生蘇武泣，隴西雲起李陵悲。
曉侵雉堞烏先覺，春入關山鴈獨知。
何處疲兵心欲苦，夕陽樓上逐聲告。

車遥遥

自從車馬出門朝，便入空房守寂寥。
玉枕夜殘魚信絕，金鈿秋盡鴈書遙。
臉邊楚雨臨風落，頭上秦雲向日銷。
芳草又衰還不至，碧天霜冷轉無憐。

早發潛水驛謁郎中負外

半牀秋月一聲雞萬里行人費馬蹄青野霧銷
凝晉洞碧山煙散避秦溪樓臺稍辨烏城外更
漏微聞鶴柱西已是大仙憐後進不應來向武
陵迷

贈漁者

不媿人間萬戶侯子孫相繼老扁舟往來南越
諳蛟室生長東吳識蜃樓自為釣竿能遣悶不
目萱艸解銷憂羨君獨得逃名趣身外無機任
白頭

自嶺下泛鷁到清遠峽作

乘舡沈鷁下韶江絕境方知在嶺南薜荔兩餘
山自黛蕪葭煙盡島如藍旦遊蕭帝新松寺夜
宿嫦娥桂影潭不為篋中書未獻便來茲地結
茅庵

題周瑜將軍廟

共說生前國步難山川龍戰血漫漫交鋒魏帝
旌旂退委質吳王社稷安庭際兩餘春草長廟
前風起晚花殘功勳碑碣今何在不得當時一
字看

李羣玉二首

同鄭相并歌姬小飲因以贈獻

裙拖八幅湘江水髮篸巫山一片雲風格只應
天上有歌聲豈合世間聞曾前瑞雪燈斜照眼
底桃花酒半醺不是相如怜賦客肯教客易見
文君

戲贈姬人賦尖字韻

骰子巡拋裏手拈無因得見玉纖纖但知謔道
金釵落圖向人前露指尖

顧非熊一首

秋日陝州道中作

孤客秋風裏驅車出陝西關河午時路村落一
聲雞樹勢標秦遠天形到岳低誰知我名姓來
往自淒淒一作

素不約二首

長安夜遊

鳳城連夜九門通帝女皇妃出漢宮千乘寶車
珠箔捲萬條銀燭碧紗籠歌聲緩過青樓月香
靄潛來紫陌風長樂曉鐘歸騎後遺簪墮珥滿
街中

病宮人

佳人卧病動經秋，
簾幕繾綣不挂鉤。
四體強扶藤夾膝，
雙環慵插玉搔頭。
花顏有幸君王問，
藥餌無徵待詔愁。
惆悵近來銷瘦盡，
淚珠時傍枕函流。

吳商浩八首

巫峽聽猿

巴江猿嘯苦嚮音，
入客舟中孤枕破。
殘夢三聲隨曉風，
連雲波澹澹。和霧雨濛濛，
巫峽去家遠，不堪魂斷空。

秋塘曉望

鐘盡疎桐散曙鴉，
古山煙樹隔天涯。
西風一夜秋塘曉，
零落幾多紅藕花。

水樓感事

高柳蜚啼兩後秋，
年光空感淚如流。
滿湖菱荇東歸晚，
閑倚南軒盡日愁。

長安春贈友人

繁華堪泣帝城春，
粉堞青樓勢礙雲。
花對玉鉤簾外發，
歌飄塵土路邊聞。
幾多遠客魂空斷，
何處王孫酒自醺。
各有歸程千萬里，
東風時節恨。

離羣

宿山驛

文戰何堪功未圖
又驅羸馬指天衢
露華凝夜渚
蓮盡月彩滿輪山
驛孤岐路辛勤終日有鄉
關音信隔年無
好同范蠡扁舟興
高挂一帆歸五湖

塞上即事

身似星流跡似蓬
玉關孤望杳溟濛
寒沙萬里平鋪月
曉角一聲高繞風
戰士歿邊魂尚尖
單于獵處燒猶紅
分明更想殘宵夢
故國依然到

涌東

北邙山

北邙山草又青青
今日銷魂事可明
綠酒春未歇
白楊風起柳初晴
岡原旋葬松新長
年代無人闕
半平堪取金爐火
還藥不能隨夢向浮生

泊舟

身逐烟波魂自驚
木蘭舟上一帆輕
雲中有寺在何處
山底宿時聞磬聲

梁鎧一首

代征人妻喜夫還

狂夫走馬發漁陽，少嬾含嬌開洞房。
千日廢臺還挂鏡，數年空面再新粧。
春風喜出今朝戶，明月
虛眠昨夜牀。莫道幽閨
還衣摠是舊時香。

賀知章一首

柳枝詞

碧玉裝成一樹高，萬條垂下綠絲絛。
不知細葉誰裁出，二月春風是剪刀。

張蠟四首

錢塘夜宴留別郡守

四方騷動一州安，夜列樽罍伴客歡。
感粟調高山閣迥，蝦蟆更促海城寒。
屏間佩響藏歌妓，幙外刀光立從官。
沉醉不愁歸棹遠，曉帆吹上子陵灘。

長安春望

明時不敢卧烟霞，又見秦城換物華。
殘雪未銷雙鳳闕，新春已發五侯家。
甘貧祗擬長絨酒，忍病猶期強探花。
故國別來桑柘盡，十年兵踐海西槎。

叙懷

月裡路從何處上江邊身合幾時歸十年九陌
寒風夜夢掃蘆花絮客衣

題嘉陵驛

嘉陵路惡石和泥行到長亭日已西獨倚欄干
正惆悵海棠花裏鷓鴣啼

劉象七首

春夜二首

幾處兵戈阻路歧憶山心切與山違時難何處
披懷抱日日斜空醉歸

一別杜陵歸未期祇憑魂夢接親知近來欵睡
兼難睡夜夜夜深聞子規

曉登迎春閣

朱櫺憑欄眺錦城烟籠萬井二江明香風滿閣
花盈樹樹樹梢啼曉鶯

早春池亭獨遊三首

春意送殘晴春晴融小洲蒲茸纔簇岸柳類已
遮樓便有悲傷興可攄羈旅愁鳧鷖亦相狎盡
日戲清流

清流環綠篠清景媚虹橋鶯刷初遷羽莎擬

折苗細沙摧暖岸淑景動和颺倍憶同袍侶相
懽倒一醵

一瓢懽自足一日興偏多幽意人先賞竦叢蝶
未過知音新句苦窺沼醉顏醜萬慮從相擬今
朝欲柰何

白鬢

到處逢人求至藥幾回染了又成絲素絲易染
鬢難染墨翟當時含笑鬢

戴司顏二首

江上雨

非不欲前去此情非自由星辰照何處風雨送
涼秋寒鎖空江夢聲隨黃葉愁蕭蕭猶未已早
晚出蘋洲

塞上

空磧晝蒼茫沙腥古戰場逢春多霰雪生計在
牛羊冷角吹鄉淚乾榆落夢牀從來山水客誰
謂到漁陽

沈彬一首

秋日

秋含砧杵搖斜陽笛引西風顛氣涼薜荔惹煙

籠蟋蟀菱荷翻雨潑鴛鴦當年酒賤何妨醉今日時難不易狂腸斷舊遊送一別潘安惆悵滿頭霜

李賀一首

七夕

別浦今朝暗羅帷午夜愁鵲辭穿線月花入曝衣樓天上分金鏡人間望玉鈎錢塘蘇小小更值一年秋

嚴維一首

秋夜船行

扁舟時屬暝月上有餘輝海燕秋還去漁人夜不歸中流何寂寂孤棹也依依一點前邨火誰家未掩扉

韓翃一首

寒食

春城無處不開花寒食東風御柳斜日暮漢宮傳蠟燭青煙散入五侯家

熊皎一首

早梅

江南近臘時已亞雪中枝一夜欲開盡百花猶

未知人情皆共惜天意不教遲莫訝無濃艷芳
迨正好吹

張喬三首

楊花落

北斗南回春物老紅英落花綠尚早韶風澹蕩
無所依偏惜垂楊作春好此時可憐楊柳花縈
盈艷曳滿人家人家女見出羅幙淨掃玉除看
花落寶環纖手捧更飛翠羽輕裙承不着歷
瑤琴舞袖陳飛紅拂黛憐玉人東園桃李芳已
歇猶有楊花嬌暮春

送友人歸宜春

落花蕪柳絮無處不紛紛遠道空歸去流鶯獨
自聞野橋喧碓水山郭入樓雲故里南陵曲秋
期更送君

送進士許崇

離鄉積歲年歸路遠依然夜火山頭市春江樹
杪舩干戈愁髮改瘴癘喜家全何處營甘旨潮
濤浸漢田

陳陶一首

寄兵部任皖郎中

常思劍浦別清塵
萱蔻花紅十二春
崑玉已成廊廟器
澗松猶是薜蘿身
雖同橘柚依南土
終仰魁岡近北辰
好向昌時薦遺逸
莫教千古吊靈均

張謂一首

杜侍御送貢物戲贈

銅柱朱崖道路難
伏波橫海舊登壇
越人自貢珊瑚樹
漢使何勞獬豸冠
疲馬山中愁日晚
孤舟江上畏春寒
由来此貨稱難得
多恐君王不忍看

鄭常一首

寄常逸人

羨君無外事
日與世情違
地僻人難到
溪深鳥自飛
儒衣荷葉老
野飯藥苗肥
疇昔江湖意
而今憶共歸

崔峒一首

題崇福寺禪師院

僧家競何事
掃地與焚香
清磬度山翠
閑雲來竹房
身心塵外遠
歲月坐中長
向晚禪堂閉
無人空夕陽

李洞一首

喜鸞鳥自蜀歸

禁院閉生臺尋師別綠槐寺高猿看講鍾動鳥
知齋掃石月盈筵瀉泉花滿節歸來逢聖節吟
步上堯階

李端一首

巫山高

巫山十二重皆在碧虛中迴合雲藏日霏微雨
帶風猿聲寒度水樹色暮連空愁向高唐去千
秋見楚宮

江為一首

江行

越信隔年稀孤舟幾夢歸月寒花露重江晚水
煙微峯直帆相望沙空鳥自飛何時洞庭上春
雨滿蓑衣

裴度一首

中書即事

有意效承平無功益聖明灰心緣忍事霜鬢為
論兵道直身還在恩深命轉輕鹽梅非擬議葵
霍是平生白日長懸照蒼蠅謾發聲嵩陽舊田

地終使謝婦耕

陳上美一首

咸陽有懷

山連河水碧氛氳瑞氣東移擁聖君秦苑有花
空笑日漢陵無主自侵雲古槐堤上鷺千疇遠
渚沙中路鳥一群賴與澗明同把菊煙郊西望夕
陽曛

姚合七首

遊宜義池亭

春入池亭好風光暖更鮮尋芳行不困逐勝坐
還遷細草亂如髮幽禽鳴似絃苔文翻古篆石
色學秋天花落能漂酒萍開解避舡暫來還差
疾久住合成仙迸筍堵階起垂藤壓樹偏此生
應借看自計買無錢

遊陽河岸

終日遊山困今朝始傍河尋芳愁路盡逢景畏
人多鳥語催沽酒魚來似聽歌醉時眠石上肢
體自婆娑

窮邊詞二首

將軍作鎮古沂州水臙山春節氣柔清夜滿城

絲管散行人不信是邊頭

又

箭利弓調四鎮兵
蕃人不敢近東行
沿邊千里
渾無事准見平安火入城

寄王度

顛賴王居士顛狂不稱時
天公與貧病時輩復
輕欺茅屋隨年賃
盞逐日移棄嫌官似夢珍
重酒如師無竹栽
蘆看思山疊石為靜聽
田客話古寺覓僧棋
瘦馬寒來死羸童
餓得癡唯應
尋阮籍心事遠相知

寄王玄伯

夜歸曉出滿衣塵
轉覺才名帶累身
莫覓舊來
終日醉世間杯酒屬閑人

聞蟬

未秋吟便苦半咽
半隨風禪客心應亂
愁人耳
願龍耳雨晴烟樹裏
日晚古城中
遠思應難盡
誰當與我同

楊守一首

贈舍弟

秦雲蜀浪兩堪愁
爾養晨昏我遠憂
千里客心

難寄夢兩行鄉淚為君流
早驅風雨知龍聖
餓食魚蝦覺虎羞
袖裏鎔錐光似水
丈夫不合等閑休

王昌齡二首

塞上行

秦時明月漢時關
萬里長征人未還
但使龍城飛將在
不教胡馬渡陰山

少年行

走馬遠相尋
西樓下夕陰
結交期一劍
留意贈千金
高閣歌聲遠
重關柳色深
夜閑須盡醉
莫負百年心

負百年心

于鵠二首

送唐中丞入道

年老功臣乞罷兵
玉階匍匐進雙旌
朱門鴛瓦為仙觀
白領狐裘出帝城
侍婢休梳宮樣髻
閣童新改道家名
到時漫髮春泉裏
猶夢紅樓簫鼓聲

送宮人入道

十載吹簫入漢宮
看修水殿種芙蓉
自傷白髮辭金屋
喜戴黃冠向雪峯
解語老猿開曉戶
引

雛飛鶴下高松定知別後宮中伴
遙聽緱山半
夜鍾

陳羽一首

冬晚送友人使西蕃

驛使向天西
巡羗復入氐
玉關晴有雪
砂磧雨無泥
落淚軍中笛
驚眠塞上雞
逢春鄉思苦
萬里草萋萋

僧貫休三首

野田黃雀行

高樹風多吹爾巢
落深蒿葉暖宜爾
依泊莫近鵲
類蛛網亦惡飲
野田之清水
食野田之黃粟
深花中睡埽土
裏浴如此即全
勝啄太倉之穀
而更穿人屋

夜夜曲

蟪蛄切切風騷騷
芙蓉噴香蟾蜍高
孤煙耿耿征婦勞
更深撲落金錯刀

行路難

君不見山高海深人不測
古往今來轉清碧
淺近輕清莫與交
地卑只解生荆棘
誰道黃金如糞土
張耳陳餘斷消息

斷一作杏
行路難行路難君

自看

僧尚顏二首

秋夜吟

梧桐兩畔夜秋吟
斗薤衣裾蘚色侵
松道一生無繫着
湘南山水別人尋

贈村公

袖衣木突此鄉尊
白盡鬚眉眼未昏
醉舞神筵隨鼓笛
閑歌聖代和兒孫
黍苗一頃垂秋日
茅棟三間映古原
也笑長安名利處
紅塵半是馬蹄翻

僧護國一首

許州趙使君孩子

毛骨貴天生肌膚片玉明
見人空解笑弄物不知名
國器嗟猶小門風望益清
抱來芳樹下時引鳳雛聲

僧棲白二首

八月十五夜月

尋常三五夜豈是不嬋娟
及至中秋半還勝別夜
圓清光凝有露皓色爽無煙
自古人皆望年來復一年

哭劉得仁

為愛詩名吟到此風魂雪魄去難招直教桂子
落墳土生得一枝寃始銷

僧無可二首

金州陪姚員外遊南池

柳暗清波漲衝萍復漱苔張筵白鳥下埽岸使
君來洲島秋應沒荷花晚盡開高城吹角絕騶
馭尚徘徊

夏日送田中丞赴蔡州

出守汝南城應多戀闕情地逢人及望風起旆
初行楚廟繁蟬斷淮田細雨生賞心知有處蔣
宅古松平

僧清江一首

贈淮西賈兵馬使

破虜功成百戰場天書親拜漢中郎映門旌旆
春風起對客絃歌白日長階下鬪雞花乍折營
南試馬柳初黃猶來楚蜀多同調感激逢君共
異鄉

僧法照一首

寄錢郎中

閉門深樹裏，閉足為經過。駟馬不為貴，一僧誰
柰何。藥苗家自有，香飯乞時多。寄語婁娟客，將
心向薜蘿。

僧太易二首

贈司空拾遺

侍臣何事辭雲陛，江上微吟見雪花。望閣未承
丹鳳詔，掩門空對楚人家。陳彬草奏才還在，王
粲登樓興尚賒。高館更容塵外客，仍令歸路奉
瑤華。

宿天柱觀

石室初投宿，仙翁喜暫容。花原隔水見，洞府過
山逢。泉湧階前地，雲生戶外峯。中宵自人定，不
是欲降龍。

僧惟審一首

賦得聞黃鳥啼

捲簾清夢後，芳樹隱涼鷺。隔葉傳春意，穿花送
曉聲。未調雲路翼，空負桂林情。莫盡閑關興，羈
愁正厭生。

僧滄浩一首

留別嘉興知己

一坐東林寺從來未下山不因尋長者無事到
人間宿雨愁為客寒禽散未還空懷舊山月童
子誦經閑

僧皎然二首

訓崔御史見贈

買得東山後逢君小隱時五湖遊未足柏樹跡
如遺儒服何妨道禪心不廢詩一從居士說長
破小乘疑

尋陸鴻漸不遇

移家雖帶郭野徑入桑麻近種籬邊菊秋來未
著花扣門無犬吠欲去問西家報道山中出歸
來每日斜

僧無本二首

行次漢上

習家池沼草萋萋嵐樹光中信馬蹄漢主廟前
湘水碧一聲風角夕陽低

馬嵬

長川幾處樹青青孤驛危樓對翠屏一自玉皇
惆悵後至今來徃馬蹄腥

才調集卷第九

才調集卷第十

古律雜歌詩一百首

張夫人一首

戶部侍郎表
吉中孚妻

拜新月

拜新月 拜月出堂前
暗魄初籠桂 虛弓未引弦
拜新月 拜月粧樓上
鸞鏡始安臺 娥眉已相向
拜月不脉情 庭花風露清
月臨人自老 人望月生
長生東家阿母亦拜月
一拜一悲聲 斷絕昔年
拜月 騁容輝如今拜月
雙淚垂回看 衆女拜新
月却憶紅閨年少時



拾得韋氏花鈿以詩寄贈

今朝粧閣前拾得舊花鈿
粉污痕猶在塵侵色尚鮮
曾經織手裏帖向翠眉邊
能助千金笑如
何忍棄捐

劉媛一首

長門怨

雨滴梧桐秋夜長
愁心和雨到昭陽
淚痕不學君恩斷
拭却千行更萬行

女道士李冶九首 字季蘭

從蕭叔子聽禪琴賦得三峽流泉歌

妾家本住巫山雲
巫山流泉常自聞
玉琴彈出轉寥夙
真是當時夢裏聽
三峽迢迢幾千里
一時流入幽閨裏
巨石崩崖指下生
飛泉走浪弦中起
切疑憤怒含雷風
又似嗚咽流不通
迴湍曲瀨勢將盡
時復滴瀝平沙中
憶昔阮公為此曲
能使仲容聽不足
一彈既罷復一彈
願作流泉鎮相續

送闍伯均往江州

相招折楊柳
別恨轉依依
萬里西江水
孤舟何處歸
湓城潮不到
夏口信應稀
唯有隨陽雁
年年

年来去飛

相思怨

人道海水深不抵相思半
海水尚有涯相思眇
無畔攜琴上酒樓樓虛月華滿
禪著相思曲絃
腸一時斷

感興

朝雲暮雨鎮相隨去鴈來人有返期
玉枕祇知長下淚銀燈空照不眠時
仰看明月翻含意俯
眄流波欲寄詞却憶初聞鳳樓曲
教人寂寞復
相思

恩命退入留別廣陵故人

無才多病分龍鍾不料虛名達九重
仰愧彈冠上華髮多慙拂鏡理衰容
馳心北闕隨芳艸極目南山望舊峯
桂樹不能留野客沙鷗出浦謾
相逢

八至

至近至遠東西至深至淺清谿至高至明日月
至親至疎夫妻

送闞二十六赴剡縣

流水閭門外孤舟日復西
離情遍芳草無處不

淒々妾夢經吳苑
君行到剡溪
歸來重相訪
莫學阮郎迷

寄朱昉

望遠試登山
山高湖又濶
相思無曉夕
相望經年月
鬱々山木春
綿々野花發
別後無限情
相逢一時說

得閻伯均書

情來對鏡懶梳頭
暮雨蕭蕭庭樹秋
莫怪闌干垂玉筍
只緣惆悵對銀鈎

劉雲二首

長相思

朝亦有所思
暮亦有所思
登樓望君處
靄々蕭關道
掩淚向浮雲
誰知妾懷抱
玉井蒼苔春
院深桐花落
盡無人掃

婕妤好怨

君恩不可見
妾豈如秋扇
秋扇尚有時
妾身永微賤
莫言朝花不復落
嬌容幾奪昭陽殿

鮑君微一首

惜花吟

枝上花花下人
可憐顏色俱青春
昨日看花花

灼灼今日看花花欲落不如盡此花下歡莫待
春風總吹却鶯歌蝶舞韶景長 煙蕙茗松花
香粧成曲罷恣遊樂獨把花枝歸洞房

崔仲容二首

贈所思

所居幸接隣相見不相親一似雲間月何殊鏡
裏人丹成空有恨腸斷不禁春顛作梁間燕無
由變此身

贈歌姬

水剪雙眸霧剪衣當筵一曲媚春暉蕭湘夜瑟
怨猶在巫峽曉雲愁不晞皓齒乍分寒玉細黛
眉輕蹙遠山微渭陽朝雨休重唱滿眼陽關客
未歸

張文姬二首

範參
軍妻

溪上雲

溶溶溪口雲纔向溪中吐不復歸溪中還作溪
中雨

沙上路鳥

沙頭一水禽鼓翼揚清音只待高風便非無雲
漢心

女道士元淳二首

寄洛中諸妹

舊國經年別，關河萬里思。
題書憑雁翼，望月想蛾眉。
白髮愁偏覺，歸心夢獨知。
誰堪離亂處，掩淚向南枝。

秦中春望

鳳樓春望好，宮闕一重重。
上苑雨中樹，終南霽後峯。
落花行處徧，佳氣晚來濃。
喜見休明代，霓裳躡道蹤。

蔣蘊二首

贈鄭氏妹

艷陽灼灼，河洛神珠。
簾簾繡戶，青樓春能。
彈箜篌，弄纖指，愁殺門前。
少年子笑開一面紅粉粧。
東園幾樹桃花死，朝理曲暮理曲。
獨坐窓前，一片玉行也嬌坐也嬌。
見則令人魂魄銷，堂前錦褥紅地。
鑪絲沉香，榼傾屠蘇，解佩時時。
歇歌管芙蓉帳裏，蘭麝滿晚。
起羅衣香不斷，滅燭每嫌秋夜短。

古意

昨夜巫山雲失却，陽臺女今朝粧閣前。
獨伴楚

王語

崔公遠一首

獨夜詞

晴天霜落寒風急錦帳羅帷羞更入秦箏不復
續斷絃迴身掩淚挑燈立

女道士魚玄機九首

隔漢江寄子安六言

江南江北愁望相思相憶空吟鴛鴦暖卧沙浦
鷓鴣閑飛橘林烟裏歌聲隱、波頭月色沉、
含情咫尺千里况聽家家遠砧

寓言六言

紅桃處處春色碧柳家家月明樓上新粧待夜
閨中獨坐含情芙蓉葉下魚戲蝶竦天邊雀聲
人世悲歡一夢如何得作雙成

江陵愁望寄子安

楓葉千枝復萬枝江橋掩映暮帆遲憶君心似
西江水日夜東流無歇時

寄子安

醉別千卮不浣愁離腸百結解無由蕙蘭銷歇
歸春圃楊柳東西絆客舟聚散已愁雲不定思

情須學水長流有花時節難知遇未肯厭厭醉
玉樓

寄李億負外

一作寄
憐女

羞日障羅袖愁春懶起粧易求無價寶難得有
心郎枕上潛垂淚花間暗斷腸自能窺宋玉何
必恨王昌

送別二首

層城幾夜愜心期不料仙鄉有別離睡覺莫言
雲去處殘燈一盞野蛾飛

水柔遂器知難定雲出無心肯再歸惆悵春風
楚江暮鷺鶩一隻失羣飛

迎李近仁負外

今日喜時聞喜鵲昨宵燈下拜燈花焚香出戶
迎潘岳不羨牽牛織女家

賦得江邊樹

草色迷荒岸煙姿入遠樓葉鋪秋水面花落釣
人頭根老藏魚窟枝低繫客舟蕭蕭風雨夜驚
夢復添愁

張窈窕二首

寄故人

澹澹春風花落時不堪愁坐更相思無金可買
長門賦有恨空吟團扇詩

春思

門前梅柳爛春輝閉妾深閨繡舞衣雙燕不知
腸欲斷銜泥故、傍人飛

張琰二首

春詞二首

垂柳鳴黃鸝閨閨苦求友春情不可耐愁殺閨
中嬾日暮登高樓誰憐小垂手

昨日桃花飛今朝梨花吐春色能幾時那堪此
愁緒蕩子遊不歸春來淚如雨

趙氏二首

雜言寄杜羔

君從淮海遊再過蘭杜秋歸來未須臾又欲向
梁州梁州秦嶺西棧道與雲齊羌蠻萬餘落矛
戟自高低已念寡儔侶復慮勞攀躋丈夫重志
氣兒女空悲啼臨邛滯遊地肯顧濁水泥人生
賦命有厚薄君但遨遊我寤寐

聞夫杜羔登第

長安此去無多地鬱、葱、佳氣浮良人得意

正年少今夜醉眠何處樓

程長文三首

書情上使君

妾家本住鄱陽曲一片真心比孤竹當年二八
盛容輝紅牋草隸恰如飛盡日閑牕刺繡罷有
時極浦採蓮歸誰道居貧守都邑幽閨寂寞無
人入海燕朝歸衾枕寒山花夜落堦墀濕強暴
之男何所為手持白刃向簾帷一命任從刀下
死千金不受暗中欺我今匪石情難轉志奪秋
霜意不移血濺羅衣終不恨瘡粘錦袖亦何辭

縣僚曾未知情緒即便教人繫囹圄朱唇滴瀝
獨銜冤玉筋闌干歎非所十月寒更堪思人一
聞擊柝一傷神高髻不梳雲已散蛾眉罷掃月
仍新三尺嚴章難可越百年心事向誰說但看
洗雪出圓扉始信白珪無玷缺

銅雀臺怨

君王去後行人絕簫箏不響歌喉咽雄劍無威
光彩沉寶琴零落金星滅玉堦寂寞墜秋露月
照當時歌舞處當時歌舞人不迴化為今日西
陵灰

春閨怨

綺陌香飄柳如線時光瞬息如流電良人何處
事功名十載相思不相見

梁瓊三首

昭君怨

自古無和親貽災到妾身朔風嘶去馬漢月出
行輪衣薄狼山雪粧成虜塞春迴看父母國生
死畢胡塵

銅雀臺

歌扇向陵開齊行奠玉杯舞時飛鷺列夢裏片
雲未月色空餘恨松聲暮更哀誰憐未死妾掩
袂下銅臺

宿巫山寄遠人

巫山雲巫山兩朝雲暮雨無定所南峯忽暗北
峯晴空裏仙人語笑聲曾侍荆王枕席處直至
如今如有靈春風澹澹白雲閑驚湍流水響千
山一夜此中對明月憶得此中與君別感物情
懷如舊時君今渺渺在天涯曉看襟上淚流處
點點血痕猶在衣

廉氏二首

懷遠

隙塵何徹徹朝夕通其輝人生各有託君去獨
不歸青林有蟬響赤日無鳥飛徘徊東南望雙
淚空沾衣

寄征人

淒淒北風吹鴛被娟娟西月生蛾眉誰知獨夜
相思處淚滴寒塘蕙草時

薛濤三首

送友人

水國蒹葭夜有霜月寒山色共蒼蒼誰言千里
自今夕離夢杳如閔路長

題竹郎廟

竹郎廟前多古木夕陽沉沉山更綠何處江村
有笛聲聲盡是迎郎曲

柳絮詠

二月楊花輕復微春風搖蕩惹人衣他家本是
無情物一向南飛又北飛

姚月華二首

古怨二首

春水悠悠春艸綠對此思君淚相續羞將離恨

向東風理盡秦箏不成曲

與君形影分胡越玉枕終年對離別登臺北望

烟雨深迴身泣向寥天月

裴羽仙二首

其夫征匈奴輕行入高利生
掛帳下自爾一往音信斷絕

邊將二首

風捲平沙日欲曛狼烟遙認犬羊羣李陵一戰

無歸日望斷胡天哭塞塵

良人平昔逐蕃渾力戰輕行出塞門從此不歸

成萬古空留賤妾怨黃昏

劉瑤三首

暗別離

槐花結子桐葉焦單飛越鳥啼青霄翠軒輾雲

輕遙、燕脂淚迸紅線條瑤草歌苦心耿耿玉

佩無聲畫屏冷朱絃暗斷不見人風動花枝月

中影青鸞脉脉西飛去海闊天高不知處

古雅意曲

梧桐階下月團團洞房如水秋夜闌吳刀剪破

機頭錦菜萸花墜相思枕綠窓寐莫背燈時暗

數寒更不成寢

闔閭城懷古

五湖春水接遙天國破君忘不記年唯有妖娥
曾舞處古臺窈莫起愁烟

常浩二首

贈盧夫人

佳人惜顏色恐逐芳菲歇日暮出畫堂下階拜
新月拜月如有詞傷人那得知歸來投玉枕始
覺淚痕垂

寄遠

年々二月時十年期別期春風不知信軒蓋獨
遲遲今日無端捲珠箔始見庭花復見落人心
一往不復歸歲月來時未嘗錯可憐熒熒玉鏡
臺塵飛幕々幾時開却念容華非昔好畫眉猶
自待君來

曷鷓兒一首

懷良人

蓬鬢荆釵世所稀布裙猶是嫁時衣胡麻好種
無人種正是歸時底不歸

薛媛一首

寫真寄夫南楚材

欲下丹青筆先拈寶鏡端已驚顏索寞漸覺髮

凋殘淚眼描將易，愁腸寫出難。恐君渾忘却時，
展畫圖看。

盻盻一首

燕子樓

樓上殘燈伴曉霜，獨眠人起合歡牀。相思一夜
情多少，地角天涯不是長。

崔鶯鶯一首

答張生

待月西廂下，迎風戶半開。拂墻花影動，疑是故
人來。

無名氏三十七首

春二首

裏裏東風吹水國，金鴉影暖南山北。蒲抽小劍
割湘波，柳拂長眉舞春色。白銅堤下烟蒼々，林
端細蕊參差香綠。葉枝下見桃葉迴看青雲空，
斷腸。

烏足遲々日宮裏，天門擊鼓龍蛇起。風師剪翠
換枯條，青帝按藍染江水。蜂蝶續續抱香蕊，錦
鱗跳躑紅雲尾。繡衣白馬不歸來，双成倚檻春
心醉。

夏

赤帝旗迎火雲起南山石裂吳牛死繡楹夜
箔蝦鬚象榻重重簾湘水彤彤日脚燒水井古
陌塵飛野烟靜漢帝高堂汗若珠班姬明月無
停影

秋

月色驅秋下穹昊梁間燕語辭巢早古苔凝紫
帖瑤堦露槿啼紅墮江州越客羈魂挂長道西
風欲揭南山倒粉娥恨骨不勝衣映門楚碧蟬
聲老

冬

蒼茫枯磧陰雲滿古木號空晝光短雲擁三峯
嶽色低冰堅九曲河聲斷浩汗霜風刮天地温
泉火井無生意澤國龍蛇凍不伸南山瘦柏銷
殘翠

鷄頭

湖浪參差疊寒玉水仙曉展鉢盃綠淡黃眼老
栗皺圓染青刺短金罌熟紫羅小囊光際感一
掬真珠藏蝟腹禁引觜倚蓮洲滿川恐作天
鷄哭

紅薔薇

九天碎霞明澤國造化功夫潛剪裁淺碧眉長
約細枝深紅刺短鈎春色晴日當樓曉香歇錦
帶盤空欲成結謝豹聲催麥隴秋春風吹落猩
猩血

斑竹簟

龍鱗滿牀波浪濕血光點點湘娥泣一片晴霞
凍不飛深沉盡訝蛟人立百朵排花蜀纈明珊
瑚枕滑葛衣輕閑空獨卧曉不起冷漫羈魂錦
江裏

聽琴

六律鏗鏘間宮徵伶倫寫入梧桐尾七條瘦玉
叩寒星萬派流泉哭纖指空山雨脚隨雲却古
木燈青嘯山鬼田文墮淚曲未終子規啼血哀
猿死

石榴

蟬嘯秋雲槐葉齊石榴香老庭枝低流霞色染
紫嬰粟黃蠟紙包紅瓠犀玉刻冰壺含露濕編
斑似帶湘娥泣蕭娘初嫁嗜甘酸嚼破水精千
萬粒

秦家行

雙字飛光照天地九天瓦裂屯冤氣鬼哭聲
怨趙高宮花滴盡挾蘇淚禍起蕭牆不知戢羽
書催築長城急劄上忠臣血未乾沛公已函
關入

小蘓家

雙月謳謳輾秋碧細風斜掩神仙宅麥門冬長
馬鬣青茱萸蕊綻蠅頭赤流蘇斗帳懸高壁綵
鳳盤龍繳香頰堂內月娥橫剪波倚門腸斷蝦
鬚隔

班竹

濃綠踈莖遶湘水春風抽出蛟龍尾色抱霜花
粉黛光枝撐蜀錦紅霞起交曼敲敲無俗聲滿
林風曳刀槍橫般痕苦雨洗不落猶帶湘娥淚
血腥媯媯梢頭掃秋月影穿林下凝殘雪我今
慙愧子猷心解愛此君名不滅

宴李家宅

畫屏深掩瑞雲光羅綺花飛白玉堂銀棃酒傾
魚尾倒金鑪香滿鴨心香輕搖綠水青蛾飲亂
觸紅絲皓腕狂今日恩榮許同聽不辭沉醉一

千觴

長信宮

細草侵階亂碧鮮
宮門深鎖綠楊天
珠簾欲捲
檜秋水羅幌微開
動冷煙風引漏聲
過枕上月
遷花影到窻前
獨挑殘燭魂堪斷
却恨青蛾誤
少年

驪山感懷

武帝尋仙駕海遊
禁門高閉水空流
深宮帶日
年、色翠柏凝煙夜、愁鸞鳳影沉
歸萬古歌
鍾聲斷夢千秣
晚來惆悵無人會
雲雨能飛傍

玉樓

聽唱鷓鴣

金谷歌傳第一流
鷓鴣清怨碧雲愁
夜來省得
曾聞處萬里月明湘水流

遊朱坡故少保杜公林亭

杜陵池館洛城東
孤島迴汀路不窮
高岫乍疑
三峽近遠波初似
五湖通梧桐葉暗蕭、雨菱
荇花香澹、風還有昔時巢燕
在飛來飛去盡
堂空

留贈偃師主人

孤城漏未殘，徒侶拂征鞍。洛北去愁遠，淮南歸
夢闌。曉燈迴壁暗，晴雪卷簾寒。更盡主人酒，出
門行路難。

長門

帳望黃金屋，恩衰似越逃。花生針眼刺，月送剪刀
腸。刀地近，歡娛遠。天低雨露高，時看迴輦處。淚
臉濕夭桃。

三五七言詩

秋風清秋月，明落葉聚還散。寒鴉棲復驚，相思
相見知何日。此時此夜難為情。

客有新豐館，題怨別之詞，因詰傳吏盡
得其實，偶作四韻，嘲之。

春風白馬紫絲韁，正值蠶眠未採桑。五夜有心
隨暮雨，百年無節待秋霜。重尋綉帶朱藤合，更
認羅裙碧草長。為報西游減離恨，阮郎纔去嫁
劉郎。

經漢武泉

芙蓉池苑起清秋，漢武泉聲落御溝。他日江山
映蓬鬢，二年楊柳別漁舟。竹間駐馬題詩去，物
外何人識醉遊。盡把歸心付紅葉，晚來隨水向

東流

雜詩十首

近寒食兩草萋、看麥苗風柳映堤早是有家
歸未得杜鵑休向耳邊啼

春光冉、歸何處更向樽前把一盃盡日問花
花不語為誰零落為誰開

水紋珍簾思悠悠千里佳期一夕休從此無心
夢良夜任他明月下西樓

數日相隨兩不忘即心如妾妾如郎出門便是
東西路把取紅牋各斷腸

無定河邊暮角聲赫連臺畔旅人情函關歸路
千餘里一夕秋風白髮生

花落長川草色青暮山重疊兩冥冥、逢春漸覺
飄蓬苦今日分飛一涕零

洛陽才子隣簫恨湘水佳人錦瑟愁今昔兩成
惆悵事臨邛春盡暮江流

浙江白浪去悠悠、望海樓吹望海愁莫怪鄉心
隨魄斷十年為客在他州

鸞飛遠樹遊何處鳳得新巢有老心紅粉尚留
香幕、碧雲初斷信沉沉、那堪點污沉泥玉猶

自徑營買笑金從此山頭似人石丈夫形狀淚
痕深

折釵破鏡兩無緣魚在深潭月在天得竟紫鸞
辭舞鏡墮松青鳥銜銜殘金瓶永覆難收水玉
軫長拋不續弦若到蘼蕪山下過空將狂泪滴
黃泉

天竺國胡僧水精念珠

天竺胡僧踏雲立紅精素貫鮫人泣細影疑隨
爛火銷圓光恐滴袈裟濕夜梵西天千佛聲指
輪次第驅寒星若冰葉下滴秋露則是井底圓
春冰淒清妙麗應難並眼界真如意珠靜碧蓮
花下獨提携堅潔會如幻泡影

白雪歌

皇穹何處飛瓊屑散下人間作春雪五花馬踏
白雲嚮七香車碾瑶墀月蘓岳乳洞擁山家澗
竹藤古栗盃盃銀虵寒郊復疊鋪柳絮古磧爛熳吹
蘆花流泉不下孤汀咽斷壁老猿聲欲絕鳥咏
冰潭玉鏡開風敲簷溜水晶折拂戶初疑粉蝶
飛看山又訝白鷗歸孫康凍死讀書闈火井不
煖溫泉微

琵琶

粉曾繡臆誰家女香撥星共春語七盤嶺上
走鸞鳥釵十二峯頭弄雲雨千悲萬恨四五絃
中甲馬聲駢闐山僧撲破瑠璃鉢壯士擊折珊瑚
鞭珊瑚鞭折聲交戛玉盤瀉瀉真珠滑海神
驅趁夜濤回江娥感踏春冰裂滿坐紅粉盡淚
垂望鄉之客不勝悲曲終調絕忽飛去洞庭月
落孤雲歸

傷哉行

兔走烏飛不相見人事依稀速如電王母天桃
一度開玉樓紅粉千回變早馳馬走咸陽道石
家舊宅空荒艸秋雨無情不惜花芙蓉一一驚
倒勸君莫謾栽荆棘秦皇虐費驅山力英風
一去更無言白骨沉埋暮山碧

才調集卷第十

